

**S T E N O G R A M**  
**TREĆE RADNE SJEDNICE SKUPŠTINE KANTONA SARAJEVO**  
**ODRŽANE 27.01.2023.GODINE S POČETKOM U 09,00 SATI**

## **Elvedin Okerić (Predsjedavajući)**

Otvaram Treću radnu sjednicu Skupštine Kantona Sarajevo. Himna Bosne i Hercegovine.

Pozdravljam uvažene kolegice i kolege zastupnike, članove Vlade i uvažene goste, kao i predstavnike medija koji prate rad današnje sjednice. Svima nama želim uspješan rad i ugodnu radnu atmosferu.

Prema evidenciji Službe, sjednici prisustvuje 31 zastupnik, što je dovoljan broj za punovažan rad i odlučivanje.

Izostanak sa ove sjednice pravdala je dopredsjedavajuća Danijela Kristić.

Na osnovu članova 72. i 73. Poslovnika Skupštine Kantona Sarajevo, Kolegij Skupštine Kantona Sarajevo je na sjednici održanoj dana 12.01.2023.godine utvrdio dnevni red, a isti je dopunio na sjednici Kolegija održanoj dana 23.01.2023. godine.

Prelazimo na utvrđivanje dnevnog reda današnje sjednici. Na osnovu naprijed navedenog, Prijedlog dnevnog reda današnje, Treće radne sjednice, glasi:

1. Poslanička/zastupnička pitanja inicijative i odgovori;
2. Prijedlog Zakona o izmjenama Zakona o šumama Kantona Sarajevo-skraćeni postupak;
3. Prijedlog Zakona o izmjeni Zakona o pružanju besplatne pravne pomoći-skraćeni postupak;
4. Prijedlog Zakona o izmjenama i dopuni Zakona o turizmu;
5. Prijedlog Zakona o komunalnoj policiji Kantona Sarajevo;
6. Prijedlog Zakona o uvjetima koje treba ispunjavati Kantonalna bolnica;
7. Nacrt Zakona o sportu Kantona Sarajevo;
8. Prijedlog Odluke o davanju saglasnosti na Izmjene i dopune Finansijskog plana prihoda i izdataka Javne ustanove „Služba za zapošljavanje Kantona Sarajevo" Sarajevo za 2022. godinu sa Odlukom o izvršavanju Izmjena i dopuna Finansijskog plana prihoda i izdataka Javne ustanove „Služba za zapošljavanje Kantona Sarajevo" Sarajevo za 2022. godinu
9. Prijedlog Odluke o dopunama Odluke o usvajanju okvira za otkup imovine i naknade radi realizacije Projekta izgradnje gradskih saobraćajnica u Kantonu Sarajevo;
10. Prijedlog Odluke o proglašenju temeljnih udruženja kulture naroda Bosne i Hercegovine od posebnog interesa za Kanton Sarajevo;
11. Prijedlog Odluke o davanju saglasnosti za zaključivanje Ugovora o poklonu između HOPE AND HOMES FOR CHILDREN Engleska, sa sjedištem u Sarajevu, ulica Himze Polovine br. 13 i Ministarstva za rad, socijalnu politiku, raseljena lica i izbjeglice Kantona Sarajevo, ulica Reisa Džemaludina Čauševića br. 1, kojim HOPE AND HOMES FOR CHILDREN Engleska poklanja nekretninu upisanu u Zemljišnoknjižnom uredu Općinskog suda u Sarajevu u ZK izvadku broj: 2994 K.O. SP\_HRASNICA, k.č. 2876/98 u naravi stambena zgrada površine 95 m<sup>2</sup> i dvorište 215 m<sup>2</sup> ukupne površine 310 m<sup>2</sup> , što odgovara upisu u katastarski operat PL broj: 1274 parcela broj 1942 K.O. Ilidža;
12. Prijedlog Odluke o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvoj (EBRD) za projekat „Tramvajska pruga Ilidža - Hrasnica“;
13. Prijedlog Odluke o izmjenama i dopunama Odluke o osnivanju Javne ustanove "Centar za napredne tehnologije u Sarajevu";
14. Nacrt privremene odluke o zaštiti izvorišta vode za piće “Sarajevsko polje”.

Prije nego što stavim dnevni red na glasanje zamolio bih zastupnice i zastupnike da tačke. 8 koja glasi: Prijedlog odluke o davanju saglasnosti o izmjeni i dopuni finansijskog plana prihoda i izdataka Javne ustanove Služba za zapošljavanje Kantona Sarajevo i Tačku 9. Prijedlog odluke o dopunama Odluke o usvajanju okvira za otkup imovine i naknade radi realizacije projekta izgradnje gradskih saobraćajnica u Kantonu Sarajevo prebacimo da na mjesto 2 i 3 kako bi mogli olakšati tehničku realizaciju ovih tačaka na koje službe čekaju.

Tako da prvo stavljam na glasanje da nam se Tačka 8 i 9 prebace odmah iza inicijativa i pitanja.

Molim službu da pripremi anketu za izjašnjenje, a zastupnice i zastupnike da se izjasne.

Zaključujem glasanje. Molim službu da objavi rezultate glasanja.

Za je glasalo 30 zastupnika, protiv ništa, suzdržanih ništa.

Konstatujem da je Skupština usvojila moj prijedlog.

Molim službu da pripreme anketu za izjašnjenja, a zastupnice i zastupnike da se izjasne o predloženom dnevnom redu onako kako sam pročitao.

Zaključujem glasanje. Molim službu da objavi rezultate glasanja.

Za je glasalo 31 zastupnik, protiv ništa i suzdržanih ništa.

Konstatujem da je Skupštine jednoglasno donijela današnji dnevni red Skupštine Kantona Sarajevo.

Informativni materijali današnje sjednice Skupštine Kantona Sarajevo su:

- Informacija o stanju kriminaliteta, javnog reda i mira i sigurnosti saobraćaja na području Kantona Sarajevo za mjesec juni, za mjesec juli, zatim za mjesec januar – juni kvartalno, zatim za mjesec septembar, zatim za kvartal januar -septembar, pa za mjesec oktobar, za mjesec novembar 2022. godine;
- Informacija o provođenju Zakona o prijavljivanju i postupku provjere podataka o imovini nosioca javnih funkcija u Kantonu Sarajevo;
- Izvještaj Ministarstva finansija Kantona Sarajevo o poduzetim aktivnostima budžetskih korisnika po preporukama Ureda za reviziju institucija FBiH iz Konačnog izvještaja o finansijskoj reviziji Budžeta Kantona Sarajevo za 2021. godinu, broj: 08-11-1446-170-1 od 30.11.2022. godine;
- Izvještaj o razvoju Kantona Sarajevo za 2021. godinu;

Ovo bi bio informativni materijal današnje sjednice Skupštine Kantona Sarajevo.

Prelazimo na realizaciju prve tačke dnevnog reda.

Prije nego što dam mogućnost da zastupnici krenu sa postavljanjem pitanja i podnošenjem inicijativa zamolio bih vas da u skladu sa vremenom, s obzirom da danas imamo zakazanu sjednicu Doma naroda, da se držimo Poslovnika da u roku od sat vremena uspijemo dostaviti odnosno pročitati inicijative i eventualna pitanja koja imate, ne morate sve čitati, ako imate više inicijativa kako bi mogli da zadovoljimo ovo vrijeme od sat vremena.

Zahvaljujem se još jednom. Otvaram tačku

**AD – 1.**

## **POSLANIČKA/ZASTUPNIČKA PITANJA, INICIJATIVE I ODGOVORI**

Za riječ javio zastupnik Mahir Dević, izvolite.

### **Mahir Dević (poslanik/zastupnik)**

Hvala predsjedavajući. U skladu sa članom 121 Poslovnika o radu Skupštine Kantona Sarajevo ispred Kluba Stranke demokratske akcije za današnju sjednicu predlažemo sljedeću deklaraciju: Skupština Kantona Sarajevo kao predstavničko tijelo Kantona u čijem sastavu glavni grad koji je bio 1425 dana pod opsadom izražava zabrinutost i najoštrije osuđuje provokativno podizanje 3 prsta od strane novoizabranog ministra sigurnosti države Bosne i Hercegovine, Nenada Nešića ispred sjedišta institucija Bosne i Hercegovine, što je ponovio i u programu uživo na javnom servisu Federalne televizije. Podsjećamo na činjenicu da su najstrašniji zločini koji su počinjeni za vrijeme agresije na Bosnu i Hercegovinu a koji su kulminirali zločinom genocida, kao četverogodišnja opsada Sarajeva i teroriziranje njegovih građana počinjeni upravo uz upotrebu simbola podignuta 3 prsta što je i dokazano brojnim sudskim presudama Međunarodnog suda za ratne zločine počinje na području bivše Jugoslavije. Podizanje 3 prsta ispred zgrade institucija Bosne i Hercegovine, blizu mjesta na kojem su pale prve žrtve okupacije Sarajeva od strane ministra sigurnosti Bosne i Hercegovine Nenada Nešića predstavlja provokaciju i svjesnu uvredu za sve žrtve agresije i zločina genocida, te ima za cilj narušavanje odnosa i destabilizaciju povjerenje između građana i naroda Bosne i Hercegovine, kao i kreiranja atmosfere straha. U tom smislu navedeno ponašanje najoštrije osuđujemo.

Navedenu deklaraciju ću proslijediti naravno sekretaru Skupštine Kantona Sarajevo i očekujem da se Skupština o istoj izjasni. Hvala predsjedavajući.

### **Elvedin Okerić (Predsjedavajući)**

Hvala kolega Deviću. Zastupnik Damir Marjanović se javio za riječ.

### **Damir Marjanović (poslanik/zastupnik)**

Zahvaljujem. Dobro jutro kolegicama i kolegama kao i svima onima koji prate ovo zasjedanje Skupštine. Imam 2 pitanja i 1 inicijativu. Prvo pitanje se odnosi za Ministarstvo za visoko obrazovanje nauku i mlade. Kontaktiran sam kao predsjedavajući Skupštinske komisije vezano za obrazovanje i nauku glede problema koji je nastao prilikom realizacije i poštivanja Zakona o visokom obrazovanju, tiče se tačke koja se odnosi na to da će svi samofinansirajući studenti koji imaju prosjek preko 8,0 biti oslobođeni plaćanja. Neki od fakulteta su već naplatili prve rate i dužni su da vrate sada taj novac. Imamo informaciju da je došlo do zastoja u tom principu, pa molim ministricu pismeno da odgovori na to pitanje da bih to pitanje mogao proslijediti onima koji su. Zanima me što je Ministarstvo uradilo? Što je Rektorat uradio? Između ostaloga da zatraži informaciju kako da se riješite taj problem i da li će se studentima vratiti taj novac? Ako neće tko je odgovoran? Pretpostavljam i siguran samo u vas ministrice. Za Ministarstvo za odgoj i obrazovanje pitanje koje se tiče kurikularne reforme. Ukratko dobio sam isto upiti kao predsjedavajući komisije vezano za kurikularnu reformu. Zahtijeva se imena ljudi koji su radili na kurikulumima, koliki su im bili honorari, da li su ti timovi komisije za izradu akata nastavili da rade, koliko grupa, timova radi na svemu tome. Znači isto je pitanje došlo meni kao predsjedavajućem zato zbog dužine ovog izlaganja neću čitati sve detalje, dostaviti ću pismeno. I zamolit ću da mi se odgovori u što kraćem roku da bi ljudima i javnosti mogli da odgovorimo na ovo pitanja. E, sada vezano za inicijativu. Često smo u protekle 4 godine imali priliku da slušamo

različite inicijative koje su na neki način podrazumijevale određena finansijska prebacivanja, pomaganja, ulaganja. Prošle sjednice smo imali jednu sličnu inicijativu vezano za onih famoznih 1080 konvertibilnih maraka, pa često smo prilikom tih inicijativa imali probleme tehničke prirode nedostatka vremena da se to realizira, izjašnjavanje, neizjašnjavanje Vlade i tako dalje. Tako da se ponekad i pored dobre volje zbog procedura nešto se nije moglo uraditi. Evo sada na vrijeme da započnemo jednu inicijativu. Svi ste svjesni da u 2023. godine priprema nam se budžet u Kantonu Sarajevo u koji će biti manje i nego što je bio za 22. Znači u 2023 će biti znatno manji, da smo jedan od rijetkih kantona koji će imati taj manji Budžet i već u Nacrtu budžeta koji ćemo raspravljati uskoro za nekih par dana vidjeli ste da mnoge institucije će imati smanjena smanjena izdavanja tj. smanjenu mogućnost troškova. S obzirom da su stranke u Kantonu Sarajevo isto dijelom finansiraju iz Budžeta Kantona Sarajevo ovoga momenta pokrećem inicijativu da se Skupština Kantona Sarajevo izjasni da u Budžetu za 2023. godinu, znači mi kao zastupnici pokrenemo inicijativu prema Vladi da se izdvajanja za stranke koje participiraju u Skupštini KS smanje za najmanje 50 %. Neću tražiti izjašnjavanje o inicijativi sada zato što poštujem kolege i kolegice i poštujem da se moraju konsultovati sa svojim rukovodstvima, ali evo odmah najavljujem da će biti jedan takav amandman i kod Nacrta budžeta i bio bih presretan kada bi svi zauzeli taj stav da pokažemo da stranke u Kantonu Sarajevo zajedno će podnijeti sa ostalim institucijama teret smanjena ovog Budžeta. Hvala velika.

#### **Elvedin Okerić (Predsjedavajući)**

Za riječ se javila zastupnica Fatima Gavrankapetanović- Smailbegović. Izvolite.

#### **Fatima Gavrankapetanović-Smailbegović (poslanik/zastupnik)**

Poštovani predsjedavajući, kolege zastupnici, članovi Vlade, moje današnje pitanje bi bilo problemi liste čekanja na zdravstvene usluge u Kantonu Sarajevo. Na prošloj sjednici Skupštine Kantona pokrenula sam jednu vrlo konkretnu inicijativu za rješavanje problema liste čekanja na određene zdravstvene usluge u Kantonu Sarajevo. Nakon moje inicijative javlja se veliki broj sugrađana koji ukazuju da su na listama čekanja i da je stanje i dalje vrlo složeno.

Nisam dobila nikakav odgovor na moja pitanja od resornog Ministarstva zdravlja zato ovaj put ponavljam suštinu onoga što sam izložila na prethodnoj sjednici. Tražim od Ministarstva zdravlja i ministra zdravlja odgovor na sljedeća pitanja: da li su u Kantonu Sarajevo riješene liste čekanja, i ako jesu, kako i na koji način? Tražim da se u usmenom odgovoru detaljno pojašni kako su liste riješene liste čekanja na preglede za dijagnostičke metode i operativne zahvate? Kakva su iskustva sa terena, kako ova pitanja funkcionišu u praksi i da li Ministarstvo zdravlja ima primjedbe i prigovore pacijenata na liste čekanja?

Pored usmenog odgovora tražim detaljan pismeni odgovor do sljedeće sjednice Skupštine i očekujem naravno rješavanje inicijative koju sam po predmetnom pitanju postavila na prethodnoj sjednici. Zahvaljujem se.

#### **Elvedin Okerić (Predsjedavajući)**

Zahvaljujemo se uvaženoj zastupnici. Zastupnik Kenan Magoda se javio za riječ. Izvolite.

#### **Kenan Magoda (poslanik/zastupnik)**

Dobro jutro svima, uvažanim kolegama, građanima Kantona Sarajevo koji gledaju putem TV ekrana sjednicu. Zastupnička inicijativa u ime Kluba zastupnika SDP-a Kantona Sarajevo prema Skupštini Kantona Sarajevo za nastavak dijaloga Vlade Kantona Sarajevo i sindikata o načinu povećanja primanja radnika koji ta primanja ostvaruju iz Budžeta Kantona Sarajevo u 2023. godini.

Pozdravljamo činjenicu da je Vlada Kantona Sarajevo u Nacrtu budžeta Kantona Sarajevo za 2023 godinu osigurala novčana sredstva u iznosu većem od 25 000 000 KM za povećanje primanja radnika iz Budžeta Kantona Sarajevo u 2023. godini. Posebno je ova činjenica još značajnija kada se uzme u obzir da je Budžet značajno umanjen zbog primjene izmjena i dopuna Zakona o raspodjeli javnih prihoda Federacije Bosne i Hercegovine. Također pozivamo Vladu Kantona Sarajevo, te predstavnike sindikalnih organizacija da u dobroj vjeri nastave pregovore o modelima i načinu povećanja primanja radnika koji primaju, i to je koji primanja ostvaruju putem Budžeta Kantona Sarajevo. Utvrđivanjem Nacrta budžeta će se stvoriti jasan pregovarački tim i okvir za povećanje primanja, te u toku javne rasprave o istom otvoriti mogućnost dostavljanja sugestija, prijedloga i primjedbi na isti. Ovom inicijativom Skupština Kantona Sarajevo nalaže Vladi Kantona Sarajevo za nastavak dijaloga sa sindikatima o njihovim zahtjevima. Skupština Kantona Sarajevo poziva sindikate da prihvate činjenicu da je ovo već druga godina u kojoj Vlada Kantona Sarajevo povećava plate uprkos smanjenim budžetskim sredstvima zbog entitetskih zakona i imaju razumijevanja prema drugim korisnicima budžet i korisnici Budžeta i potrebama građana Kantona Sarajevo koji ne primaju platu iz Budžeta kantona Sarajevo a koji svi zajedno ustvari punimo u skladu sa zakonodavnim okvirima. Hvala.

### **Elvedin Okerić (Predsjedavajući)**

Zahvaljujemo se zastupniku Magodi. Uvaženi zastupnik Faruk Kapidžić, izvolite imate riječ.

### **Faruk Kapidžić (poslanik/zastupnik)**

Zahvaljujem predsjedavajući. Imam jedno pitanje i jednu inicijativu. Dakle pitanje je za Ministarstvo komunalne privrede, infrastrukture i prostornog uređenja itd. i čitave Vlade što je poduzela i šta je uradila za nelegalni odnosno nelegalnu dozvolu za objekat pumpe i hotela i skladišta kerozina kod aerodroma i objekta na Soukbunaru, mislim da je to broj 36 do do rezervoara vodovoda, obzirom da se radi o ugrožavanju zdravlja i sigurnosti ljudi i građana. Obzirom da vjerovatno ne možemo dobiti odgovor ni od Vlade ni od resornog Ministarstva pokrećem inicijativu gdje se zadužuje Vlada Kantona Sarajevo da pripremi i u parlamentarnu proceduru uputi izmjene i dopune Zakona o organizaciji i djelokrugu organa uprave i upravnih organizacije u Kantonu Sarajevo i to na način da se Ministarstvo komunalne privrede infrastrukture i prostornog uređenja građenja i zaštite okoliša preimenuje u Ministarstvo prostornog uređenja, građenja i zaštite okoliša, te u skladu s tim da se promijene njegove nadležnosti a da se komunalna infrastrukture i komunalna privreda dodaju u nadležnosti Ministarstva saobraćaja i Ministarstva privrede, tim redom. Obrazloženje: izmjenama i dopunama Zakona o organizaciji i djelokrugu organa uprave i upravnih organizacija u Kantonu Sarajevo koji je više puta osporavan pred Ustavnim sudom Federacije Bosne i Hercegovine, Ministarstvo prostornog uređenja, građenja i zaštite okoliša spojeno je sa Ministarstvom komunalne privrede i infrastrukture. S obzirom na činjenicu da to novo Ministarstvo komunalne privrede, infrastrukture i prostornog uređenja građenja i zaštite okoliša u protekle 2 godine koliko egzistira nije uspjela adekvatno odgovoriti propisanim nadležnostima i obavezama, a radi velikog obima nespojivih poslova koji su mu predmetnim zakonom povjereni, smatram neophodnim vratiti Ministarstvo prostornog uređenja, građenja i zaštite okoliša u okviru nadležnosti koje imalo do 2021. godine. Nadležno za komunalnu infrastrukturu a radi srodnosti i kompatibilnosti poslova najbolje bi bilo propisati i dodijeliti Ministarstvu saobraćaja koje je de facto Ministarstvo saobraćajne infrastrukture, te kao takvo srodnog komunalnoj infrastrukturi, a komunalnu privredu Ministarstvu privrede. Kratko samo pojašnjenje da da možda to izgleda ovako ovako malo za ovo spajanje saobraćaja, ja sam to dao

rješenje, samo je bitno da se razdvoji ovo Ministarstvo koje toliko veliko da za diskusiju dok pročitate ime izgubite vrijeme za diskusiju. Hvala.

### **Elvedin Okerić (Predsjedavajući)**

Zahvaljujemo se zastupniku Kapidžiću. Zastupnik Adi Kalem, izvolite imate riječ.

### **Adi Kalem (poslanik/zastupnik)**

Zahvaljujem predsjedavajući. Selamim i pozdravljam kolegice i kolege i gledaoca pored malih ekrana. Naime pokrećem jednu inicijativu a tiče se produženja linije voza na relaciji Sarajevo - Pazarić - Raštelica. Zaključak svakako da se zaduži Vlada Kantona Sarajevo i Ministarstvo saobraćaja Kantona Sarajevo da u suradnji sa Javnim preduzećem Željeznice Federacije BiH d.o.o. Sarajevo i naravno u cilju poboljšanja javnog prijevoza putnika u Kantonu Sarajevo u što kraćem roku obezbijedi produženje putničke linije voza Sarajevo -Pazarić - Raštelica kako bi građani općine Hadžići imali bolju uslugu javnog prijevoza putnika i redovniji prijevoz. Naime, nakon više obraćanja građana sa područja Tarčina i Rašteliće i službenog dopisa od 16.01.2023.godine Ministarstvu saobraćaja Kantona Sarajevo i Javnom preduzeću Željeznice Federacije BiH predsjednika mjesne zajednice Raštelica, gospodina Almira Husanovića, neophodno je da Vlada produži pomenutu liniju. Svi znate da se radi o kraju Kantona i populaciji građana koja često koristi javni prijevoz, te zbog neredovnost autobusnog saobraćaja, pogotovo u zadnje vrijeme, na saobraća autobus Ilidža -Tarčin- Vukovići i stoga je neophodno unaprijediti mogućnost izbora prilikom odabira javnog prijevoza putnika građanima općine Hadžići. Također moram napomenuti da su se nakon izgradnje dionice autoputa Tarčin-Ivan sedlo i puštanja iste u promet, stvorili svi preduvjeti da se stanica u Raštelići koristi u punom kapacitetu i također u sklopu ove inicijative zamolio bih, opet na zahtjev građana općine Hadžići, novo stajalište u naselju Krupa i obnovi stajalište u Lukama, odnosno Sivicama, kako bi građani nesmetano ulazili i izlazili iz vozila. Naravno zamolit ću da se Skupština Kantona Sarajevo izjasni po ovoj inicijativi. Svjestan sam da ova inicijativa iziskuje određena finansijska sredstva pa ako ne može se stići da se Vlada izjasni po ovoj inicijativi, možda na narednoj sjednici da glasamo na Skupštini. Zahvaljujem.

### **Elvedin Okerić (Predsjedavajući)**

Zahvaljujem se uvaženom zastupniku. Zastupnica Admela Hodžić.

### **Admela Hodžić (poslanik/zastupnik)**

Zahvaljujem predsjedavajući. Evo upravo jedno od mojih pitanja danas je bilo ovo što je sada kolega Adi tražio inicijativom. Mi smo zaključak usvojili prije godinu dana za produženje funkcionisanja linije Željeznicama Federacije od Sarajeva do Rašteliće da to ne bude do Pazarića nego do Rašteliće i usvojili smo ovdje jednoglasno taj zaključak, međutim još nije realizovan. Evo samo da pitamo zašto nije? I naravno želim da se usvoji ova inicijativa kolege Adija.

Ja danas imam još 2 pitanja i 2 inicijative. Neću čitati obrazloženja zbog vremena koje, moramo imati ovaj obzira prema svim kolegama. Pokrećem inicijativu prema Vladi Kantona Sarajevo da se što kraćem vremenskom periodu izdvoje sredstva u iznosu od 200 000 KM za pomoć općini Hadžići koju je u proteklom periodu zadesilo veliko nevrijeme usljed čega su u kratkom vremenskom periodu bujične poplave nanijele znatnu materijalnu štetu lokalnom stanovništvu Tarčina i dijelom Pazarića, te da se novčana sredstva usmjere za rekonstrukciju i sanaciju lokalnih potoka, potpornih zidova, putne infrastrukture, kao i nastale materijalne štete građanima na ovaj privatnim posjedima.

Također pokrećem inicijativu prema Vladi Kantona Sarajevo da u narednom periodu planira i izdvoji sredstva za općinu Hadžići a koja će se koristiti za stavljanje u funkciju silosa u Tarčinu, te da se također sredstva planiraju za sljedeću sijnu sezonu za poljoprivrednike Kantona Sarajevo i kreiraju programi pomoći koji žele isključivo zasijati žitarice u ovoj sijnoj u sezoni.

Postavljam pitanje premijeru Kantona Sarajevo gospodinu Forti da nas izvijesti o rezultatima provedenih aktivnosti o inicijativi kojom smo prije 6 mjeseci tražili od Vlade Kantona Sarajevo da poduzme sve potrebne aktivnosti kako bi se provela anketa u kojoj bi učestvovalе osobe sa invaliditetom Kantona Sarajevo sa jedne strane gdje bi unijeli podatke o obrazovanju, stepenu invalidnosti, koje poslove mogu obavljati i mjesečnim primanjima i sa druge strane prikupili podaci iz Ministarstva javnih preduzeća i javnih ustanova Kantona Sarajevo o svakom 16. radnom mjesto koje osobe sa invaliditetom sljeduje po Zakonu i koje bi mogle obavljati u tim javnim organizacijama. Radna mjesta kao što su operateri na telefonskim centralama, mjesta fizioterapeutskih tehničara, mjesta za unos i obradu podataka za invalidne osobe, a naročito za slijepe i slabovidne osobe i sva radna mjesta za koja se osobe sa invaliditetom anketom izjasne da bi mogli obavljati u skladu sa svojim obrazovanjem i sposobnostima.

### **Elvedin Okerić (Predsjedavajući)**

Vrijeme kolegice Hodžić.

### **Admela Hodžić (poslanik/zastupnik)**

Te da javne organizacije Kantona Sarajevo označe kao radna mjesta za koja prioritet pri zapošljavanju nakon ispunjenih uopćih i posebnih uslova imaju osobe sa invaliditetom. Zahvaljujem.

### **Elvedin Okerić (Predsjedavajući)**

Hvala vama. Zastupnica Elza Gaković, izvolite imate riječ.

### **Elza Gaković (poslanik/zastupnik)**

Zahvaljujem predsjedavajući. Moju današnju inicijativu upućujem Ministarstvu privrede Kantona Sarajevo i Ministarstvu za nauku, visoko obrazovanje i mlade Kantona Sarajevo. Posljednji slučajevi zaraze studenata Veterinarskog fakulteta u Sarajevu Q groznicom nameću jedan temeljitiji rad i pripremu farmi za praktičnu nastavu studenata Veterinarskog fakulteta u Sarajevu. Pitanje koje postavljam i tražim usmeni odgovor ministra privrede je sljedeće: da li je rađena analiza zaraznih bolesti zoonoza životinja na PD Butmir i ostalim farmama na kojim studenti obavljaju praktičnu nastavu? Ako je rađena analiza, ko je radio tu analizu i kojima metodama je analiza rađena? Koliko često se na godišnjem nivou radi analiza životinja na zarazna oboljenja PD Butmir i na ostalim farmama? I da li je inspektorat Veterinarske inspekcije Kantona Sarajevo izvršio pregled životinja na PD Butmir ?I ukoliko je izvršen zamolit ću da mi se dostavi zapisnik. Inicijativu koju postavljam, obrazloženje Q groznica kod ljudi dovodi do teških oboljenja centralnog nervnog sistema, trajnih oštećenja srca i steriliteta. U cilju zaštite studenata Veterinarskog fakulteta u Sarajevu podnosim inicijativu, obzirom da su Budžetom Ministarstva privrede Kantona Sarajevo predviđena finansijska sredstva u 2022. u iznosu od 500 000 konvertibilnih maraka za namjenu veterinarsko zdravstvenih pregleda i kontrole podnosim inicijativu da se vrše obavezne godišnje analize životinja u cilju sprečavanja, otkrivanja, kontrole i suzbijanja zaraznih i parazitarnih bolesti i da tek nakon dostavljene potvrde farmi na kojima se realizira praktična nastava prema Veterinarskom fakultetu u Sarajevu o negativnim uzorcima na



zoonoze i druge zarazne bolesti studenti se tek tada mogu slati na praktičnu nastavu. U okviru ovoga podnosim inicijativu za kupovinu jednokratne zaštitne opreme za studente Veterinarskog fakulteta u Sarajevu koja je neophodna kao uslov za sigurnu zaštitu na određenim praktičnim vježbama. Zahvaljujem.

### **Elvedin Okerić (Predsjedavajući)**

Zahvaljujemo se zastupnici Gaković. Zastupnica Marijela Hašimbegović, izvolite imate riječ.

### **Marijela Hašimbegović (poslanik/zastupnik)**

Zahvaljujem se predsjedavajući. Za današnju sjednicu pripremila sam 2 pitanja i jednu inicijativu i obzirom na ograničeno vrijeme prezentirat ću samo ovu inicijativu. Obraćam se Vladi Kantona Sarajevo. Podnosim inicijativu da se projektu Mala scena Narodnog pozorišta sa radionicama i sa smještajnim kapacitetima koji je bio dijelom programa javnih investicija Kantona Sarajevo za period 2018-2020. godina vrati isti status ili da se kroz druge povoljne prilike riješi akutno otvoreno pitanje koje se prevashodno odnosi na sigurnost havarisanog objekta radionica JU Narodno pozorište. Ovaj objekat se nalazi u ulici Terezije 52 Skenderija i njegova trenutna namjena su usluge izrade i skladištenje scenografije JU Narodnog pozorišta. Sigurnost ovog objekta je ugrožena rade klizišta koje se nalazi neposredno uz objekat i stanje se dodatno pogoršala nakon izgradnje novih objekata iznad ove lokacije. U objektu radionica nalazi se plinsko postrojenje za grijanje koje dodatno predstavlja ozbiljnu prijetnju jer klizište svojim stalnim radom ostavlja vidljive tragove na zidovima, podovima, plafonima, potpornim zidovima i vrši fizičko ugrožavanje objekta općenito. Do sada su 2 inspekcijiska nalaza stavila u fokus alarmantno lošu sigurnosnu situaciju ovog objekta. Do danas osim izrade idejnog rješenja novog objekta i izmjene Regulacionog plana Podgaj-Tekija nije bilo drugih aktivnosti. Plan budućih aktivnosti prevashodno se odnosi na privremeno izmještanje radionica na drugu lokaciju koja je adekvatna za izvršenje poslova izrade i skladištenje scenografija, a sve u skladu sa stručnim zahtjevima kvadrature i visina prostora, stepen vlage i slično, udaljenost od Pozorišta radi svakodnevnog transporta kamionom. Ovaj privremeni prostor može služiti i za povremeno igranje predstava i biti u funkciji prostora male scene. Nakon izmještanje sljedeće aktivnosti su rušenje havarisanog objekta u sve druge predradnje urbanističku i građevinsku dozvolu i druge planske dokumente. U posjedu ovog zemljišta gdje se nalazi objekat upisani su JU Narodno pozorište i fizičko lice koje posjeduje jedan manji dio rubnog dijela lokacije. Potrebno je planirati pravne radnje radi povrata ovog dijela zemljišta u posjed JU Narodnog pozorišta. Urađeno idejno rješenje novog objekta koristi vertikalne mogućnosti u smislu iskoristivosti prostora za druge namjene koje su neophodne pozorištu i potrebama kulture općenito. Novi objekat je osmišljen na način da se u suterenu zadrži prostor za radionice i fundus scenografija a vertikalno su planirani prostori male scene i u gornjoj zoni smještajni kapaciteti za gostujuće umjetnike pozorišta. Trenutno za ovaj smještaj izdvajaju se velika sredstva, hoteli ili privatni smještaj. Prostor Male scene projektovan je sa istim dimenzijama kao i velika pozornica JU Narodno pozorište kapaciteta od 250 sjedišta. Višestruke su vrijednosti ovog projekta, a tiču se stvaranje boljih uslova za rad, rasterećenje rada na velikoj pozornici, aktivnosti 3 umjetnička ansambla, najam sale, festivali, gostujuće predstave i slično, bolje uslove rada u radionicama, uštede u smislu smještaja gostujućih umjetnika i svakako veliki doprinos u bogatijoj kulturnoj sceni Bosne i Hercegovine. Ulaganjem u kulturu ulažemo u kulturni kapital koji akumulira sve kulturne vrijednosti. Mjere sigurnosti su primarne i u ovom trenutku ozbiljno ugrožavaju živote uposlenika, kao i živote svih drugih koji žive i rade u neposrednoj blizini. Molim vas da krajnje ozbiljno prihvatite ovu inicijativu i pokrenete sve dalje aktivnosti definirane

metodologijom projekata koji su dio programa javnih investicija ili drugih povoljnih prilika koje će donijeti rješenje za ovakvu situaciju. Hvala lijepo.

**Elvedin Okerić (Predsjedavajući)**

Zahvaljujem. Zastupnica Jelena Pekić se javila za riječ.

**Jelena Pekić (poslanik/zastupnik)**

Dobro jutro uvažene kolege i kolegice, građani i građanke Kantona Sarajevo. Naime moje pitanje zastupničke je upućeno prema Ministarstvu pravde i uprave Kantona Sarajevo. Pitanje glasi zašto nije predložen Zakon o lokalnoj samoupravi Kantona Sarajevo u skladu Zakonom principima lokalne samouprave u Federaciji Bosne i Hercegovine i Programom rada Vlade Kantona Sarajevo za period. 2022. godine. Navedeni zakon treba da prethodi izrada novih amandmana na Ustav Kantona Sarajevo jer je implementacija amandmana na Ustav Kantona iz 2017. godine u praksi predstavljala problem, veliki izazov naročito Gradu Sarajevo i općinama koje čine Grad Sarajevo. Za postavljanje ovog pitanja me inspirisala sjednica Gradskog vijeća Grada Sarajevo, održana ove sedmice, a gdje je usvojen novi Statut Grada Sarajeva nakon 15 godina, što je zaista pohvalno za trenutno rukovodstvo Grada Sarajeva. To je bilo moje pitanje. I još samo ću nadopuniti inicijativu koju je prezentovao kolega Magoda u ime Kluba SDP-a da tražimo izjašnjenje Skupštine o istoj, a budući da ista ne podrazumijeva izjašnjenje Vlade Kantonu Sarajevo, tako da se može postupiti izjašnjenju od strane Skupštine. Hvala.

**Elvedin Okerić (Predsjedavajući)**

Zahvaljujemo se zastupnici Pekić. Zastupnik Faruk Selmanović.

**Faruk Selmanović (poslanik/zastupnik)**

Zahvaljujem se predsjedavajući. Cijenjene kolegice i kolege, građani Kantona Sarajevo, ja imam 2 pitanja i oba se odnose za Ministarstvo za socijalnu politiku Kantona Sarajevo. Molim da nam se usmeno objasni zbog čega je i na osnovu kojeg zakonskog propusta obustava, urađena obustava isplate naknade za određen broj porodilja u Kantonu Sarajevo iako imaju izdata i važeća rješenja. I da nam se pojasni zbog čega je izvršena obustava isplate naknadu za porodice sa troje i više djece gdje roditelji ne žive na istoj adresi ili nisu prijavljeni na istoj adresi. Hvala. Usmeno, usmeno naravno.

**Elvedin Okerić (Predsjedavajući)**

Zahvaljujem se. Zastupnica Sanela Klarić se javila za riječ.

**Sanela Klarić (poslanik/zastupnik)**

Zahvaljujem predsjedavajući. Pozdravljam sve prisutne. Ja sam poslala u proceduru pismeno 2 inicijative a prema Ministarstvu privrede i razgovarala sam za ministrom o ovome. Radi se o tome da mi imamo žene i sugrađane koji su mali mikro uzgajivači povrća i voća i proizvoda od prirodnih materijala koji nemaju adekvatne mjesta za prodaju svojih ličnih proizvoda i tražim da se umjesto da oni na nekim improvizovanim kutijama i prodaju svoje proizvode i bježe od policije, da ih organizujemo u tradicionalne bazara, a gdje bi mogli na dostojanstven način, organizovano brendirano, kao što je to urađeno u Zagrebu, biti kao što je urađeno u Zagrebu gdje su oni brendirali te žene kao "kumice", a mi to možemo uraditi pod imenom "hanimice" i dati dostojanstvo tim poljoprivrednim proizvođačima. S druge strane četiri godine sam na federalnom nivou insistirala

na boljoj inspekciji, posebno kada govorimo o poljoprivredi i poticajima u poljoprivredi i smatram da je važno da na kantonalnom nivou hitno izmijenimo Pravilnik o unutrašnjoj organizaciji Kantonalne uprave za inspeksijske poslove, te da izvrši hitno upošljavanje poljoprivrednih inspektora, ali na način da sa 3 povećamo na 4 i da svakako pazimo na sektore u poljoprivredi jer ne možemo samo ovaj kontrolisati uzgajivače recimo voća i povrća, moramo imati inspektore koji su stručni ako govorimo o stočarstvu i drugim a ovim oblastima. Takođe iz opštine Ilijaš, to nisam poslala pismeno, ali pripremam, su me zamolili, jer je izgrađen ova željeznička stanica i ona se nalazi na takvom mjestu da pješaci da bi došli do te željezničke stanice moraju prekršiti veliki broj propisa i zabrana i imali smo situaciju da je jedna djevojčica poginula prošle godine . Molim Ministarstvo saobraćaja da se hitno reaguje da se uradi zebra i smanji i napravi ograničenje saobraćaja, a u budućnosti da se planira da se vrati pasarela koja je postojala u Ilijašu. Sve ove inicijative ću pa poslati i u obliku amandmana na Budžet. Hvala.

### **Elvedin Okerić (Predsjedavajući)**

Zahvaljujem se zastupnici Klarić. Zastupnica Vedrana Vujović se javila za riječ.

### **Vedrana Vujović (poslanik/zastupnik)**

Zahvaljujem predsjedavajući. Srdačan pozdrav svim kolegama zastupnicima, članovima Vlade, kao i građanima Kantona Sarajevo koji prate rad današnje Skupštine. Danas imam jedno zastupničko pitanje koje upućujem Ministarstvu za rad, socijalnu politiku, raseljena lica i izbjeglice Kantona Sarajevo odnosno resornoj ministrici Prvulović, koje glasi: da li i u kojem obimu Ministarstvo radi na tome da građanima Kantona Sarajevo, a posebno korisnicima prava i usluga Ministarstva i ustanova po njegovom ingerencijom poboljša pristupačnost? Pristupačnost se u ovom smislu najprije odnosi na fizički pristup institucijama i ustanovama kojima se prevashodno osobe sa invaliditetom ostvaruju prava propisana zakonom, a sami ulazi u zgrade su na nepristupačni. Dalje u smislu pristupačnosti informacijama o načinima ostvarivanja prava i obaveza, da li je u planu efikasnija komunikacija sa građanima, kao i poboljšanje uslova rada i kapaciteta odnosno zaposlenih u javnim ustanovama odnosno institucijama koje su pod ingerencijom resornog Ministarstva? Odgovor očekujem u usmenoj formi a ukoliko bude bilo potrebe može i pismeno na službeni e-mail. Hvala.

### **Elvedin Okerić (Predsjedavajući)**

Zahvaljujem se zastupnici Vujović. Zastupnik Muamer Bandić se javio za riječ.

### **Muamer Bandić (poslanik/zastupnik)**

Selamim i pozdravljam sve prisutne, kao i one koji nas prati putem malih ekrana. Ja imam, dakle na osnovu člana 106 a u vezi sa članom 112, 213 Poslovnika Skupštine Kantona Sarajevo pokrećem zastupničku inicijativu prema Vladi Kantona Sarajevo. Zadužuje se Vlada Kantona Sarajevo i Ministarstvo odgoja i obrazovanja da izmjeni i dopuni nastavni plan i program za predmet historija, povijest za deveti razred. Činjenica je da generacija učenika od završetka rata i agresije na Republiku Bosnu i Hercegovinu nisu imali priliku da na adekvatan sistemski način u neophodnoj mjeri izučavaju noviju historiju naše zemlje. Također je činjenica da su o historiji Bosne i Hercegovine u proteklim godinama više učili učenici u Kanadi, Velikoj Britaniji i Hrvatskoj od naših učenika i zato je krajnje vrijeme da se sada u Kantonu Sarajevo izmjeni i dopuni nastavni plan i program za deveti razred iz predmeta historija /povijest. Adekvatnom izmjenom nastavnog plana programa bio bi jedan od načina suprostavljanja zaboravu kao strateškom cilju

onih koji su počinili agresiju u periodu 1992- 95. godine. Ovo bi bio jedan ogroman iskorak da relevantnim činjenicama odnosno dokazima prikažemo stanje onakvim kakvo je ono bilo, bez bilo kakvog pokušaja devalviranja prošlosti i unošenja neistine u sam proces događaja od 99 do 95. godine. Ove izmjene bi trebale obuhvatiti teme vezane za disoluciju Jugoslavije, međunarodno priznanje Republike Bosne i Hercegovine ,agresiju na našu zemlju, otpor odbrambeno oslobodilačkih snaga i formiranje Armije Republike Bosni i Hercegovini, opsadu Sarajeva i drugih bh gradova, kao i planove o podjeli Republike Bosne i Hercegovini , Dejtonski mirovni sporazum, te okončanje agresije. Također treba uvrstiti uništavanje kulturno historijskog blaga odnosno pravoslavnih, katoličkih, islamskih i jevrejskih objekata. Posebno treba obraditi činjenicu da su svi vjerski objekti Bošnjaka na prostoru RS-a bili uništeni , a mezarja čak i prerovana i na njima su građani parkinzi, stočne pijace i slično. Cilj agresora je bio da se zatre svaki vid prisustva Bošnjaka na ovim prostorima. Smatram da bi kroz 30 % izmijenjenog nastavnog plana i programa u budućem radu nastavnika sa učenicima bilo omogućeno da na adekvatan način pojasne šta se dešavalo tokom agresije na Bosnu i Hercegovinu prikazivanjem dokumentarnih filmova, prezentacijama referata sa relevantnih naučnih skupova, posjetama značajnim istorijskim mjestima. Izmijenjeni sadržaj isključilo bi se temeljio na utvrđenim historijskim činjenicama, na zvaničnim dokumentima, relevantnim publikacijama i nespornim presudama dostupnim i prihvaćenim u cijelom civiliziranom svijetu. Kao pozitivan primjer ističem da je Tuzlanski kanton na sistematski način riješio oblasti izučavanja novije historije sa akcentom na period agresije. Nastavni plan i program je izmijenjen a učenici devetog razreda osnovne škole dobili su dodatak udžbenika o ratnoj istoriji Bosne i Hercegovine koji je izašao iz štampe.

#### **Elvedin Okerić (Predsjedavajući)**

Vrijeme kolega Bandiću.

#### **Muamer Bandić (poslanik/zastupnik)**

Smatram da je ovo minimum minimuma kako naši sadašnji i budući učenici trebaju izučavati historijske činjenice o agresiji na Bosnu i Hercegovinu. Također smatram da je ovo naša dužnost i obaveza prema učenicima i braniocima Bosne i Hercegovine od agresije koji su dali svoje živote i dijelove tijela, kao i preživjelim braniocima. Hvala predsjedavajući oprostite što sam produžio vrijeme.

#### **Elvedin Okerić (Predsjedavajući)**

Zahvaljujemo se zastupniku Bandiću. Zastupnica Sebija Izetbegović se javila za riječ.

#### **Sebija Izetbegović (poslanik/zastupnik)**

Zahvaljujem se. Ja imam 2 pitanja i imam jednu inicijativu i zahtjev. Dakle prvo pitanje je prema Vladi Kantona Sarajevo. Nedavno sam uputila i pisanu inicijativu i zahtjev da nam napokon odgovorite na desetine zahtjeva za prijem nedostajućeg kadra u Klinički centar Univerziteta u Sarajevu. Biološko znavljanja kadra je neophodno, uposlenici odlaze u penziju, neki umiru, odlaze u inostranstvo, s čim se bore sve zemlje okruženja, međutim od vas nema nikakvog odgovora niti niti nam dajete mogućnost da zaposlimo mlade kadrove ,specijaliste koji su u međuvremenu završili specijalizaciju u koju smo uložili mnogo materijalnih sredstava i energije. To je prvo. Dakle poslali smo vam najmanje 12 urgencija sa mojom inicijativom, to je 13 ukupno. Drugo pitanje za Ministarstvo zdravlje. Zbog čega nikad nije uspostavljen put pacijenta u Kantonu Sarajevo i zbog čega pacijenti ne znaju kako trebaju jednostavno i efikasno da se kreću kroz

zdravstveni sistem? Zahtijevamo hitan odgovor Ministarstva zdravlja. I još jedan zahtjev, odnosno inicijativa je da Ministarstvo zdravlja hitno dostavi elaborat o trenutnom stanju zdravstvenih ustanova u Kantonu Sarajevo, nacrt razvoja zdravstva u Kantonu Sarajevo što podrazumijeva snimak svih zdravstvenih ustanova Kantona Sarajevo sa postojećim kadrom i opremom i uputu o tome za šta i koju djelatnost su navedene ustanove registrovane. Također zahtijevam da se dostavi spisak svih uposlenika zdravstvenih ustanova koji se finansiraju iz budžeta Kantona Sarajevo a istovremeno rade i privatno. Želimo vidjeti i usporediti koliki je, kolike su liste čekanja u ustanovama u kojem veliki broj uposlenika u popodnevnim satima angažovan u svojim privatnim ordinacijama. Zahvaljujem se.

**Elvedin Okerić (Predsjedavajući)**

Zahvaljujem se zastupnici Izetbegović. Zastupnik Samir Avdić se javio za riječ.

**Samir Avdić (poslanik/zastupnik)**

(ne čuje se početak snimka) kolegama prisutnim u sali i ljudima koji prati naš rad putem medija. Već nekoliko puta na sjednicama mogli smo čuti kolege i kolegice koji se žale i da ne dobijaju odgovore na svoje na svoja pitanja, na inicijative ovaj pa tako ukoliko mi kao zastupnici ne dobijamo odgovor možemo samo zamisliti u kakvoj tek situaciji se nalaze udruženja građana i itd. Jučer smo dobili ovaj jednu da kažemo žalbu od Vijeća roditelja učenika osnovnih i srednjih škola Kantonu Sarajevo, a u vezi sa njihovim zahtjevom za informacije o razlozima onemogućavanja realizacije projekta škola u prirodi. Radi se o dugogodišnjem projektu koji je prepoznat i u zakonu i koji se do sada evo godinama realizirao u objektu škole u Šabićima na Bjelašnici i lično sam zainteresovan za tu temu s obzirom da se bavim dijelom i neformalnim obrazovanjem kao starješina odreda izviđača Igman 92 i ove godine ni mi nismo bili u situaciji da svoje zimovanje koje organizujemo u Šabićima u tom objektu već desetak godina realizujemo i ove godine. Ovo vijeće roditelja kao što smo jučer informisani svih putem maila je prije nepuna 3 mjeseca poslalo zahtjev, još uvijek nisu dobili odgovor od nadležnog Ministarstva za odgoj i obrazovanje, odnosno od opštine Trnovo na kojoj se gradila i uz pomoć koje se gradio objekat u Šabićima odnosno njegova dogradnja. Lično sam bio u objektu. Znam da se radi o veoma kvalitetnom objektu, međutim nezvanično i usmenim putem smo informisani nekad u decembru prošle godine da objekat nema upotrebnu dozvolu i da zbog toga on ne može biti u službi prije svega spomenutog Ministarstva ali i udruženja poput udruženja izvođača i drugih korisnika tog objekta. Znam da se radilo o milijunskim investicijama od prije nekoliko godina u dogradnju objekta i mislim da kako javnost tako Vijeće roditelja učenika osnovnih i srednjih škola u Kantonu Sarajevo, a i mi kao Skupština ovaj zaslužujemo i moramo dobiti informaciju šta se to ustvari desilo sa tim sa tim objektom i zbog čega on u ovom trenutku nije u upotrebi. Zahvaljujem.

**Elvedin Okerić (Predsjedavajući)**

Zahvaljujem se zastupniku Avdiću. Zastupnik Haris Zahiragić se javio za riječ.

**Haris Zahiragić (poslanik/zastupnik)**

Zahvaljujem predsjedavajući. Prije svega želio bih pozdraviti vas kolege i javnost građane koji prate ovo putem živog prenosa. Imao bih jednu inicijativu i nekoliko pitanja. Inicijativa bi bila da se zadužuje Vlada Kantona Sarajevo da putem Ministarstva za visoko obrazovanje, nauku i mlade i Univerziteta u Sarajevu odmah i bez odlaganja izvrše zakonsku obavezu oslobođenja ili oslobođanja tj. povrata uplaćenih školarina studentima koji su postigli odgovarajući zakonom

propisan uslov. Ja na svom inboksnu službenog maila imam desetine mejlova prije svega studenata Stomatološkog fakulteta koji u kontinuitetu, zahvaljujući samovolji dekana Muhameda Ajanovića koji je postao ovdje i rektor i ministar i tutor vladajuće većine krši prava studenata na Stomatološkom fakultetu. Ako uzmemo u obzir činjenicu da je školarina na Stomatološkom fakultetu 8000 maraka, onda ćete razumjeti potrebu usvajanja ovakve inicijative. S obzirom da veliki broj kolega iz pozicije maše potvrdno glavom, vjerovatno iz razloga jer su dobili slične inicijative, ja tražim i očekujem, evo kolega Bandić, hvala, kolega Marjanović postavio pitanje očekujem da ćete podržati inicijativu i da one stvari koje mi usvojimo u Skupštini konačno budu poštovane, te da nijedan dekan, ni jedan interes, ni jedan pojedinac ne bude iznad zakona. Mislim da to studenti u Kantonu Sarajevo Univerziteta u Sarajevu kao glavnog i najstarijeg univerziteta države Bosne i Hercegovine dužni znati koja su njihova prava. Ako neko postigne uspjeh, a mi mu u Zakonu obećali oslobođenje, mislim da ne postoji razlog ni način da se bilo ko zbog finansijskih sredstava ili bilo čega drugog može tim povodom vaditi.

Tri pitanja koja bih postavio premijeru, prije svega to jeste pošto nema primjera Forte, v.d. premijerke Darije Softić i v.d. ministrici, s obzirom da je premijer podnio ostavku, ste vi sada v.d., jel? Da li je partokratija koju ste stavljali u svojim predizbornim sloganima činjenica da ste zaposlili Mersihu Kolčanović koja je bila na listi za Skupštinu Kantona Sarajevo, članicu Kantonalnog odbora Naše stranke za pomoćnika ministra visokog obrazovanja i da li je partokratija kada premijer Forte svog potpredsjednika Kantonalnog odbora po ugovoru o djelu angažuje u Vladi Kantona Sarajevo? Želim da mi odgovorite na ta pitanja. Inače, žao mi je zbog ljudi što ih spominjem, ali vi ste taj princip rada uveli u ove sale, pa "Ko se mača laća od mača i strada". Molim vas odgovorite mi jasno. I konačno pitanje za premijerku v.d. premijerku i za ministra MUP-a. Da li je na Ilidži prema operativnim saznanjima na sportskoj manifestaciji koja se održala incident koji je nastao od kojeg ste vi svojim prometnim odlaskom i porukama političkim koje ste s tog incidenta poslali napravili međunarodni skandal koji do dan današnji traje, što je rezultiralo da 7 mladih ljudi dobije pritvor mjesec dana, bio izazvan etničkom, nacionalnom ili drugom vrstom niskih pobuda, što bi onda moglo biti razumljivo zašto je takva reakcija javnosti bila ili je ipak ono što nam je načelnik policije kazao bio isprovocirani navijački incident i ukoliko jeste zanima me mišljenje ministra unutrašnjih poslova šta je rezultat pritvora od jednog mjeseca za 7 mladih ljudi što je 7 skoro godina života jel mladih ljudi koji možda jesu napravili grešku, ali ako uporedimo ostale počinjenja krivičnih djela, ako znamo obavezu, ako znamo obavezu podjednako izricanja sankcije, podjednako pristupa pravdi, onda moramo te teme odgovoriti jer ne mogu biti neke lakše tjelesne povrede teže od ubistava i teških tjelesnih povreda zbog kojih ljudi u Kantonu Sarajevo nažalost ne odlaze u pritvor. Hvala.

### **Elvedin Okerić (Predsjedavajući)**

Hvala Zahiragiću. Zastupnik Irfan Čengić se javio za riječ.

### **Irfan Čengić (poslanik/zastupnik)**

Hvala predsjedavajući. Ja imam jednu zastupničku inicijativu, mislim da smo svi u dosadašnjem radu, a posebno u prethodnom sazivu Skupštine Kantona Sarajevo uvidjeli da imamo velike nedostatke u našem Poslovniku koji je zaista stariji, mislim da je više od jednu deceniju dakle izvorni tekst usvojen. Predlažem da danas usvojimo zaključak za pokretanje izmjena i donošenja novog Poslovnika, a da se na narednoj sjednici nađe vaš prijedlog koji će predložiti kolegij radne grupe koja će ima zadatak da analizira nedostatke postojećeg Poslovnika, napravi radni materijal novog, dostavi materijal svim zastupnicima i radnim tijelima, a nakon toga dostavi u skupštinsku

proceduru nacrt Poslovnika koji će kasnije proći javnu raspravu i kako bi ta radna grupa u konačnici dostavila prijedlog Poslovnika. Vi u proteklom mandatu ste radili na novom Poslovniku i sigurno da taj tekst može poslužiti kao neki draft, radni materijal te radne grupe i sigurno će dosta posla time biti olakšano toj radnoj grupi. Uzimajući u obzir da za ovu inicijativu nisu potrebna ni financijska sredstva niti izjašnjenja Vlade već se tiče našeg internog rada Skupštine, ja tražim da se danas glasa o inicijativi a da se na narednoj sjednici Kolegij predloži radnu grupu odnosno ad hoc radno tijelo Skupštine Kantona Sarajevo koje će biti ovlašteno predlagati tog Poslovnika.

### **Elvedin Okerić (Predsjedavajući)**

Zahvaljujemo se zastupniku Čengiću. Zastupnik Jasmin Šaljić.

### **Jasmin Šaljić (poslanik/zastupnik)**

Hvala predsjedavajući. Pokrećem inicijativu da se u Kalendaru obilježavanja značajnih datuma, događaja i ličnosti iz perioda odbrambeno - oslobodilačkog rata 92-95 godine na području Kantona Sarajevo uvrsti obilazak mezarja Aleja veterana Vlakovo radi odavanja počasti umrlim pripadnicima Armije Republike Bosne i Hercegovine i MUP-a Bosne i Hercegovine. Termin za posjetu delegacija Aleji veterana u Vlakovu može se uklopiti u postojeći kalendar u kolonu pod rednim brojem 2, 6, 9 i 32. Redni broj 2 je 1. mart Dan nezavisnosti, redni broj 6 je 6. april Dan sjećanja na poginule pripadnike MUP-a. Redni broj 9 je 15. april Dan Armije Republike Bosne i Hercegovine. Redni broj 32 je 1. septembar formiranja Prvog korupsa. Pod ovim rednim brojevima i datumima delegacije Vlade i Skupštine Kantona Sarajevo i ostali NVO udruženja obilaze mezarja Kovači, Spomen park Vraca, Spomen obilježju ubijenoj djeci opkoljenog Sarajeva, groblje Lav i Sveti Josip. Potrebno je samo dodati na ove datume obilježavanje i obilazak Aleje veterana na Vlakovu eto da možemo na kraju tog dana odati počast umrlim pripadnicima Armije.

Druga inicijativa vezana je za demobilisane borce. Pokrećem inicijativu prema Vladi i Skupštini Kantona Sarajevo za izmjenu i dopunu Zakona o dopunskim pravima boraca/ branitelja Kantona Sarajevo na način da se izmijeni član 57 navednog Zakona u zagradi novčana egzistencijalna naknada u stavu 2 ovog Zakona na sljedeći način: "Pravo na novčanu egzistencijalnu naknadu može ostvariti demobilisani branilac do navršenih 57 godina života pod uslovom da je bio pripadnik Oružanih snaga najmanje godinu dana, da je prijavljen kao nezaposleno lice kod nadležne Službe za zapošljavanje Kantona prije podnošenja zahtjeva za ostvarivanje prava". Ostali tekst ovog stava ostaje nepromijenjen. Uvodi se novi stav 3 u člana 57 stav 3) koji glasi: "Zahtjev za ostvarivanje prava demobilisani branilac koji je bio zaposlen i ostao bez posla pod uslovima navedenim u stavu 2 može podnijeti nakon što mu istekne period primanja od Javne ustanove Službe za zapošljavanje Kantona Sarajevo koji ostvaruje po osnovu gubitka radnog mjesta 3 mjeseca, 6 ili 9 mjeseci. Stav 3) navedenog člana postaje stav 4. Samo ću kratko pojasniti. Tzn. da demobilisani branilac koji je imao posao, bude višak ili izgubi posao, prima naknadu zavisno od dužine staža 3 mjeseca, 6 mjeseci, da ne mora čekati na birou 20 mjeseci da bi aplicirao za nagradu egzistencijalnu, već da to može s danom prijavljivanja na Biro, da prijavi se na egzistencijalnu naknadu.

I imao sam jedno pitanje ustvari 2, ali jedno kolega Avdić jedno je pitanje iskoristio vezano za djecu u Šabićima pa da ne ponavljam, jedno zastupničko pitanje za MUP.

### **Elvedin Okerić (Predsjedavajući)**

Vrijeme kojega Šaljiću. Možete to dostaviti u pismenoj formi.

**Jasmin Šaljić (poslanik/zastupnik)**

Jer rečenice je samo.

**Elvedin Okerić (Predsjedavajući)**

Hajde recite.

**Jasmin Šaljić (poslanik/zastupnik)**

Znači zastupničko pitanje upućeno Ministarstvu unutrašnjih poslova Sarajevo a vezano za činovanje pripadnika službenika Ministarstva. Da li je tačno da u protekle 4 godine nije bilo činovanja u MUP-u Kantona Sarajevo? I da li je tačno da ako bi iz nekog razloga ostali bez komesara dao ostavku da mi nemamo čovjeka koji ga može zamijeniti u ovom trenutku u Kantonu Sarajevo zbog činovanja? Hvala.

**Elvedin Okerić (Predsjedavajući)**

Upućujete kome to pitanje, ministru unutrašnjih poslova ili policijskom komesaru?

**Jasmin Šaljić (poslanik/zastupnik)**

Pa ko činiuje, komesar vjerovatno?

**Elvedin Okerić (Predsjedavajući)**

Da, uprava policije.

**Jasmin Šaljić (poslanik/zastupnik)**

Ako, onda Upravi policije.

**Elvedin Okerić (Predsjedavajući)**

Hvala. Zahvaljujemo se. Zastupnica Miomirka Melank se javila za riječ.

**Miomirka Melank (poslanik/zastupnik)**

Hvala predsjedavajući. Pozdravljam sve prisutne. Vladi Kantona Sarajeva upućuje inicijativu o proglašenju temeljnih institucija kulture Bosne i Hercegovine od posebnog značaja za Kanton Sarajevo. Ova se inicijativa odnosi na Zemaljski muzej Bosne i Hercegovine, Umjetničku galeriju Bosne i Hercegovine, Historijski muzej, Nacionalnu i univerzitetsku biblioteku Bosne i Hercegovine, Kinoteku Bosne i Hercegovine, Muzej književnosti i pozorišne umjetnosti i Biblioteku za slijepa i slabovidna lica Bosne i Hercegovine. Obrazloženje ću uputiti pismenim putem. Hvala.

**Elvedin Okerić (Predsjedavajući)**

Zahvaljujem se uvaženoj zastupnici. Zastupnik Kemal Ademović se javio za riječ.

**Kemal Ademović (poslanik/zastupnik)**

Hvala. Uvaženi predsjedavajući, dame i gospodo, sve vas srdačno pozdravljam kao i gledaoce Televizije Sarajevo.

Na sjednici Skupštine 28. 12. zajedno sa zastupnikom Rusmirom Pobrićem podnio sam inicijativu da s ciljem ublažavanja posljedica inflatornog udara najugroženijim kategorijama stanovništva u Kantonu Sarajevo izdvoji najveći mogući iznosi iz Budžeta Kantona Sarajevo a koji neće ugroziti



stabilnost Budžeta, te raspodjeli najugroženijim kategorijama stanovništva: dugoročno nezaposlenim osobama, penzionerima, komunalnim radnicima, osoblju s najnižim primanjima u javnim ustanovama i oni s najnižim primanjima koji rade teške fizičke poslove. Obzirom da je Vlada kantona djelimično prihvatila ovu inicijativu ja nisam tražio izjašnjenje. Sada tražim da mi se da informacija o tome koliko i kome je sredstava Vlada Kantona izdvojila u skladu s ovom inicijativom? Hvala.

**Elvedin Okerić (Predsjedavajući)**

Zahvaljujem se zastupniku Ademoviću. Nemamo više prijavljenih.

Pozivam uvažene ministrice i ministra da daju što kraće odgovore na postavljena pitanja, a ukoliko ne mogu treba im više vremena za odgovor neka dostave pismeno zato što smo vezani sa ovim rokom održavanje današnje sjednice zbog zakazane sjednice Doma naroda.

Zastupnik Adnan Delić se prvi prijavio. Izvolite imate riječ..

**Adnan Delić (ministar)**

Pozdravljam sve prisutne. Ja sam imao pitanje od uvažene zastupnice Elze Gaković a odnose se na pojavu Q groznice, odnosno na natpise o pojavi Q groznice.

Prvo pitanje je bilo da li je rađena analiza zaraznih bolesti zoonoza životinja na PD Butmiru i ostalim farmama na kojima studenti obavljaju praktičnu nastavu? Analize se rade u skladu sa programom mjera zdravstvene zaštite životinja i njihovog provođenja za tekuću godinu, što je propis Ureda za veterinarstvo na državnom nivou i znači Ured za veterinarstvo propisuje listu obaveznih bolesti koje se, na osnovu kojih se radi kontrola, a to su bruceloza, tuberkuloza, enzozna leukoza, listerioza itd. Znači Q groznici nema na listi redovni bolesti koji se tretiraju prilikom pregleda i znači prilikom tih pregleda znači može se jedino dodatno tražiti provođenje mjera kada je Q groznica u pitanju. Drugo pitanje je bilo ako je rađena analiza, ko radi analizu i kojim metodama je rađena analiza? Analizu naravno radi ovlaštene laboratorije nakon što veterinarske organizacije pošalju uzorke i materijale. I koje metode zavisi od laboratorije i postoji više metoda, ali to je znači izbor samih laboratorija. Sljedeće pitanje koliko često na godišnjem nivou se radi analiza životinja na zarazna oboljenja PD Butmir i na ostalim farmama? Znači već sam odgovorio na ovo pitanje, radi se o jednom godišnje shodno zakonskom propisu koji propisuje Ured za veterinarstvo države Bosne i Hercegovine, a ukoliko je neophodno može se raditi dodatno na osnovu znači dodatnih zahtjeva. Da li Inspektorat veterinarske inspekcije izvršio pregled životinja na PD Butmir i ukoliko izvršen pregled tražim da mi se dostavi zapisnik. Inspektorat ne vrši preglede životinja, to rade veterinari PD Butmir posjeduje svoje veterinarsko odjeljenje. Inspektora za veterinarstvo znači naređuje mjere koje se provode putem veterinarskih organizacija, a inspektorat vrši kontrolu nadzor nad provođenjem samih mjera. Ovo je bitno sada, osvrnut ću se i na na ovu stavku ,odnosno na vašu inicijativu. Upravo ovih 500 000 je usmjereno i prvi put smo radili, prošle godine smo izdvojili 700 000, to je nastavak provođenja preventivnih mjera u cilju unapređenja javnog zdravlja životinja na području Kantona Sarajevo, i ovih 500 000 se upravo odnosi na vašu inicijativu. Tako da smo nju već realizovali u prethodnoj godini, a naravno nastavićemo provođenje ovih mjera, ali isključivo kada je javno zdravstvo u pitanju. Obaveza PD Butimira je da poštuje zakone, da provodi mjere i osnovne i preventivne i dodatne i oni to rade. Zbog netačnih navoda znači u medijima koji su se pojavio da postoji Q groznica u PD Butmir ja želim ovom prilikom da ih apsolutno demantujem i da kažem da u protekle 3 godine, koliko smo evo nešto više od 2 godine, koliko smo vlast, provodimo sve mjere i nikada nije utvrđena ni jedna bolest za koju nas optužuju u medijima. Ja bih volio da zdravstvena ustanova kojoj su se javili studenti nam pošalje službeno što je njihov Zakon, eventualno zapisnike o utvrđenoj Q groznici

kako bi naša veterinarska inspekcija postupala u skladu sa zakonom. Ni na jednom uzorku naših životinja nije dokazana odnosno nije nađena Q groznica. Svi nalazi su bili negativni i imamo naravno sve nalaze našeg veterinarskog inspektorata kojeg vi možete dobiti naravno na zahtjev Skupštine prema našoj Kantonalnoj upravi za inspeksijske poslove. I ako ste pratili javnost i medije vidjeli ste da je naše Poljoprivredno dobro Butmir najavilo tužbe protiv onih koji su izašli u javnost sa potpuno netačnim informacijama. Hvala.

**Elvedin Okerić (Predsjedavajući)**

Zahvaljujemo se ministru Deliću. Jel ima neko još od? Ministar Admir Katica.

**Admir Katica (ministar)**

Hvala lijepo predsjedavajući i lijep pozdrav svim prisutnim zastupnicima i svim građankama i građanima koji prate ovo skupštinsko zasjedanje. Ja sam imao pitanja od dva zastupnika. Jedno je vezano za događaj na Ilidži. Ja, dozvolite da vas podsjetim da su ova pitanja zaista prava pitanja za pravosuđe na području Kantona Sarajevo, posebno za nadležnog tužioca Kantonalnog tužioca i za sudske organe koji će provoditi krivični postupak u ovom smislu. Dakle, nije na ministru unutrašnjih poslova da utvrđuje činjenično stanje na određenom, povodom određenog događaja, to je svakako dio profesionalnog rada tužilaca i policijskog organa, kao što je to u ovom slučaju. Ja vjerujem da će pravu istinu o tome šta se događa no svakom mjestu krivičnog djela, a posebno u vezi ovog krivičnog djela, da će to dati presuda na osnovu krivičnog postupka provedenog na osnovu provedenih dokaza, na osnovu potvrđene, odnosno optužnice koja će biti podnesena od strane nadležnog kantonalnog tužioca. To je neki ovaj ustaljen put , jedna matrica kojom se kreće krivično pravosuđe na bilo kojem području, pa tako i na području Kantona Sarajevo. Dakle sudska presuda će utvrditi koji su razlozi i motivi ovoga događaja, a dozvolite zastupniče Zahiragić da vas podsjetim da je pritvor mjera prisustve okrivljenog određenom krivičnom postupku, mjera prisustva osumnjičenog, odnosno optuženom krivičnom postupku, to nije nikakva krivična sankcija, niko zbog toga nije kažnjen, a s druge strane, tu mjeru predlaže nadležni tužilac, određuje nadležni sud, s tom mjerom nema nikakve veze ministar unutrašnjih poslova u bilo kojem smislu. Što se tiče pitanja zastupnika Šaljića, ja mislim da bi bilo zaista bolji da se na ovo pitanje odgovori pismeno od strane Uprave policije, da se dobije pravi odgovor. Hvala.

**Elvedin Okerić (Predsjedavajući)**

Zahvaljujemo se ministru Katici. Ministrica Ivana Pavlović. Izvolite imate riječ.

**Ivana Prvulović (ministrica)**

Zahvaljujem se predsjedavajući. Pozdravljam uvažene članice i članove Skupštine Kantona Sarajevo, kolege u Vladi Kantona Sarajevo. Zahvaljujem se zastupnicima na pitanjima. Evo krenut ću redom. Vezane za pitanja uvaženog zastupnika Adamovića o aktivnostima koje Vlada poduzimala u proteklom periodu a vezano inicijativu uvaženog zastupnika Ademovića i uvaženog zastupnika Pobrića, obavještavam Skupštinu Kantona Sarajevo da Vlada Kantona Sarajevo donijela program mjera u cilju zaštite najugroženijih kategorija u Kantonu Sarajevo uslijed povećanja troškova života. Predmetni dokument sadrži 3 mjere koje se odnose na osiguravanje jednokratne novčane pomoći sa ciljem prevazilaženja nepovoljne ekonomske situacije uzrokovane povećanjem troškova života za sljedeće najugroženije kategorije, radi se o dugoročno dugoročno nezaposlenim osobama koje su na evidenciji nezaposlenih kod Javne ustanove Služba za zapošljavanje Kantona Sarajevo, u periodu od 9 i više godina. Borce koji primaju novčana

egzistencijalnu naknadu, a koji su godinu dana i više na evidenciji nezaposlenih kod Javne ustanove Služba za zapošljavanje Kantona Sarajevo i korisnike stalne novčane pomoći. Za realizaciju ovog programa mjera predviđena su sredstva u iznosu od 2.199. 900 konvertibilnih maraka i ovaj program je trenutno u fazi realizacije. Detaljnije informacije dostavićemo pismenim putem. Također zahvaljujem se veoma na pitanje uvaženom zastupniku gospodinu Selmanoviću, a vezano za a isplatu sredstava porodiljama u Kantonu Sarajevo. Mi smo zaista se potrudili da ovo iskomuniciramo u javnosti da porodiljske naknade ni na koji način nisu i njihova isplata ugrožene, da nije došlo do promjene iznosa u odnosu na prošlu godinu, međutim desilo se neke formalne pretpostavke koje su nas dovele do određenog postupanja kako resorno Ministarstvo, tako i prvostepene organe, odnosno opštinske službe socijalne zaštite u svim opštinama Kantonu Sarajevo. Inače kao što znate Zakon o materijalnoj podršci porodicama sa djecom u Federaciji Bosne i Hercegovine koji je donio Parlament Federacije Bosne i Hercegovine, koji je stupio na snagu 9. 10.2022. godine uredio je pravo na novčanu pomoć za nezaposlene porodilje. Shodno obavezi usklađivanja Kantonalnog zakona sa ovim Federalnim zakonom, Kanton Sarajevo je donio Zakon o izmjenama i dopunama Zakona o socijalnoj zaštiti, zaštiti civilnih žrtava rata i zaštiti porodice sa djecom, koji je najvećim dijelom zadržao postojeća prava u nominalnom iznosu ili je uvećao iznos pojedinih prava. U skladu sa ovim propisima Opštinski organi uprave imali su obavezu da donesu nova rješenja i to rješenje o ostvarivanju prava na novčanu naknadu umjesto plate, rješenja o ostvarivanju prava na dodatnu pomoć na ime brige i njege djeteta na osnovu kojih bi se mogla vršiti isplata prava po osnovu porodiljskog odsustva. Zbog velikog broja predmeta i činjenice da je ovaj pomenuti federalni zakon predvidio i na novi način uredio i dječiji dodatak zaista opštinski organi uprave su imali za obaviti veliki obim posla. I nisu u roku zbog velikog broja predmeta donijeli rješenje o ostvarivanju ovih prava, što objektivno u propisanim rokovima nisu mogli niti učiniti. U Kantonu Sarajevo mjesecu decembru, za mjesec decembar 2022. godine prava na porodiljske naknade je ukupno ostvarilo za nezaposlene porodilje 1714 korisnica, za naknadu umjesto plate ženi majci u radnom odnosu 1771 korisni korisnica i za dodatnu pomoć na ime brige i njege djeteta ženi majci u radnom odnosu 1486 korisnica. Prema evidenciji isplatnim listama nezaposlene pardon porodilje su za mjesec decembar primile puni iznos naknada 996 konvertibilnih maraka ,ali putem dvije odvojene uplate. Prema informacijama a kojima smo raspolagali za mjesec decembar, a što se u međuvremenu promijenilo i čekamo nove isplatne liste od opštinskih organa uprave, otprilike 20 % predmeta koji tretiraju porodilje u radnom odnosu nije okončan radi pribavljanja podataka o isplaćenim iznosima od strane poslodavaca. Mi smo donijeli odgovarajuće uputstva za opštinske organe uprave j naložili da se zaključno sa mjesecom januarom sva rješenja u skladu sa novim propisima donesu i sve porodilje odnosno ovih 20 % koje u međuvremenu nisu primile puni iznos porodiljske naknade, odnosno obje uplate bit će retroaktivno isplaćene, u februaru uz porodiljske naknade za januar mjesec. Što se tiče porodica sa troje i više djece to je ustvari pravo koje je uveo revolucionarno Kanton Sarajevo za vrijeme mandata aktuelne Vlade, u tom smislu nije došlo do bilo kakvih promjena. Dječiji dodatak za ove kategorije korisnika se uredno isplaćuje. Ono o čemu odlučuju u svakom konkretnom predmetu opštinski organi uprave kao prvostepeni organi su znači u okviru Upravnog postupka određene činjenice koje opštinski organi samostalno cijene kao dokazanim ili ne. Ja moram napomenuti da njih obavezuje u primjeni federalni propis koji kaže da je porodica životna zajednica roditelja i djece, te drugih krvnih srodnika, odnosno srodnika pod tazbini ili usvojlaca, ili usvojenika i lica iz vanbračne zajednice ako žive u zajedničkom domaćinstvu. Ukoliko se u konkretnoj situaciji radi o po porodici sa o djeci koja su istih roditelja ali ne žive u zajedničkom domaćinstvu vjerujem da je tu činjenicu u skladu sa federalnim zakonom prvostepeni organ i cijenio. Radi se o pojedinačnom slučaju, ne

postoji nikakav problem vezano za isplatu naknada za porodice sa troje i više djece. Ministarstvo stoji na raspolaganju kao drugostepeni organu da ispita zakonitost predmetnog rješenja. Evo znam da ovaj smo ograničeni sa vremenom, bit će veoma kratka vezana u odgovoru na pitanje uvaženoj zastupnici Vujović. Dobit će detaljne informacije pismeno. Ovo resorno Ministarstvo za vrijeme mog mandata i ova Vlada su svakako opredjeljenja da ustanove socijalne zaštite treba jačati. Mi smo u proteklom periodu izvršili, dali odobrenja za dodatno zapošljavanje stručnog kadra, postupanja u skladu sa važećim sistematizacijama i čak u Nacrtu budžeta za 2023 godinu povećali broj stručnih radnika ustanovama socijalne zaštite za 30 dodatnih nakon što smo već izvršili određena povećanja u 2021 i 2022. godini, a sve kako bismo učinili dostupnijim građanima Kantona Sarajevo ustanove socijalne zaštite. Mi ćemo svakako rad unapređivati i u narednom periodu. Vezano za pristupačnost ovih ustanova u smislu otklanjanja arhitektonskih barijera u ovoj godini provodili smo aktivnosti na uklanjanju arhitektonskih barijera i evo zbog, imajući u vidu da nemamo više vremena za odgovore na pitanje i da druge kolege trebaju odgovoriti, ja ću vam sa zadovoljstvom rezultate naših aktivnosti dostaviti u izvještaju pismenim putem. Hvala lijepa.

### **Elvedin Okerić (Predsjedavajući)**

Zahvaljujemo se ministrici Prvulović. Sljedeća ministrica Naida Hota-Muminović se javila za riječ. Izvolite.

### **Naida Hota-Muminović (ministrica)**

Hvala lijepo uvaženi predsjedavajući, uvažene zastupnice i zastupnici Skupštine Kantona Sarajevo, građani Kantona Sarajevo koji nas prate. Dakle ovdje su bila dva pitanja na koje mogu dati usmeni odgovor. Jedno je pitanje uvaženog zastupnika Muamera Bandića odnosno inicijativu da se u nastavni plan i program uvedu nastavnih cjelina koje se tiču izučavanja perioda agresije i genocida u Bosni i Hercegovini, na Bosnu i Hercegovinu. Ja vas želim informisati da to ne bi bila nikakva novost jer se navedene aktivnosti već provode kroz nastavni plan i program i to od 2018. godine, što je propisano već te godine kao zakonska obaveza izmjenom, donošenjem zapravo novih Zakona o osnovnom odgoju i obrazovanju, odnosno srednjem obrazovanju. Dakle nastavne cjeline o izučavanju agresije i genocida, kao i nastavni materijali koji su kreirani upravo namjenski za tu potrebu su već u upotrebi evo već 4 godine u našim školama. Izučavaju se u devetom razredu baš kao što ste sugerisali u vašoj inicijativi, izučavaju se u prvom razredu srednje škole za škole koje, za stručne škole i tehničke škole, a u gimnazijama izučavaju se u četvrtom razredu, dakle završnom razredu srednje škole. Takođe je bitno naglasiti da smo i implementacijom odnosno provođenje kurikularne reforme ovu inicijativu nastavili uvrštavati kroz izradu novih predmetnih kurikulumu, odnosno nastavnih planova i programa koji su zasnovani na ishodima učenja za predmet historija, pa smo to zadržali i u ovom predmetu, dakle u predmetu historija za deveti razred, kao i za srednje škole. Bitno je reći da Institut za razvoj preduniverzitetskog obrazovanja.

### **Elvedin Okerić (Predsjedavajući)**

Zastupnička intervencija, zastupnik Dević.

### **Mahir Dević (poslanik/zastupnik)**

Hvala predsjedavajući, zbog dogovora i kratkog vremena koji danas imamo za rad, znači imamo sljedeću situaciju koja krši Poslovnik. Ministrica Prvulović odgovara na pitanje na koje se traži pismeni odgovor. Ministrica Naida Hota Muminović nam odgovara na inicijativu. Mislim zna se šta je inicijativa, zna se šta je pismeno kad se traži pismeni odgovor , zna se što je kad se traži

usmeni odgovor. Znači mi sad evo gledao sam ministrica Prvulović 10 minuta, a svaki zastupnik 2 ili 3 minute. I trošimo vrijeme bespotrebno. Znači ljudi krše Poslovnik. Ako je inicijativa zna se šta je inicijativa, na inicijativnu nam ne treba odgovor, ni pismeni, ni usmeni. Pokrenuo inicijativu, hoće li se relazovati, neće li, pratit ćemo način. Intervenirajte na tome, molim vas.

**Elvedin Okerić (Predsjedavajući)**

Hvala kolega Deviću. Zamolio bih ministrice i ministre da daju odgovore na postavljena pitanja ukoliko ima potrebe za usmenim odgovorom, ukoliko nema nemojte davati odgovore na ona pitanja koja nisu zastupnici tražili. Dostavite pismenim putem.

**Naida Hota-Muminović (ministrica)**

Hvala lijepo. Upravo Poslovnik kaže da ministri i ministrice daju odgovore na sjednici a ukoliko nisu u mogućnosti onda daju odgovore na sljedećoj sjednici, tako da, naravno bilo bi jako korisno da se uvaženi zastupnici i zastupnice informišu upravo radi principa ekonomičnosti u radu Skupštine da li je već određena aktivnost u toku u resornim ministarstvima. Ovo je definitivno primjer jedne takve inicijative koja traje već 4 godine kroz nastavne planove i programe. Imala sam za to potrebu da to sugerišem. Hvala lijepo na strpljenju. Što se tiče pitanja vezana za školu u prirodi u Šabićima, tačno je da inspektorat za protupožarnu zaštitu, uvaženi zastupnik Samir Avdić, izašao na teren i utvrdio da objekat u Šabićima u koji se već dugi niz godina koristi kao objekat za realizaciju škole u prirodi nema ni urbanističku saglasnost, ni građevinsku dozvolu, ni upotrebnu dozvolu. Ovaj objekat urađen je, izgrađen je i rekonstruisan zajedničkim naporima tadašnjeg dakle kroz sporazum tadašnjeg ministra za obrazovanje i načelnika opštine Trnovo. Prema tom sporazumu upravo je opštinska administracija odnosno opštinske službe i načelnik su bili zaduženi za izdavanje ovih dozvola, a i bez te odredbe u Sporazumu, to je zakonska obaveza upravo opštinske administracije. Mi smo naravno postupajući u okviru zakona morali taj objekat staviti van upotrebe, a o ovim aktivnostima i okolnostima obavijestili smo i Tužilaštvo Kantona Sarajevo za koje očekujemo da će poduzeti određene korake. Mi u okviru izvršavanja programa utroška sredstava iz Budžeta 22. godine nismo mogli dalje nastaviti realizaciju škole u prirodi na drugi način jer postoji Zakon o javnim nabavkama koji se mora ispoštovati u kontekstu nabavljanja ovakvih vrsta usluga. Ali smo definitivno poduzeli korake da se to realizira i svi učenici će biti obuhvaćeni realizacijom škole u prirodi u toku ove školske godine. Takođe želim istaći da smo o svemu obavijestili i Vijeće roditelja u oktobru krajem oktobra mjeseca i održavamo sa njima redovne sastanke, tako da evo podebljat ćemo i pojasnit ćemo dodatno. Vezano za kurikularne reforme uvaženi zastupnik Marjanović, dakle pitanje je detaljnije pa bi zamolila da dostavim pismeno odgovor. Hvala lijepo.

**Elvedin Okerić (Predsjedavajući)**

Zahvaljujemo se ministrici Hota-Muminović. v.d. zamjenica premijera Darja Softić-Kadenić.

**Darja Softić-Kadenić (ministrica)**

Hvala lijepa. Srdačan pozdrav svim zastupnicima prisutnim danas na Skupštini i gledaocima koji prate prenos Skupštine na televiziji. Pitanje koje je bilo upućeno od strane zastupnice Admele Hodžić vezano za anketu, aktivnosti na anketi za osobe s invaliditetom. Stručna služba Vlade je prikupila podatke i prosljedila te podatke u drugoj polovini novembra mjeseca Ministarstvu za rad, socijalna pitanja i raseljena lica da pripremi anketu. Ministarstvo je ovo uzelo u rad, ali to je još u toku i provode se aktivnosti u tom smislu. U pogledu pitanja zastupnica Jelene Pekić meni

kao ministrici pravde u kontekstu aktivnosti na izradi teksta amandmana Ustava kao svojevrsnog prethodnog pitanja za izradu teksta Zakona o lokalnoj samoupravi. Imenovana je radna grupa 24. 11. prošle godine koja je glomazna i čine ju predstavnici Kantona, svih općina i Grada Sarajevo sa zadatkom da izradi amandmane na Ustav i nacrt Zakona o lokalnoj samoupravi sa rokom izvršenja od 90 dana. Ova radna grupa intenzivno radi, sedmično se održavaju sastanci i očekujemo da će po završetku njihovog mandata sa 24. 2. dostaviti rezultat svog rada na Vladu, o čemu ćemo onda dalje raspravljati. U pogledu pitanja zastupnika Harisa Zahiragića, moram reći da ne postoji nikakav ugovor o djelu ovog tipa koji spominjete, radilo sa volonterskom angažmanu za koji nije isplaćen nikakav honorar, praksa za potrebe studija. A ovo drugo pitanje koje ste postavili vezano za proces zapošljavanja u Ministarstvu visokog obrazovanja, iskreno ne vidim nikakvu sponu premijera sa tim pitanjem i smatram ovakva pitanja svojevrsnim atakom na integritet ministrice koja rukovodi ovim Ministarstvom, koja je provela ovaj postupak zapošljavanja, tako da zaista ovaj neću takve provokacije tolerirati.

### **Elvedin Okerić (Predsjedavajući)**

Zahvaljujem se ministrici. Haris Vranić se javio za riječ.

### **Haris Vranić (ministar)**

Hvala predsjedavajući. Pozdravljam sve zastupnike i zastupnice. Ja sam imao koliko sam upratio, imao 2 pitanja odnosno dva pitanja od dvije zastupnice. Prva zastupnica Smailbegović je postavila pitanje u vezi listi čekanja i kako riješiti liste čekanja. Moram naglasiti, biću kratak i koncizan. Dakle liste čekanja svugdje u svijetu postoje pa tako će postojati kod nas i neće se sigurno desiti momenat da ćemo naše pacijente dovesti u tu situaciju da ne bude listi čekanja, međutim moramo napraviti digresiju u tome što je ono prioritetno da se mora uraditi, a da se ne stavlja na liste čekanja. Također bih podsjetio da je Ministarstvo zdravstva još krajem septembra izdalo Pravilnik o ukidanju listi čekanja koje se čekaju za dijagnostičke procedure i usluge koje se čekaju duže od 30 dana. To je bilo krajem septembra, izašlo u Službenom listu Kantona Sarajevo 36/22, a izmjene i dopune su urađene u Službenom listu objavljene broj 40/22. Da li sve javno zdravstvene ustanove rade po tom Pravilniku nisam baš siguran, jer je bilo dosta primjedbi od strane pacijenata. Segment organizacije posla unutar javnozdravstvenih ustanova prvenstveno je zadužen menadžment i direktori tih ustanova i oni trebaju da prilagode svoj kadar materijal tehnička sredstva da organiziraju optimalan rad svih uposlenika javnozdravstvenih ustanova, čime bi oni svojim organizacijskim sposobnostima uveliko umanjili potencijalni nastanak listi čekanja. Samo bi još jednu digresiju napravio dakle o evo prema svim zastupnicima i prema drugima, dakle ne postoji Ministarstvo zdravlja, niti ministar zdravlja, nego postoji Ministarstvo zdravstva i ministar zdravstva. Drugo pitanje je višeslojno bilo od strane zastupnici Izetbegović. Koliko sam shvatio prvo pitanje je bilo prema Vladi upućeno, ali ja mogu dijelom odgovoriti zbog toga što se tiče Ministarstva zdravstva. Da, Ministarstvo zdravstva je dobilo kao i Vlada upit za zapošljavanje na neodređeno određeni broj uposlenika.

### **Elvedin Okerić (Predsjedavajući)**

Ministre Vraniću zastupnica Izetbegović sugeriše da pismenim putem odgovorite, nemate potrebu usmeno.

### **Haris Vranić (ministar)**

Nije se tačno izjasnila pa nisam znao, uglavnom dobi čuti t ćete u pismenoj formi.

**Elvedin Okerić (Predsjedavajući)**

Zahvaljujem. Jel nemate više?

**Haris Vranić (ministar)**

Nemam više ništa ovaj dodati.

**Elvedin Okerić (Predsjedavajući)**

Zahvaljujemo se ministru Vraniću. Prepostavljam nezadovoljstvo odgovorima zastupnik Haris Zahiragić. Izvolite imate riječ.

**Haris Zahiragić (poslanik/zastupnik)**

Zahvaljujem predsjedavajući. Prije svega nezadovoljstvo odgovorom izražava zbog odgovora ministra Katice, a imajući u vidu činjenicu da je on prilikom mog pitanja da li se može povezati javna reakcija Ministarstva unutrašnjih poslova i premjera Vlade Kantona Sarajevo sa stvaranjem ambijenta u javnosti koje je ishodilo određivanju pritvora, odgovorio o nadležnostima određivanja pritvora, što ja kao pravnik, za razliku od njega, možda mogao bolje znati. Niti je postojala opasnost od bijega, niti za uništavanje dokaza, niti na uticanje za žrtve, niti počinjenje krivičnog djela do kraja s obzirom da su te žrtve počinjenog krivičnog djela izvan države Bosne i Hercegovine. Jedini razlog koje je Tužilaštvo formalnopravno moglo navesti jeste javni red i mir i interes javnosti. E Sada dolazimo do političke funkcije Vlade Kantona Sarajevo i ministra unutrašnjih poslova za kreiranje javnog mijenja u stanje sigurnosti kako opće tako pojedinačnim slučajevima, a s tim u vezi me je zanimalo da li reakcija premijera i ministra adekvatna bila nakon što su saznali putem operativnih saznanja koje ministar ima nadležnost i on je ovdje izvjestilac javnost, on je dakle civilni glas u policijskoj službi. On je u naše ime ministar MUP-a i on treba da na takav način komunicira ono što može naravno od operativnih saznanja prema javnosti, prema Skupštini Kantona Sarajevo. Na to pitanje nisam dobio odgovor. Također gospođa. Softić mi nije uopšte odgovorila da li je adekvatna bila reakcija i poruke premijera Forte s obzirom da je on politička, prva šef izvršne vlasti Kanton Sarajevo koji je na takav način doprinio atmosferi međunarodnog skandala od nekog huliganskog dvostranog incidenta. I treće nezadovoljstvo odgovorom jeste da nisam uopšte pokušavao ni na koji način imputirati ministrici resornoj ništa osim što sam kazao da ste vi tokom pravljenja ekspozea, ne vi gospođu Softić, nego Vlada Kantona Sarajevo kao jedan od temeljnih zadataka stavila borbu protiv tzv. iako to formalno ne postoji, to su političke stranke koji su vlast postavile etablirale partokratije, kako da vam kažem, razumijem da je po zakonu, da li je moralno zaposliti kolegicu iz Kantonalnog odbora koja je bi na listi Naše strane ili nije? Zahvaljujem.

**Elvedin Okerić (Predsjedavajući)**

Zastupnik Faruk Selmanović, prepostavljam nezadovoljstvo odgovorom.

**Faruk Selmanović (poslanik/zastupnik)**

Hvala predsjedavajući. Naravno nezadovoljstvo. Ministrica nam je ovdje navela dosta nekih podataka al onaj ključni dio koji se odnosi na zakonsko uporište da se pravosnažna rješenja obustave sa isplatom ovaj bez nekog dodatnog obrazloženja nismo nismo dobili, očigledno smo zaboravili da od ovog dodatka većina ljudi hrani svoje bebe, preživljavaju, kupuju pelene hranu i malo je onako čudno da se u pola rješenje obustavi i traže se neka dodatna obrazloženja, a nismo

nismo dobili što je zakonsko uporište osim ako nema novca u Budžetu pa se onda traže dodatna obrazloženja. Hvala.

### **Elvedin Okerić (Predsjedavajući)**

Zahvaljujemo se zastupniku Selmanoviću, zastupnik Muamer Bandić se javio za riječ.

### **Muamer Bandić (poslanik/zastupnik)**

Hvala predsjedavajući. Pa generalno ja nemam pravo da na ovu intervenciju ali okolnost da vi niste intervenisali predsjedavajući prilikom obrazloženja ministrice obrazovanja jer ona nije imala mogućnost da koristi pravo na inicijativu da daje odgovor i nisam tražio to da mi se da, okolnost da je obrazložila to ekonomičnosti postupka, ne možemo krši Poslovnik zbog ekonomičnosti postupka a razlog zbog čega, ja sam i naveo na osnovu kojeg člana Poslovnika tražim što je bio pravni osnov, to je član 213 Poslovnika. I mislim da ste trebali da prekinete njeno izlaganje, a okolnost da niste evo ja ću obrazložiti u kojem dijelu sam nezadovoljan ovim njenim odgovorom. Ja sam svjestan činjenice šta to ustvari učenici devetog razreda u povijesti izučavaju jer moj sin je deveti razred i smatram da to nije dovoljno, zato i jesam pokrenuo ovu inicijativu i napravio sam komparaciju sa Tuzlanskim kantonom. I jasno sam naveo u inicijativu koji će ministrica dobiti na ruke i Vlada šta želim ustvari da taj dodatni udžbenik sadrži. Tako da želim da mi se na ovu inicijativu pismeno izjasni Vlada. Zahvaljujem se.

### **Elvedin Okerić (Predsjedavajući)**

Zahvaljujemo se kolegi Bandiću. Prije svega inicijative su javne i nema smetnje da se o njima javno komentariše, odgovara i diskusije.

S obzirom da nema više prijavljenih zaključujem ovaj dio tačke i tražim pauzu od 10 minuta. Pozivam šefove klubova u kancelariju 100 da iskomuniciramo ove inicijative koje su pristigle kada je pitanju izjašnjenje.

NASTAVAK NAKON PAUZE

### **Elvedin Okerić (Predsjedavajući)**

Zamolio bih zastupnike da zauzmu svoja mjesta, nastavljamo dalje sa sjednicom Skupštine Kantona Sarajevo.

Zamolio bih službu da pripreme anketu za izjašnjenje.

Pozivam zastupnice i zastupnike da se izjasne o inicijativi Kluba SDP-a koja poziva za nastavak dijaloga Vlade Kantona Sarajevo i sindikata o načinu povećanje primanja radnika koji ta primanja ostvaruju iz Budžeta Kantona Sarajevo u 2023. godini.

Ko ja za?

Zaključujem glasanje. Molim službu da objavi rezultate glasanja.

Za je glasalo 28 zastupa, protiv ništa, suzdržan ništa. Konstatujem da je Skupština. Suzdržan 1.

Konstatujem da je Skupština prihvatila ovu inicijativu.

Zatim inicijativa zastupnika Harisa Zahiragića, gdje poziva Vladu Kantona Sarajevo da putem Ministarstva za visoko obrazovanje nauku i mlade i Univerziteta u Sarajevu odmah bez odlaganja



izvrši zakonsku obavezu oslobađanja povrata školarine za studente koji su postigli odgovarajući propisani uspjeh.

Ko je za? Molim zastupnice i zastupnike da se izjasne.

Zaključujem glasanje. Molim službu da objavi rezultate glasanja. Za je glasalo 28 zastupnika, protiv i suzdržanih nije bilo. Konstatujem da je Skupština usvojila ovu inicijativu.

Zatim imamo inicijativu zastupnika Irfana Čengića koji inicijativa između ostalog glasi da Skupština pristupi formiranju grupe za donošenje novog Poslovnika Skupštine Kantona Sarajevo. S obzirom da nemamo danas zamolio bih Irfana Čengića zastupnika da da poslušati ovo što ću kazati s obzirom da je on inicijator. Nemamo danas imena grupe a Skupština Kantona Sarajevo imenuje ta imena, tako da možemo faktički se samo deklarativno izjasniti o vašoj inicijativi da je podržavamo ali nemamo imena. Tek za sljedeću sjednicu.

Već smo to kazali, samo što nemamo imena, tako će i biti.

Dobro. Upoznati ste sa inicijativom. Pozivam zastupnice i zastupnike da se izjasne o navedenoj inicijativi.

Zaključujem glasanje. Molim službu da objavi rezultate glasanja. Za je glasalo 27 zastupnika, protiv i suzdržanih nije bilo.

Konstatujem da je Skupština prihvatila ovu inicijativu.

Zatim, ovdje nemamo ko podnosi ali pretpostavljam, evo ga, Klub SDA. Klub SDA u Skupštini Kantona Sarajevo predlaže deklaraciju. Skupština Kantona Sarajevo kao predstavničko tijelo Kantona u čijem sastavu je glavni grad koji je bio 1425 dana pod opsadom izražava zabrinutost i najoštrije osuđuje provokativno podizanje 3 prsta od strane novoizabranog ministra sigurnosti države Bosne i Hercegovine Nenada Nešića ispred sjedišta institucija Bosne i Hercegovine, isto što je ponovio u programu uživo na javnom servisu.

Molim zastupnice i zastupnike da se izjasne o ovoj inicijativi.

Zaključujem glasanjem. Molim službu da objavi rezultate glasanja. Za je glasalo 29 zastupnika, protiv i suzdržanih nije bilo. Konstatujem da je Skupština usvojila ovu Deklaraciju.

Prelazimo na tačku 2. današnjeg dnevnog reda.

## **AD-2.**

**Prijedlog Odluke o davanju saglasnosti na Izmjene i dopune Finansijskog plana prihoda i izdataka Javne ustanove „Služba za zapošljavanje Kantona Sarajevo“ Sarajevo za 2022. godinu sa Odlukom o izvršavanju Izmjena i dopuna Finansijskog plana prihoda i izdataka Javne ustanove „Služba za zapošljavanje Kantona Sarajevo“ Sarajevo za 2022. godinu**

Prijedlog odluke ste dobili u dopunskom materijalu. Ima li potrebe za uvodne napomene Predlagača? Nema. Da li predstavnici radnih tijela žele riječ? Ima li pitanja? Otvaram raspravu. Zaključujem raspravu.

Molim zastupnice i zastupnike da pristupe izjašnjavanju o Prijedlogu odluke o davanju saglasnosti na Izmjene i dopune Finansijskog plana prihoda i izdataka Javne ustanove „Služba za zapošljavanje Kantona Sarajevo“ Sarajevo za 2022. godinu sa Odlukom o izvršavanju Izmjena i dopuna Finansijskog plana prihoda i izdataka Javne ustanove „Služba za zapošljavanje Kantona Sarajevo“ Sarajevo za 2022. godinu.

Zamolio bi zastupnike da se izjasne. Zaključujem glasanjem. Molim službu da objavi rezultate glasanja. Za je glasalo 26 zastupnika, protiv i suzdržanih nije bilo.

Konstatujem da je Skupština donijela ovu odluku.

Prelazimo na tačku 3.

### **AD-3.**

#### **Prijedlog odluke o dopunama Odluke o usvajanju okvira za otkup imovine i naknade radi realizacije projekta izgradnje gradskih saobraćajnica u Kantonu Sarajevo**

Prijedlog odluke ste dobili u dopunskom materijalu. Ima li potrebe za uvodne napomene Predlagača? Nema. Izvolite jeste li vi predlagač ove tačke? Izvolite.

Ako možete zbog stenograma da nam se predstavite. Izvolite imate riječ.

#### **Selmir Kovač (direktor Direkcije za puteve KS)**

Selmir Kovač direktor Direkcije za puteve Kantona Sarajevo Ministarstva saobraćaja Kantona Sarajevo. Želio bih da pozdravim uvaženo rukovodstvo Skupštine, uvažene zastupnike, naravno sve gledaoce Televizije Sarajevo. Ova odluka, izmjene odluke se odnose u dva stava po preporukama EBRD-a. Prva preporuka je pošto u nasljednom redu je bilo samo krvno srodstvo, nije bilo bračno nasljedstvo. Druga preporuka se odnosi na kad se riješi imovinskopravni odnosi stranka ne prihvati ponudu od sudskih vještaka da novci moraju biti 5 godina na stanju na računu u Vlade Kantona Sarajevo. To su u suštini sve izmjene koje se donose.

#### **Elvedin Okerić (Predsjedavajući)**

Jel to to? Zahvaljujem se možete se vratiti na svoje mjesto. Da li predstavnici radnih tijela žele riječ? Ima li pitanja?

Mahire jeste li se prijavili za pitanja ili ? Otvaram raspravu. Zastupnik Mahir Dević, izvolite imate riječ.

#### **Mahir Dević (poslanik/zastupnik)**

Pretpostavljam da je kolega Bandić u Zakonodavnoj komisiji bio, da je Zakonodavna komisija dala pozitivno mišljenje na ovaj prijedlog, ali inače kao neku praksu, naravno mi ćemo kao Klub uvijek podržati sve odluke koje se tiču ubrzanja bilo koji infrastrukturnih objekata, ali postoje neke stvari koje su često puta vrlo osjetljive kada je Zakon u pitanju. Ja ću vas zamoliti zaista predsjedavajući da su obezbijedi da se ozbiljno pristupi ovaj izlaganju tih odluka. Znači mi ovdje sada već dvije, tri sjednice nemamo ministra saobraćaja koji nam je trebao na neki način ovdje ovaj da obrazloži ove stvari, a ne želimo naravno da se sada mi ovaj stajemo na put jednoj progresivnoj odluci da se gradi infrastrukturu u konkretnoj situaciji ovaj putevi. Prošli put smo imali s ovim problem, ja se nadam da ćemo s ovim riješiti. Znači mi danas smo u situaciji da ovo ovaj podržimo zato što je vjerujemo Zakonodavno-pravnoj komisiji, iako Zakonodavnopravna komisija nekada znala pogriješiti. Ali evo mi ćemo dati podršku ali vas molim na ovim osjetljivim stvarima da se zaista to transparentno ovaj prezentira zastupnicima. Evo danas smo u žurbi podržat (nerazumljivo). Hvala.

#### **Elvedin Okerić (Predsjedavajući)**

Hvala kolega Deviću. Za riječ se javio zastupnik Irfan Čengiđ.

### **Irfan Čengić (poslanik/zastupnik)**

Hvala predsjedavajući. Pa dakle ovo je realizacija inicijative sa prošle sjednice koju sam uputio jer su radovi na spajanju Devete transverzale i autoputa stali. Ja sam i tada rekao dakle nisu stali ni zbog Ministarstva saobraćaja, ni Direkcija za saobraćaj, ni izvođača radova, već upravo zato što je trebalo pripremiti izmjenu ove odluke i odluku koju će imati na narednoj sjednici koja se tiče ako se ne varam, pojedinačne odluke, pojedinačne kuće koja zbog koje stoji čitav onaj kružni tok i sve. Mislim da čak predlagač i tvorac ove Odluke zapravo gdje sve zakočilo jeste Zavod za izgradnju Kantona Sarajevo, tako da nije ovo toliko upućeno na Ministarstvo saobraćaja. Ministarstvu saobraćaja hvala što se uključilo u rješavanje ovog problema. Dakle otkup imovinsko pravnih parcela i svega ostalog na dionicama vrši Zavod za izgradnju Kantona Sarajevo i mislim da usvajanje današnje odluke i na narednoj sjednici ako se ne varam predsjedavajući imamo ovu tačku dakle pojedinačnog otkupa. Mi ćemo moći konačno završiti radove na ovoj dionici koji su trebali biti završeni prošle godine. Dakle mjesecima su radovi stali ne zbog izvođača radova, ne zbog Ministarstva saobraćaja, niti Direkcije za ceste, već isključivo zato što nisu riješeni imovinskopravni odnosi. Zahvaljujem predsjedavajućem Skupštine što ste uvrstili na današnji dnevni red jer je ova tačka koja zaista mnogo znači i izvođaču radova a i nama kao investitoru, a najviše znači građanima općine Novi Grad koji će konačno tamo do ljeta nekad, nadam se, dobiti završeno spajanje Devete transverzale sa autoputem.

### **Elvedin Okerić (Predsjedavajući)**

Zahvaljujem se zastupniku Čengiću. Nema više prijavljenih. Zaključujem raspravu.

Molim zastupnice i zastupnike da pristupe izjašnjavanju o Prijedlogu odluke o dopunama odluke o usvajanju okvira za otkup imovine i naknade radi realizacije projekta izgradnje gradskih saobraćajnica u Kantonu Sarajevo.

Zaključujem glasanjem. Molim službu da objavi rezultate glasanja. Za je glasalo 25 zastupnika, protiv i suzdržanih nije bilo.

Konstatujem da je Skupština donijela ovu Odluku.

### **Prelazimo na sljedeću tačku.**

#### **AD-4.**

### **Prijedlog Zakona o izmjenama Zakona o šumama Kantona Sarajevo**

Prijedlog ste dobili uz poziv za sjednicu.

U skladu sa članom 158. stav 2) Poslovnika Skupštine Kantona Sarajevo molim predstavnika Predlagača da nam ukratko navede razloge za donošenje Prijedloga zakona po skraćenom postupku.

Ovo je samo obrazlaganje skraćeni postupak, možemo ići dalje.

S obzirom da nema više pitanja, vidim da nema prijavljenih za raspravu, zaključujem raspravu. Ima.

Ovo je skraćeni postupak.

Oprostite molim vas, samo malo pažnje. Sada trenutno zastupnice i zastupnici trebaju samo da se izjasne da li smo za skraćeni postupak, a kasnije ćemo imati raspravu po ovoj tački dnevnog reda.

Molim zastupnike da se izjasne da li ćemo pretres Prijedloga zakona izmjenama Zakona o šumama Kantona Sarajevo provesti po skraćenom postupku.

Zaključujem glasanje. Molim službu da objavi rezultate glasanja. Za je glasalo 26, protiv ništa, suzdržanih ništa. Konstatujem da Skupština prihvatila prijedlog da se pretres Prijedloga zakona provede po skraćenom postupku.

Molim predstavnika predlagača da podnesu uvodne napomene. Nema potrebe. Da li predstavnici radnih tijela žele riječ? Ima li pitanja?

Zastupnica Hašimbegović, niste se prijavili, prijavite se na, ali imamo sada prije prijavljenu zastupnicu Sanelu Klarić pa onda zastupnica Marijela Hašimbegović. Izvolite zastupnice Klarić.

**Sanela Klarić (poslanik/zastupnik)**

Hvala puno. Predsjedavajući ovde govorim ispred tijela Komisije za poljoprivredu, vodoprivredu i šumarstvo i prerađivačku proizvodnju i govorim u ime tog tijela. Nakon diskusije mi smo u skladu i sa dogovorom sa ministrom a po sugestijama ovaj Šumarskog fakulteta u Sarajevu usvojili predloženi Zakon o izmjenama i dopunama Zakona o šumama u Kantonu Sarajevo uz uslov da se u roku od 24 mjeseca od usvajanja zakona zaduži Ministarstvo privrede Kantona Sarajevo da izračuna i odredi stopu naknade za svako ŠPP u skladu sa metodikom proizvodnje vrijednosti šuma te uz uslov da se u članu 10 Zakona o šumama Kantona Sarajevo i zadnjeg stava promijeni Pravilnik za izradu šumsko Privredne osnove kojim će biti propisana obavezna primjena metodike za utvrđivanje proizvodne vrijednosti šuma kod izrade nove ŠPO, sama primjena realizacije ŠPO obavezuje korisnika šuma da obračunava i uplaćuje naknadu za korištenje šuma. Ovde se radi o metodiki a ne pa paušalnom povećanju ovog postotka. Hvala.

**Elvedin Okerić (Predsjedavajući)**

Zahvaljujem se zastupnici Klarić. Uvažena zastupnica Marijela Hašimbegović se javila za riječ. Izvolite.

**Marijela Hašimbegović (poslanik/zastupnik)**

Zahvaljujem se predsjedavajući. Nema ništa sporno u ovoj Odluci s tim da potpuno je jasno na koji način se vrši eksploatacija kako sad ide procjena raspodjele procenta i u tom dijelu nemam zamjerku. Međutim mislim da bi ovo bilo vrlo učinkovito da smo radili, da smo se usaglasili zajedno i sa prevencijom, zaštitom od otuđenja šuma koja je toliko aktuelno. Dakle krađa šuma je nešto i pitanja su o kojima zaista ozbiljno moramo raspravljati. Dakle smatram da bi ova Odluka bila učinkovitija da smo razmatrali i ovo pitanje jer onda ćemo imati zaista uvid u bolju eksploataciju. Na ovaj način ne znam šta ćemo eksploatirati ako nismo uradili prevenciju od krađa. Hvala lijepa.

**Elvedin Okerić (Predsjedavajući)**

Zahvaljujem se. Za riječ se javio zastupnik Mahir Dević.

**Mahir Dević (poslanik/zastupnik)**

Hvala. Kada smo imali inicijativu ovdje na Skupštini Kantona Sarajevo da se ukinu sredstava od opšte korisnih funkcija šuma vi znate da smo mi bili ovaj kao Klub a evo ja lično protiv takvog jednog pristupa. Takav pristup je bio opravdan jednom činjenicom kao da ćemo mi pomoć privredi u Kantonu Sarajevo. Sad ćemo pomoći samo sa par miliona konvertibilnih maraka privredi koja

ostvaruje akumuliranu dobit preko milijardu konvertibilnih maraka i govorili smo tada da ćemo dovesti naravno u pitanje niz stvari koje su se finansirale iz tih istih naknada opšte korisnih funkcija šuma. Bilo bi zaista zanimljivo izanalizirati sada trošenje tih sredstava iz opšte korisnih funkcija šuma, pa biste vidjeli na primjer da od tih sredstava ili sličnih je u Sarajevo-šume otišlo u posljednje dvije godine oko 7 miliona konvertibilnih maraka. A zadnjih 10 godina prethodnim direktorima otišlo ukupno 7 miliona maraka. E sada ako je to model da pravite uspješne menadžere onda je to ovaj može proći sve do onog momenta dok imate para u Kantonu Sarajevo. Onog momenta kada ih ne budete imali onda nećete naravno biti uspješni jer to ne govori o produktivnosti, to govori o tome da vi one menadžere koji ne rade dobro svoj posao nagrađujete dodatnim finansijskim sredstvima. Znači ponavljam, za 2 godine ovog ministra i ove Vlade u Sarajevo-šume otišlo 7 miliona maraka i više od 7, a za prethodnih 10 je otišlo 7. Naravno evo ako govorimo konkretno o Sarajevo-šumama to je preduzeće koje se bavi eksploatacijom šume, da ne kažem da je trebalo, ako nije moglo finansijski samo biti ovaj održivo, moglo je u nekim idealnim uslova nešto još i pomoći u Budžet Kantona Sarajevo.

Naravno da smo mi na ovakav način kad smo ukinuli taj OKFŠ ovaj doveli u poziciju i pitanje pošumljavanja, stavili pod upitnik. Prema mojim informacijama ona je jako loše se odvijalo u protekloj godini. Ministar nam je najavio pola miliona sadnica da će posaditi čini mi se do do proljeća do maja, blizu mu je. Ovaj po mojim analizama i rezultatima dosad je to realizirano negdje cca nekih 50.000.

Tako da ono što nam je ministar obećava, govorio ne uklapa se sa stvarnim stanjem. Međutim nije sve tako ni crno, naravno jel kolega Vibore. Neke stvari kada neki ministar uradi treba ih djelimično i pohvaliti. Znači ministar je razumio da je napravio jednu stratešku i kardinalnu grešku zato što je ovaj realizira ovaj politički nalog oko ukidanju OKFŠ-a i predložio je po skraćenom postupku izmjene Zakona o šumama da se ova stavka sa 5 podigne na 7 % , što je zaista za pohvaliti.

Ministar je rijetko imao priliku od mene ovaj da čuje da ga pohvalim, ali za ovaj dio bih ga mogao pohvaliti u tom segmentu da će se dio sredstava zbog urušavanja putne infrastrukture prije svega u lokalnim zajednicama zbog eksploatacije šume podignuti, evo za nekih dvadesetak, pedesetak hiljada maraka, zavisi u kojoj opštini se najviše ta šuma ovaj eksploatira. Bilo bi dobro da je to bilo 10% to bi zaista pokazao da je ministar do kraja razumio ovaj grešku koju je prije toga napravio, ali evo, mi ćemo njemu ipak ovaj dati za ovo prolaznu ocjenu i pohvalit ćemo ga na kraju mandata ovaj pošto trenutno obnaša dvije funkcije. Ne znam jel zastupnik u Parlamentu Federacije, jel ministar, ali evo ova izmjena mislim da ide u korist lokalnim zajednicama, ovaj proizvesti će neki dodatni teret vjerovatno za preduzeće Sarajevo-šume, ali ne možete eksploatisati šumu, uništavati infrastrukturu a na neki način je zanavljati. Eto ministre dočekao si da te malo i pohvalim u ovoj Skupštini, ne samo da kritikujem.

### **Elvedin Okerić (Predsjedavajući)**

Zahvaljujemo se zastupniku Deviću. Zastupnik Muamer Bandić.

### **Muamer Bandić (poslanik/zastupnik)**

Hvala predsjedavajući. Evo na bazi izlaganja mog kolege Devića.

Prvobitne izmjene i dopune Zakona o šumama Kantona Sarajevo su stupile na snagu u augustu 2022. godine. Tadašnjim izmjenama Zakona smatram da su u mnogom unazadilo gospodarenje i zaštita šuma, a i neke od izmjena idu na štetu samog korisnika šuma i šumskog zemljišta, odnosno Komunalnog javnog preduzeća Sarajevo-šume. Naime, stupanjem na snagu izmjena i dopuna

Zakona o toku 2022.godine čuvarska služba je prošla u Sarajevo-šume iako se tada tvrdilo da je prelazak čuvara šuma usklađen sa svim zakonskim normama, danas se pokazalo da to nije u potpunosti tačno. Trenutno imate presude koje idu u korist pojedinih čuvara šuma koji su se odlučili žaliti i ne prihvatiti prelazak iz Kantonalne uprave za šumarstvo u Sarajevo-šume, te su i danas ostali uposlenici Ministarstva privrede i primaju platu za posao koji praktično ne obavljaju. Prelaskom čuvara šuma dodatno se finansijski opteretilo Komunalno javno preduzeće jer se broj uposlenika znatno povećao, a i samo povećanje aktivnosti čuvanja šuma košta cca ukupno 2 miliona konvertibilnih maraka godišnje. Jednokratne pomoći Ministarstva privrede za čuvanje šuma ne trebaju biti volja ministra, niti jednog pojedinca drugog, već sistemsko rješenje ukoliko nam je istinski stalo do šuma u Kantonu Sarajevo. Pored toga u preduzeću do danas nije uspostavljeno čuvarska služba na adekvatan način, niti su se sistematizacijom tretirani čuvari šuma, iako je bila obaveza preduzeća da donese novu sistematizaciju i uskladi je sa važećim kolektivnim ugovorom. Smatram da se trenutno čuvanje i zaštita šuma ne provodi adekvatno jer trenutno na području Kantona Sarajevo imamo oko 5 do 6 čuvarskih rejona za koje niko ne odgovara i koje niko ne čuva. Također izmjenama i dopunama Zakona o šumama iz '22 druge godine smo već dodatno finansijski opteretili Sarajevo- šume jer po članu 58 preduzeće je dužno kantonu nadoknaditi štetu nastalu bespravnom sječom, možemo samo nagađati o kojem će se iznos uraditi ako neki, ako neko utvrdi štete koje su nastale na ovih pet, šest šumarskih rejona za koje niko nije zadužen. Pored svega ovoga, dakle ja ću ipak i Klub Stranke za Bosnu i Hercegovinu dati podršku ovom prijedlogu od strane ministra, ali evo molim ministra da u kontekstu mog izlaganja obrati pažnju na sve ovo što sam naveo, jer okolnost, kako je rekao mu kolega Mahir Dević da je u izmjenama OKFŠ-a već da kažemo od Javnog preduzeća jedan dio sredstava koji je bio namijenjen za pošumljavanje dakle ovaj oduzet, pa evo zamolio bih ministra da u tom kontekstu obrati pažnju i da možda u sljedećim izmjenama pokušamo da pronađemo zajedničko rješenje kako bi ovo Javno preduzeće imalo funkciju onu za koju je ustvari osnovano. Zahvaljujem se.

### **Elvedin Okerić (Predsjedavajući)**

Hvala zastupniku Bandiću. Ministara Adnan Delić se javio za riječ. Zamolio bih ministra Adnana Delića bude koncizan zbog sjednice Doma naroda.

### **Adnan Delić (ministar)**

Zahvaljujem predsjedavajući. Biću koncizan kao što sam i dosad bio kada je ova tema u pitanju. Ne mogu propustiti da ne kažem da ponovo prolazimo ono što smo prošli ovdje već nekoliko puta. OKFŠ nije ukinut nego mu je promijenjen izvor finansiranja. On je dosad bio teret privrednika, sad je teret Budžeta Kantona Sarajevo. Zašto je prebačeno više sredstava u Sarajevo šume u ove protekle 2 godine nego u proteklih 20 to je dobro pitanje i evo ja zahvaljujem svima onima koji to potenciraju zato što u Sarajevo-šumama još uvijek raspisujemo oglase za prijem goniča animalne zaprege što znači da do mog mandata nikad u Sarajevo-šumama nismo imali ni jedan kran, ni jednu žičaru, ni jedan bager, nijedan kamion koji je prilagođen znači poslu koji obavljaju Sarajevo-šume. Znači mi radimo na tehnološkoj modernizaciji ovog preduzeća kako bi ono efikasnije obavljalo ono što im je nadležnost, a njihova je nadležnost da gospodare šumama, ne da sijeku šumu, znači nego da gospodari šumama. Sječa šume samo jedan mali dio koji obavljaju Sarajevo-šume i oni koji gospodare šumama u čitavom svijetu su oni koji su odgovorni za sječju šume. I ovo da kažem, znači nije nelegalna sječa najveći problem znači šuma, najveći problem šume je atak građevinskog lobija i nelegalne radnje koje nisu prvi problem kad je kontekst nelegalne sječe u pitanju. Sve ove diskusije sam već ranije prošao. Jednu mogu da priznam uvaženom zastupniku Muameru Bandiću

da sistematizacije u Sarajevo-šumama još uvijek nije donesena, da to nije ni jednostavno donijeti, obzirom da se radi o velikom broju uposlenika, velikom broju njihovih nadležnosti. Ona će biti uskoro donesena, ne postoji ni jedna presuda, ni jedne nadležne institucije, čak ni Ureda za žalbe i državne agencije za državnu službu u korist znači onih radnika koji su prebačeni u Sarajevo-šume to je važno da znate postoji znači 5, ne postoji ni jedna presuda, ja je nisam nikad ni dobio, ni vidio. Ukoliko je imate ja bih volio da je evo vidim. Znači postoji nešto što sa čime se susrećemo već dugo godina unazad, mislim da se 5 godina vodi postupak pred Tužilaštvom za 5 čuvara šuma koji su napravili ogromnu štetu kada je šuma u pitanju. Nikad im niko nije sudio za to. Oni dugo godina u Ministarstvu privrede nisu dolaze na posao, bili su na disciplinskom postupku a uredno su primali platu. Znači čuvarska služba ne može biti dio državne službe, ne može biti dio Ministarstva jer onaj ko rukovodi time nije mogao adekvatno nikad upravljati tim i naravno da ćemo propisati u Zakonu mjere zaštite šume, na način da onaj ko gospodari šumama treba da namiri svu nastalu štetu u šumi, kao što ima i prihod od same šume. Podržavam sve ukoliko bilo ko ima, naravno, bilo kakav prijedlog, ovaj amandman je došao kao zaključak Skupštini, a nakon što su određeni zastupnici podnijeli inicijativu i evo i ako smo došli do ove situacije da SDA hvali mene kao ministra tzn. da sam ja uvijek bio spreman da prihvatim svaku inicijativu bilo kojeg zastupnika iz ove Skupštine ukoliko je ona konkretna i koliko će doprinijeti posebno zaštititi šume i unapređenju zdravlja šume. To je puno važniji mi smo pokrenuli revolucionarne stvari kada je zaštita šume u pitanju i ja vam mogu dostaviti pismeno kada je taj dio u pitanju što smo sve poduzeli. Akcija pošumljavanja nikad nije bila masovnija, nikad nije bila veća i nikad se više za 2 godine nije posadilo šume u Kantonu Sarajevo, ja to odgovorno tvrdim i zato imam dokaze, ne pričam znači paušalno i evo žao mi je što onaj na neki način nismo dobili i nemamo papir za ovo sve što gospodin Mahir Dević govori, ali mi je drago da je konačno priznao da smo uradili sve što je dobro i sve što je u korist zaštite šume.

**Elvedin Okerić (Predsjedavajući)**

Zahvaljujemo se ministru Deliću. Zastupnik Mahir Dević.

**Mahir Dević (poslanik/zastupnik)**

Evo ja ću.

**Elvedin Okerić (Predsjedavajući)**

Zastupnica Marijela Hašimbegović se javila za riječ. Izvolite.

**Marijela Hašimbegović (poslanik/zastupnik)**

Zahvaljujem predsjedavajući, ja bih samo kratko sugerisala ministru Deliću da se razmotri činjenica da su kazne i kaznene odredbe po pitanju nelegalne sječe šume da su jako male. Dakle u tom dijelu trebate trebate jako puno poraditi, nema gotovo ni jedne rampe, koliko ja imam informacije, dakle u državnim šumama. Vi morate poraditi na činjenici da morate imati fizičke barijere uopšte pristupa šumama i također svojim uvaženim kolegama zastupnicima i svima vama želim reći da sam ja danas za ovu sjednicu postavila vama pitanje, koje ćete dobiti u pisanoj formi. Dakle postoji dio koji je definisan Zakonom o šumama koji se definiše dakle biološke reprodukcije šuma minimuma koji je određen koje Sarajevo-šume su obavezno uradite. Dakle u tom dijelu ćete se pismeno očitovati i kolege će imati priliku da izvrše uvid te informacije. Također moje je bilo pitanje koliko je bilo biološko uzgojnih dakle radova pošumljavanja od strane Sarajevo-šuma i ovo što ste vi nazvali dakle volonterska akcija pošumljavanja? Po meni to ne može biti isto, znate jer

postoji postoji dio koji vas obavezuje zakon, ali u tom dijelu ću svakako zamoliti u pisanoj formi jer to sam dostavila kao zastupničko pitanje. Hvala lijepo.

**Elvedin Okerić (Predsjedavajući)**

Zahvaljujemo se zastupnici Hašimbegović. Zastupnik Haris Zahiragić se javio riječ.

**Haris Zahiragić (poslanik/zastupnik)**

Hvala predsjedavajući. Dakle nisam imao namjernu da se javim za riječ dok kolega Delić nije kazao da mu je drago da konačno SDA priznala da on sve što je dobro podržava i tako dalje. Ja cijenim svog kolegu Mahira Devića, on je šef Kluba SDA i naravno da njegova pohvala u određenom segmentu jeste, može se shvatiti u nekom širem smislu kao i pohvala Kluba SDA, je li, ali isključivo kada se radi Zakonu o šumama. Zašto to govorim? Zato što je kolega Dević i drago mi je da je kolega Delić priznao, ja to gledam iz prvog plana sve vrijeme Delićevog mandata. Kolega Dević se angažira na dnevnoj osnovi ako treba da budem do kraja korektan, na sedmičnom osnovni u komunikaciji s kolegom Delićem da bi mu dao savjete koje kolega Delić vrlo rado prihvata, zato što gospodin Dević, ne ono što su mu pokušavale pojedine kolege iz klupa predstaviti ovdje u kontekstu Sarajevo- šuma, nego je on jedan odgovoran čovjek koji vodi računa u svojoj lokalnoj zajednici tj. u Ilijašu iz kojeg on dolazi, a u kojem se nalazi veliki broj šumskog fonda. Drago mi je da ta pozitivna sinergija između gospodina Devića i Delića postoji, ja se slažem da u određenom segmentima ministar Delić zaista prihvatao sugestije i kritike iz opozicije, ali ja moram da radi istine, radi javnosti reći da u velikom broju stvari kolega Delić nije imao baš razumijevanja za naše inicijative, nije baš blagonaklono gledao na kritike, neće izdvajam pojedinačne slučajeve kojima se to dešavalo...e

**Elvedin Okerić (Predsjedavajući)**

Možete se samo vratiti na tačku dnevnog reda?

**Haris Zahiragić (poslanik/zastupnik)**

Pa upravo je tačka dnevnog reda Zakon o šumama i kontekst komentara i diskusije ministra Delića.

**Elvedin Okerić (Predsjedavajući)**

Previše falite ministra Delića i odnos.

**Haris Zahiragić (poslanik/zastupnik)**

Pa sad ću ja da ga kritikujem, saću ja vama reći, dakle ovo se može personalizirati, ovo se može personalizirati hoću da kažem, da ispravim krivi navod da SDA nije zadovoljna radom ministra Delića nego je Mahir Dević kao neki svojevrsni mentor u oblasti šumarstva kolegi Deliću zadovoljan njegovim radom. Mi ćemo podržati, mi držimo ovdje većinu i mi ćemo podržati ovaj zakon zato što kolega Dević insistirao da mi to uradimo. Mi poštujemo svog šefa kluba. O radu Ministarstva privrede, o inicijativama našim, prije svega mojim, i komentarima i reakcijama gospodina Delića, ja mislim da mi ne možemo biti zadovoljni, pa ja na takav način bih želio zapravo demantovati, ispraviti taj krivi navod. I ono što vrlo bitno trenutno u Sali bez SDA koji ima 7 zastupnika, nema ruku. I da pokažemo mi kako se može raditi u interesu građana i kako će SDA usvojiti Zakon u skraćenom postupku i nekako vrlo čudno da danas inicijative prolaze jednoglasno. Možda nije ni loše da su pojedini otišli na više nivoe vlasti barem radi efikasnosti rada Skupštine Kantona Sarajevo. Hvala vam.



**Elvedin Okerić (Predsjedavajući)**

I Vi ste kolega Zahiragiću na višem nivo vlasti.

Dobro. Pozivam.

Oprostite zastupnik Muamer Bandić se javio za riječ.

**Muamer Bandić (poslanik/zastupnik)**

Hvala predsjedavajući. Pa evo, kako je to naveo naš kolega Haris Zahiragić i mentorisanje ovaj Mahira Devića, ja mislim da je ministar ovaj u ovom dijelu u kojem smo tražili obrazloženje nama dovoljno obrazloženje da možemo da prihvatimo kao što sam već rekao ovaj njegovu odluku. Ono što jest bitno, ministre, u ovom dijelu koji se rekli da se Sarajevo-šume bave gospodarenjem šuma, ja se slažem s vama, u tom kontekstu sam iznio ovu diskusiju jer ovo preduzeće nije osnovano da bi pravilo profit i punilo budžet. Naprotiv to preduzeće treba da gospodari najvažnijim prirodnim resursom u skladu sa postulatima struke, stavljajući na prvo mjesto zaštitu šuma, a ne profit. Na ovaj način oduzimamo mu određena sredstva i bojim da ćemo ga dovesti u situaciju da njegovo funkcionisanje i poslovanje neće biti održivo. Iz tih razloga sam vam ovaj naveo u ovoj svojoj diskusija ovo što sam što sam imao da kažem. Zahvaljujem.

**Elvedin Okerić (Predsjedavajući)**

Zastupnik Jasmin Šaljić se javio za riječ.

**Jasmin Šaljić (poslanik/zastupnik)**

Samo sekundu da prokomentarišem. Kolega Delić je u jednom momentu rekao da gore postoji nekih 5 čuvara koji su napravili ogromnu štetu, a nisu procesuirani. Ako oni nisu procesuirani, oni nisu napravili štetu. Eto toliko znači. Ne mogu napraviti štetu ako nisu procesuirani. Hvala.

**Elvedin Okerić (Predsjedavajući)**

Zahvaljujemo se. Zaključujem raspravu s obzirom da nema više prijavljenih.

Zamolio bih zastupnice i zastupnike da pristupe izjašnjavaanju o Prijedlogu zakona o izmjenama Zakona o šumama Kantona Sarajevo.

Zaključujem glasanje. Molim službu da objavi rezultate glasanja. Za je glasalo 20 zastupnika, protiv i suzdržanih nije bilo.

Konstatujem da je Skupština donijela ovaj Zakon.

U skladu sa najavom prekidam današnju sjednicu Skupštine Kantona Sarajevo i blagovremeno će biti obaviješteni o nastavku. Zahvaljujem se. Prijatno.

**S T E N O G R A M**  
**NASTAVKA 3. RADNE SJEDNICE**  
**SKUPŠTINE KANTONA SARAJEVO**  
**ODRŽANE 18.04.2023.GODINE**

## **Elvedin Okerić (Predsjedavajući)**

Otvaram nastavak Treće sjednice Skupštine Kantona Sarajevo. Himna Bosne i Hercegovine.

Sad u skladu sa Zaključkom Skupštine koji je Skupština usvojila odajemo počast poginulim borcima Armije BiH svako na svoj način.

Odnosno pozdravljam uvažene kolegice i kolege zastupnike, članove Vlade i uvažene goste, kao i predstavnike medija koji prate rad današnje sjednice. Svima nama želim uspješan rad i ugodnu radnu atmosferu.

Prema evidenciji službe sjednici prisustvuje 30 zastupnika, što je dovoljan broj za punovažan rad i odlučivanje. Izostanak sa ove sjednice pravdale su zastupnice Sanela Klarić i zastupnica Admela Hodžić.

Podsjećam vas da smo na prethodnom zasjedanju, koje je održano 27. 1. 2023. godine, razmatrali prve tri tačke, tačku 9. dnevnog reda, te nam za nastavak preostaju sljedeće tačke:

4. Prijedlog Zakona o izmjeni Zakona o pružanju besplatne pravne pomoći-skraćeni postupak;
5. Prijedlog Zakona o izmjenama i dopuni Zakona o turizmu;
6. Prijedlog Zakona o komunalnoj policiji Kantona Sarajevo;
7. Prijedlog Zakona o uvjetima koje treba ispunjavati Kantonalna bolnica;
8. Nacrt Zakona o sportu Kantona Sarajevo;
10. Prijedlog Odluke o proglašenju temeljnih udruženja kulture naroda Bosne i Hercegovine od posebnog interesa za Kanton Sarajevo;
11. Prijedlog Odluke o davanju saglasnosti za zaključivanje Ugovora o poklonu između HOPE AND HOMES FOR CHILDREN Engleska, sa sjedištem u Sarajevu, ulica Himze Polovine br. 13 i Ministarstva za rad, socijalnu politiku, raseljena lica i izbjeglice Kantona Sarajevo, ulica Reisa Džemaludina Čauševića br. 1, kojim HOPE AND HOMES FOR CHILDREN Engleska poklanja nekretninu upisanu u Zemljišnoknjižnom uredu Općinskog suda u Sarajevu u ZK izvadku broj: 2994 K.O. SP\_HRASNICA, k.č. 2876/98 u naravi stambena zgrada površine 95 m<sup>2</sup> i dvorište 215 m<sup>2</sup> ukupne površine 310 m<sup>2</sup> , što odgovara upisu u katastarski operat PL broj: 1274 parcela broj 1942 K.O. Ilidža;
12. Prijedlog Odluke o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvoj (EBRD) za projekat „Tramvajska pruga Ilidža - Hrasnica“;
13. Prijedlog Odluke o izmjenama i dopunama Odluke o osnivanju Javne ustanove "Centar za napredne tehnologije u Sarajevu";
14. Nacrt privremene odluke o zaštiti izvorišta vode za piće "Sarajevsko polje".

Prelazimo na realizaciju tačke četiri.

AD-4.

**PRIJEDLOG ZAKONA O IZMJENI ZAKONA O PRUŽANJU BESPLATNE PRAVNE POMOĆI- SKRAĆENI POSTUPAK.**

Prijedlog ste dobili uz poziv za sjednicu. U skladu sa članom 158. Stav 2. Poslovnika Skupštine Kantona Sarajevo molim predstavnika predlagача da nam ukratko navede razloge za donošenje prijedloga zakona po skraćenom postupku.

Premijer Nihad Uk, izvolite, imate riječ.

**Nihad Uk (premijer)**

Hvala, predsjedavajući. Srdačno pozdrav vama, kolegama prisutnim, gledaocima pored malih ekrana. Želim nam danas uspješnu sjednicu. Dakle, što se tiče prve tačke dnevnog reda, dakle razlozi hitnosti donošenja ove tačke leže u činjenici i u član 158. Poslovnika Skupštine Kantona Sarajevo, koji u slučaju ne bitno složenih izmjena i obimnih izmjena može se donijeti zakon po hitnoj proceduri, faktički se mijenja jedan član, a mogu kasnije dati obrazloženje suštine izmjene. Ukoliko je potrebno evo mogu odjednom. Predsjedavajući? Skraćeni. Jel treba suštinu obrazložiti odmah sad? E, ok.

**Elvedin Okerić (Predsjedavajući)**

Zahvaljujemo se uvaženom premijeru, ima li pitanja?

Otvaram raspravu. Zaključujem raspravu.

Molim zastupnike da se izjasne da li ćemo pretres prijedloga Zakona o izmjeni Zakona o pružanju besplatne pravne pomoći provesti po skraćenom postupku.

Ne može, aha, evo može.

Zaključujem glasanje, molim službu da objavi rezultate glasanja.

Za je glasalo 26 zastupnika, protiv, suzdržan ništa.

Konstatujem da je Skupština prihvatila prijedlog da se pretres Prijedloga zakona provede po skraćenom postupku.

Molim predstavnika predlagača da podnese uvodne napomene.

**Nihad Uk (premijer)**

Hvala predsjedavajući. Dakle, Skupština Kantona Sarajevo prošle godine 4. 10. je razmatrala Zakon o plaćama i naknadama u organima vlasti Kantona Sarajeva na 55. Radnoj sjednici i gdje je utvrdila povećanje koeficijenta za rukovodioca upravnih organizacija iz dva razloga. Pod a) složenosti i obimnosti poslova koje rade rukovodioci upravnih organizacija i po b) zato što se radi gotovo o svim deficitarnim zanimanjima elektrotehničari, građevinci, arhitekta, pravnici sa pravosudnim ispitima i ekonomisti. Dakle, na 55. Radnoj sjednici je utvrđeno povećanje koeficijenta na 8,80. Paralelno sa time, Zakonom o pružanju besplatne pravne pomoći pravnim zastupnicima koji se nalazi u Zavodu uvećan je koeficijent, odnosno uvećana su njihova primanja za 20 % upravo zbog složenosti, zbog složenosti poslova koje obavljaju, uključujući i rukovodioca Zavoda za pružanje besplatne pravne pomoći. Kako se ne bi na dva načina dupliralo i vrednovalo posao direktora, rukovodioca Zavoda za pružanje besplatne pravne pomoći Vlada Kantona Sarajevo je putem resornog ministarstva odlučila da Zakonom o pružanju besplatne pravne pomoći za rukovodioca ukine ovaj benefit od 20% , a ostaje za sve ostale uposlenike koji su pravni zastupnici u Zavodu za besplatnu pravnu pomoć.

Za dodatna pitanja stojim na raspolaganju.

**Elvedin Okerić (Predsjedavajući)**

Zahvaljujem se premijeru. Da li predstavnici radnih tijela želi riječ? Ima li pitanja? Otvaram raspravu. Zaključujem raspravu.

Molim zastupnike da pristupe izjašnjavanju o Prijedlogu Zakona o izmjeni Zakona o pružanju besplatne pravne pomoći.

Zaključujem glasanje. Molim službu da objavi rezultate glasanja. Za je glasalo 24 zastupnika, protiv i suzdržani ništa.

Konstatujem da je Skupština donijela ovaj Zakon.

Prelazimo na tačku 5.

AD-5.

#### PRIJEDLOG ZAKONA O IZMJENAMA I DOPUNI ZAKONA O TURIZMU

Prijedlog ste.

Premijer Nihad Uk, izvolite, imate riječ.

#### **Nihad Uk (premijer)**

Još jednom, hvala predsjedavajući. Dakle, zbog usklađivanja stavova i dodatnih provjera koje moraju uraditi resorna ministarstva predlažem da povučemo tačku Prijedlog Zakona o izmjeni i dopuni Zakona o turizmu, tačka to je 5.

Tačka 6. Prijedlog Zakona o komunalnoj policiji Kantona Sarajevo,

Tačka 7. Prijedlog Zakona o uvjetima koje treba ispunjavati kantonalna bolnica,

Tačka 8. Prijedlog Nacrta zakona o sportu u Kantonu Sarajevo i posljednja tačka današnjeg dnevnog reda, Nacrt privremene odluke o zaštiti izvorišta vode za Sarajevsko polje.

Dakle, dodatne konsultacije su potrebne kako bi išlo ovo u zvaničnu proceduru.

#### **Elvedin Okerić (Predsjedavajući)**

U skladu sa najavama premijera i povlačenjem tačaka, prelazimo na tačku 10.

AD-10.

#### PRIJEDLOG ODLUKE O PROGLAŠENJU TEMELJNIH UDRUŽENJA KULTURE NARODA BOSNE I HERCEGOVINE OD POSEBNOG INTERESA ZA KANTON SARAJEVO

Prijedlog ste dobili uz poziv za sjednicu. Molim predstavnika Predlagača da podnesu uvodne napomene, ministar Magoda, izvolite, imate riječ.

#### **Kenan Magoda (ministar)**

Dobar dan svima. Hvala uvaženi predsjedavajući, uvaženi zastupnici i zastupnice. Vlada Kantona Sarajevo je na 41. sjednici održanoj od 12. 1. 2020. godine donijela Zaključak pod brojem 02-04-44485-36/20, kojem je prihvatila inicijativu organizacija kulture naroda BiH za pokretanje procedure i njihovog proglašenja od posebnog značaja za Kanton Sarajevo i rješavanje njihovog statusa, financiranja njihovog rada i djelovanje uvrštavanjem u Nacrt budžeta Kantona Sarajevo, a sve u cilju kako bi osigurala namjenska budžetska sredstva za njihov nesmetani rad, te je zaduženo Ministarstvo kulture i sporta Kantona Sarajevo i Ministarstvo financija Kantona Sarajevo da svako u u svom okviru i u svojoj nadležnosti pripremi potrebne akte, te uputila iste prema Vladi i Skupština Kantona Sarajevo. Udruženja koja su predložena, to su Bošnjačka zajednica kulture Preporod, Hrvatsko kulturno društvo Napredak, Srpsko prosvjetno i kulturno društvo Prosvjeta, Jevrejsko, kulturno, prosvjetno, humanitarntarno društvo La benevelencija, kao i Vijeće Kongresa bošnjačkih intelektualaca, Hrvatskog narodnog vijeća BiH, Srpsko građansko vijeće Pokret za ravnopravnost u Bosni Hercegovini. Vrlo je važna napomena da Ministarstvo kulture i sporta u dosadašnjem svom radu je finansijski podržavalo navedena udruženja kontinuirano putem javnog poziva te ćemo sada samo olakšati i uvrstiti u Budžet Kantona Sarajevo i olakšati i stabilnost i funkcionisanje navedenih institucija. Hvala.

**Elvedin Okerić (Predsjedavajući)**

Zahvaljujemo se ministru Magodi. Da li predstavnici radnih tijela žele riječ? Ima li pitanja? Otvaram raspravu. Zaključujem raspravu. Zaključio sam raspravu, žao mi je.

Molim zastupnike da pristupe izjašnjavanju o Prijedlogu odluke o proglašenju temeljnih udruženja kulture naroda Bosne i Hercegovine od posebnog interesa za Kanton Sarajevo.

Zaključujem glasanje. Molim službu da objavi rezultate glasanja. Za je glasalo 26 zastupnika, protiv i suzdržanih nije bilo. Konstatujem da je Skupština donijela ovu odluku.

Prelazimo na tačku 11.

AD-11.

PRIJEDLOG ODLUKE O DAVANJU SAGLASNOSTI ZA ZAKLJUČIVANJE UGOVORA O POKLONU IZMEĐU HOPE AND HOMES FOR CHILDREN ENGLSKA, SA SJEDIŠTEM U SARAJEVU, ULICA HIMZE POLOVINE BR. 13 I MINISTARSTVA ZA RAD, SOCIJALNU POLITIKU, RASELJENA LICA I IZBJEGLICE KANTONA SARAJEVO, ULICA REISA DŽEMALUDINA ČAUŠEVIĆA BR. 1.

Prijedlog odluke sa dobili uz poziv za sjednicu. Molim predstavnika Predlagača da podnese uvodne napomene. Ima li potrebe? Ministrica Enda Pavić-Pečenković. Izvolite, imate riječ.

**Enda Pavić-Pečenković (ministrica)**

Pozdravljam sve prisutne i naše gledatelje putem malih ekrana. Ministarstvo za rad, socijalnu politiku, raseljena lica i izbjeglice Kantona Sarajevo je u cilju transformacije unapređenja rada Kantonalne i javne ustanove Dom za djecu bez roditeljskog staranja, zajedno sa humanitarnom organizacijom Hopes and homes for children, Kantonalnom javnom ustanovom Dom za djecu bez roditeljskog staranja i Javnom ustanovom Kantonalni centar za socijalni rad potpisao više protokola o saradnji. Polazeći od Zakona o socijalnoj zaštiti, zaštititi civilnih žrtava rata i zaštititi porodice sa djecom Kantona Sarajevo, koje je propisalo da se u okviru Kantonalne javne ustanove Dom za djecu bez roditeljskog staranja mogu osnivati mali porodični domovi koji djeci pružaju cjelodnevni smještaj i brigu od strane zaposlenih u ustanovi. Hope and homes for children je u opštini Ilidža, Sokolović kolonija kupio nekretninu koja čini kuću površine 95 m<sup>2</sup> i dvorište 215 m<sup>2</sup>. Ova nekretnina je pretvorena u mali porodični dom u kojem boravi trenutno dvanaestero djece uzrasta od 6 do 15 godina, koji pohađaju osnovnu školu, sa kojim radi 8 zaposlenika.

Ova humanitarna organizacija je prestala sa radom u Bosni i Hercegovini sa početkom 2022. godine te iz tog razloga izrazila želju da ovu nekretninu u Sokolović koloniji pokloni Domu Bjelave. Međutim, kako u skladu sa Zakonom o stvarnim pravima ustanova ne može biti titular vlasništva na ovoj nekretnini te je pokrenuta procedura kako bi se omogućilo da se u zemljišnim knjigama Kanton upiše kao vlasnik. Stoga je Skupštini Kantona Sarajevo predloženo donošenje odluke kojom se daje suglasnost ministrici za rad, socijalnu politiku, raseljena lica izbjeglice Kantona Sarajevo da u ime Kantona potpiše Ugovor o poklonu kojim Hope and homes for children poklanja predmetnu nekretninu te ministrici daje da zaključi sporazum sa Kantonalnom javnom ustanovom Dom za djecu bez roditeljskog staranja o korištenju ove nekretnine. Na ovaj način će se stvoriti pravni osnov za dalje korištenje ove

nekretnine u navedenu svrhu. Prilikom pripremanja ove odluke Ministarstvo je pribavilo mišljenje Pravobranilaštva Kantona Sarajevo na tekst Ugovora o poklonu koje je dalo pozitivno mišljenje. Također u skladu sa članom 22. Zakona o porezu na promet nekretnina i porezu na naslijeđe i poklone Kanton Sarajevo, oslobođen plaćanja poreza na poklon. Ministarstvo je tražilo da se sva dugovanja koja se odnose na komunalne usluge izmire, što je učinjeno, a pribavilo je i dokument koji se odnosi na punomoć koja se daje gospođa Anisi Radenković kao direktorici predstavništva HHC-a da može potpisati Ugovor o poklonu, kao i poduzeti sve pravne radnje u vezi ovog ugovora u originalnoj verzije na engleskom jeziku i kao prijevod odobren od strane ovlaštenog sudskog tumača. Na kraju želim dati još jednu napomenu koja se tiče rada malog porodičnog doma, a to je da od 2021. godine rade tri mala porodična doma u okviru Doma Bjelave, u njima su smještene djeca uzrasta od 6 do 15 godina. Jedan je općini Centar sa kojim je zaključen sporazum na 3 godine o korištenju stana površina 83 m<sup>2</sup> i tu nam boraviš šestoro djece i sa njima radi 5 uposlenika. Drugi je općina Vogošća naselje Blagovac, to je dvospratna kuća u vlasništvu Kantona Sarajevo, koja je ovo Ministarstvo u ime Kantona dala na korištenje. U domu boravi osmoro djece. Sa njima radi 5 zaposlenika. I treći je poročni dom u predmetnoj nekretnini u Sokolović koloniji, on i dalje radi. Imajući vid da je od 88 djece u Domu Bjelave u malom porodičnom domu smješteno 26 djece, mora se konstatirati da je transformacija ove ustanove dala svoje rezultate jer djeca žive i prilagođavaju se životu u manjim društvenim zajednicama, što omogućuje produblјivanje jačih emotivnih veza za djece i njihovu međusobnu povezanost, te kroz kreiranje organizovanje života pružaju osjećaj života u porodici, što jača odgovornost kod djece. Imajući ovo u vidu, aktivnost na osnivanje malih porodičnih domova, uz aktivnu ulogu ministarstva, nastavit će se u narednom periodu. Hvala.

#### **Elvedin Okerić (Predsjedavajući)**

Zahvaljujem se uvaženoj ministrici Pavić-Pečenković. Da li predstavnici radnih tijela žele riječ? Ima li pitanja?

Otvaram raspravu. Zaključujem raspravu.

Molim zastupnike da pristupe izjašnjavanju o Prijedlogu odluke o davanju suglasnosti za zaključivanje Ugovora o poklonu između HOPE AND HOMES FOR CHILDREN Engleska, sa sjedištem u Sarajevu, ulica Himze Polovine br. 13 i Ministarstva za rad, socijalnu politiku, raseljena lica i izbjeglice Kantona Sarajevo, ulica Reisa Džemaludina Čauševića br. 1, kojim HOPE AND HOMES FOR CHILDREN Engleska poklanja nekretninu upisanu u Zemljišnoknjižnom uredu Općinskog suda u Sarajevu u ZK izvadku broj: 2994 K.O. SP\_HRASNICA, k.č. 2876/98 u naravi stambena zgrada površine 95 m<sup>2</sup> i dvorište 215 m<sup>2</sup> ukupne površine 310 m<sup>2</sup>, što odgovara upisu u katastarski operat PL broj: 1274 parcela broj 1942 K.O. Ilidža

Zamolio bih zastupnice i zastupnike da se izjasne. Zaključujem glasanje. Molim službu da objavi rezultate glasanja.

Za je glasalo 29 zastupnika, protiv, ništa suzdržanih, ništa.

Konstatujem da je Skupština donijela ovu odluku.

Prelazimo na tačku 12.

AD-12.

**PRIJEDLOG ODLUKE O PRIHVATANJU ZADUŽENJA PO UGOVORU O ZAJMU IZMEĐU BOSNE I HERCEGOVINE I EVROPSKE BANKE ZA OBNOVU I RAZVOJ (EBRD) ZA PROJEKAT „TRAMVAJSKA PRUGA ILIDŽA - HRASNICA“**

Prijedlog ste dobili uz poziv za sjednicu. Zamolio bih predstavnika predlagača da podnese uvodne napomene.

Ministar financija Emir Dedović. Izvolite, imate riječ.

**Emir Dedović (ministar)**

Hvala. Evo ja ću sve pozdraviti, poselamiti, zaželiti uspješan rad danas i evo, pred vama je ovaj materijal koji po meni je jako dobro onaj napisan i da se iz njega zaključiti sve ove komplikovane procedure koje je trebalo proći da bi se došlo u situaciju evo, da se i Skupština izjasni o ovaj novcima koji su neophodni za realizaciju jednog od najznačajnijih projekata koji je pred nama i koji se dugo zagovara u Kantonu Sarajevo. Mislim da je, evo, došlo vrijeme da možemo vrlo brzo biti spremni da krene i realizacija na terenu ovoga projekta. Što se tiče finansijskih sredstava, evo, ovo je zadnji korak koji je u nizu, ovaj povučen, da se zatvori finansijska konstrukcija ovoga projekta, da radi javnosti, evo da se zna da je to kredit EBRD-a koji je u iznosu od 25.000.000,00 EUR, izvinite koji je na 15 godina rok otplate i ovaj 3 godine grejs perioda. To su još uvijek oni krediti koji su povoljni i povoljniji od onoga što se danas može na tržištu novca i kapitala ugovoriti. Tako da, evo, mislim da i Kantonalna Skupština ima pred sobom materijal koji može podržati da krenemo u konačnu realizaciju ovoga projekta. Hvala.

**Elvedin Okerić (Predsjedavajući)**

Zahvaljujem se uvaženom ministru Dedoviću.

Zastupnik Haris Zahiragić se javio. Pretpostavljam, pitanje ili rasprava? Pitanje izvolite, imate riječ? Pitanje?

**Haris Zahiragić (poslanik/zastupnik)**

Zahvaljujem predsjedavajući, želio bih pitati ministra Dedovića koji je iznos sredstava je putem EBRD-a utrošen u projekat postojeće rekonstrukcije pruge, imajući u vidu činjenicu da mi ranije nismo nikada dobili na uvid ugovore sa izvođačem radova, a to me posebno u interesuje jer je već u ovoj oblasti veliki broj iznos sredstava i zaduženja koje je Kanton Sarajevo podigao i sada da se podiže još 50 000 000 skoro 50 000 000 maraka. Znam da je ovo za Hrasnicu, al mislim da je to jedan te isti projekat rekonstrukcije pruge koji će se nastaviti, tako da vidim koliko je novca trenutno sada u rekonstrukciji pruge, pa da vidimo dal 50 000 000 još, da uporedimo samo omjer cijena jel po kilometru pruge nove ili rekonstruisane. Mislim da je to potpuno isto. Hvala.

**Elvedin Okerić (Predsjedavajući)**

Ministre Dedoviću, jel možete ponuditi? Nema više pitanja.

Odgovor na postavljeno pitanje izvolite, imate riječ?

**Emir Dedović (ministar)**

Ma evo, ja ne mogu dati danas odgovor na to pitanje. Nisam imao ni dovoljno vremena da sve ovo što se tiče ovih ugovora koji su nam na dispoziciji i koji trenutno se nalaze u nekoj od faza realizacije, da izanaliziram i da mogu biti sa sigurnošću danas precizan sa iznosom i za ovaj projekat, ali evo, ostajem u obavezi da u pismenoj formi odgovorim ili na sljedećoj Skupštini. Hvala.

**Elvedin Okerić (Predsjedavajući)**

Zahvaljujemo se ministru Dedoviću.



S obzirom da nema više prijavljenih za pitanja, otvaram raspravu. Zastupnik Haris Zahiragić se prijavio. Izvolite, imate riječ.

**Haris Zahiragić (poslanik/zastupnik)**

Zahvaljujem se predsjedavajući. Žao mi je što ministar financija nije u mogućnosti da odgovori na pitanje koje mi u ovoj Skupštini postavljamo skoro već 3 godine, preko 2 godine zasigurno, a to je koliko je iznosa sredstava građana Kantona Sarajevo kredita utrošeno za rekonstrukciju postojeće pruge u Kantonu Sarajevo.

Sjetit ćete se rokova koji su odveć prošli? Sjetit ćete se aneksa ugovora, ionako velikih. Sjetit ćete se novih angažmana firmi koje nismo dobili priliku da vidimo ko i kako ih je angažovao, da li izvođač, da li Ministarstvo saobraćaja? Tamo su se promijenili i Kinezi i Turci, radnici iz zemalja Istočne Europe, čak i iz Azije, ali nismo osim od njih, neposredno moglo dobiti priliku uopšte da vidimo, ko ih je angažovao. Rokovi su prošli svi. Grad je raskopan, u međuvremenu Centrotrans vrši redovne linije, jel umjesto tramvaja, onda druge linije kaskaju, na neki način, ne realiziraju se do određene mjere, s obzirom da valjda treba Centrotrans pokriti i one redovne linije, i ove sve u gradu Sarajevu? Očito je to nekome u interesu. To je posebna tema, naravno. Dakle, iznos sredstava koji je podignut za rekonstrukciju pruge je historijski u Kantonu Sarajevo za neki kapitalni projekat i mi ne znamo da li je to 100 000 000 maraka, da li je 200 000 000 maraka? Zamislite vi to, nama je ministar raniji financija rekao i ministar saobraćaja da je to tajna, EBRD po svojim standardima ima pravo da zaštiti od nas ugovor. Kakva je to drskost?

I mi opet trebamo dati sada suglasnost. Prvo, prema prvoj odluci koju ste donijeli, u potpisu je premijer Edin Forto, Odluka o usvajanju kapitalnog projekta izgradnja tramvajske pruge Ilidža- Hrasnica.

Član 1. Usvaja se kapitalni projekat izgradnje tramvajske pruge Ilidža i Hrasnica, u daljnjem tekstu projekat, ukupnom 46. 000 000 maraka. Ta odluka je donesena '21.godine. Sada nova odluka iz trećeg mjeseca prošle godine, kaže, Usvaja se izmijenjenih kapitalni projekat izgradnje tramvajske pruge Ilidža-Hrasnica u iznosu od 57,2, milijuna konvertibilnih maraka. Dakle preko 11 000 000 više. Poskupili materijali, vjerojatno ta priča koju slušamo odveć dugo. Ili treba platiti možda izvođaču ono što niste stigli platiti na ovoj ovdje prvoj trasi, pa onda kasnije tek preko nečeg drugog kompenzirati izgradnju nove pruge? Poznato je da je izvođač čistio korita rijeka u Kantonu Sarajevu. Dakle izvođač radova na izgradnji pruge i čistio korita rijeka za ogromni iznos sredstava. A nisu ta korita očišćena, nego vjerojatno preko toga teško utvrditi tu kompenzaciju koja je za nešto drugo plaćana. To je 1. Projekat koji je otvoren, koji nažalost, nije završen, ne vidi mu se uopšte skori završetak. Vidio sam da je tadašnji zastupnik u Skupštini, sada ministar vanjskih poslova, vozio se tramvajem kada je pušten tih 100 m, TVSA uživo prenosio kako se vozimo 100 m tramvajem, kao da je 96.

**Elvedin Okerić (Predsjedavajući)**

Kolega Zahiragiću možete li se molim vas držati teme?

**Haris Zahiragić (poslanik/zastupnik)**

Možete li vi meni reći šta je problem, molim vas predsjedavajući? Vi opet želite da mi uđemo u neku diskusiju? Tema dnevnog reda je rekonstrukcija pruge.

**Elvedin Okerić (Predsjedavajući)**

Nema potrebe, ali vas, ponovo upozoravam da se držite tačke?

**Haris Zahiragić (poslanik/zastupnik)**

Šta ja molim vas mimo tačke dnevnog reda?

**Elvedin Okerić (Predsjedavajući)**

Dobro, evo, ja sam vas upozorio.

**Haris Zahiragić (poslanik/zastupnik)**

A možete mi reći šta je mimo tačke dnevnog reda?

**Elvedin Okerić (Predsjedavajući)**

Evo ja sam vas upozorio pa.

**Elvedin Okerić (Predsjedavajući)**

Izvolite nastaviti, imate vrijeme.

**Haris Zahiragić (poslanik/zastupnik)**

Samo u buduće, molim vas kada me upozorite, recite šta tačno je mimo točke dnevnog reda, da bih znao kako da usmjerim diskusiju. Ta, dakle, pruga, nažalost, nije rekonstruisana. I ono što je najstrašnije od svega, a mi ne znamo koliko sredstava je utrošeno. Insistiram od ministra finansija, od Vlade Kantona Sarajevo da taj proces učine transparentniji. Mi moramo znati koliko je maraka, a ne milijuna maraka, pazite utrošeno, koja firma ga je dobila, ko je radio, ko je angažovao izvođače, ko podizvođače, koje podizvođače? To je novac građana Kantona Sarajevo koji ćemo u narednih 20 godina vraćati. Ovaj kredit od 57 miliona, također je dugoročni kredit. Evo, hajmo reći srednjoročni u kontekstu vanjskog zaduživanja. Ja znam da će netko reći historijski i sigurno, slažem se da treba pruga Ilidža- Hrasnica. Mislim da je to potpuno opravdan projekat, ali treba. Dakle, imalo smo mi novaca, novaca u Budžetu Kantona Sarajeva milijardu i 400 000 000. Mogli smo planirati iz toga. Zašto zaduženje? Rast za plate administraciju u Kantonu Sarajevo je u ovoj godini veći u iznosu, za novouposlene, ne povećanje plata, dakle veći je broj novouposlenih u posljednje 2 godine nego što iznos ovog kredita. Rast za nabavku kancelarijskog materijala, sitnog inventara i usluga je veći nego iznos ovog kredita. Zašto nismo našli novac u Budžetu za ovaj projekat?

Vjerovatno treba kupovati podršku stranih finansijskih institucija za najbolju Vladu Kantona Sarajevo ikad i za Republiku Sarajevo. Prenijeli smo 200 000 000 maraka iz prošle godine neutrošenih u ovu godinu i dižemo kredit? Platili smo ove godine 20 000 000 kamata na kredite, dižemo nove kredite. Plaćamo svake godine penala na nepovučene kredite, šta radimo, ponovno dižemo kredite.

Dakle, da me neko ne bi pogrešno shvatio, apsolutno podržavam izgradnju pruge Ilidža-Hrasnica, međutim apsolutno ne mogu da podržim dodatno zaduživanje Kantona Sarajevo iako ovo jest posljednja odluka u nizu odluka koje su donesene na ovom tragu, Federalni parlament jest dao suglasnost, ja ni tamo kao član Doma naroda nisam iz principijelnih razloga glasao za ovakvu vrstu zaduženja, niti ću glasati u Skupštini Kantona Sarajevo i apelujem i pozivam ministar ja znam da nije imao priliku, da je ovo projekat koji je njega dočekaao je obećao prilikom imenovanja da nećemo imati situaciju da na kredit radimo svaku vrstu projekta. Tako da molim vas da u budućnost kroz budžet kapitalne projekte ovakve vrste implementiramo. Želim da vjerujem da će ova pruga biti gotova u bržem roku nego što je rekonstrukcija pruge u Sarajevu, s obzirom da zaista ovaj projekat na neki način jeste, nije ni to nešto ogromni projekat, iako su sad će reći vjerovatno kolega, neki iz pozicije vi ste najavljalivali prugu. Ja nisam najavljalivao ništa. Sigurno je, to je potreban projekat. Mislim da je bruka što se nije uradio ovoliko godine, ali to ne amnestira od činjenice da 60 000 000 dižemo kredita na kredit u Kantonu Sarajevo. Hvala.

**Elvedin Okerić (Predsjedavajući)**

Zahvaljujem se zastupniku Zahiragiću. Zastupnik Samir Avdić se javio za riječ.

**Samir Avdić (poslanik/zastupnik)**

Zahvaljujem predsjedavajući. Najprije pozdravljam ovdje prisutne i ljude koji prate naš rad putem medija. Meni je nekako vrlo jasno, baš razumijem i diskusiju ovaj kolege koji je prethodno diskutovao u vezi sa, ja ću reći, izgradnjom čak, a ne rekonstrukcijom ovaj pruge koja se dešavala u prethodne 2 godine, s obzirom na stav i medijske istupe u vezi sa tom rekonstrukcijom, a ja ću opet reći izgradnjom bukvalno. Jasno mi je da i danas postoje ljudi kojima ovaj nije baš drago ono što je rezultat tih radova dosadašnjih i ono što će biti rezultat radova koji trenutno su u toku. Miješanje ovih nekih tema ko vozi trenutno na linijama koje mijenjaju tramvaje koji trenutno ne rade na ovoj trasi je jedna sasvim druga tema i ja bih volio da nekada otvorimo, ali nekada kada je tačka dnevnog reda sa vrlo jasnim nazivom koji ste pročitali na početku i koja je u vezi sa projektom koji je potpuno odvojen kao projekat u svakom smislu, od projekta rekonstrukcije pruge koji je u toku. Ja bih molio da se vratimo toj tački i da glasamo. Oni koji eventualno nisu za zaduženje imaju pravo da glasaju na način da ne podrže to zaduženje, ali kada smo već kod zaduženja, i ja ću uzeti sebi za pravo da malo odem sa teme, kao što je to uradio i prethodni kolega, pa ću reći da isto tako za kapitalne projekte poput izgradnje autoceste, autoputa, odnosno koridora ovaj koji je trenutno u izgradnji se Federalna Vlada kreditno zadužuje, to je inače praksa, iako ista ta Federalna Vlada, odnosno njen budžet, završio u suficitu o kojem smo već razgovarali kada smo usvajali ovaj naš budžet. Znači, ukoliko kritikujemo generalno zaduživanje, kada imamo neki suficit, onda trebamo po istim aršinima ovaj se referirati za federalni nivo, a kolega je i gore u Domu naroda, a nisam ga čuo da je na taj način komentarisao zaduživanja na federalnom nivou? Ja bih volio da naravno, kolege imaju pravo da diskutuju, ali tema je zaduženje za sasvim jedan novi projekata, a to je projekat pruge. Da, to je historijski projekat pruge Ilidža- Butmir-Sokolović Kolonija- Hrasnica, koji mi stanovnici Ilidže čekamo, čekamo neki četrdesetak godina. I volio bih s obzirom da se radi ipak o historijskom projektu, da tu zaboravimo ovo politiziranje i te neke sitne političke poene, aludiranja različita, već da zajedno učestvujemo u nečemu što će biti dobro za desetine hiljada ljudi koji žive u tim naseljima, mislim na Butmir, Sokolović koloniju i Hrasnicu. Hvala.

**Elvedin Okerić (Predsjedavajući)**

Zahvaljujemo se zastupniku Samiru Avdiću. Jel poslovnička? Nije. Jest. Poslovnička intervencija zastupnik Mahir Dević.

**Mahir Dević (poslanik/zastupnik)**

Klub SDA pauza 15 minuta.

E sada, ne znam hoćete li pustiti da završi, da se završi ova tačka, možda diskusije, pa da nam date pauzu? Kako hoćete?

**Elvedin Okerić (Predsjedavajući)**

Jel želite pauzu prije glasanja?

**Mahir Dević (poslanik/zastupnik)**

Da.

**Elvedin Okerić (Predsjedavajući)**

Dobro, onda idemo nakon iscrpljenih diskusija, pa onda pauza. Replika, zastupnik Haris Zahiragić.

**Haris Zahiragić (poslanik/zastupnik)**

Kolega Samir Avdić, kao i ranijih par puta kao profesor u školi kada pita učenika jedno pitanje on odgovara potpuno drugo. Apsolutno mene ne zanima Vlada Federacije ni federalni budžet u ovom kontekstu. Nemojte svaki put kada govorimo o Budžetu Kantona Sarajevo, zaduženjima Kantona Sarajevo pokušavati prebacivati na bilo koji drugi mimo vlasti, nas to apsolutno u Skupštini Kantona Sarajevo ne treba i ne zanima, u suštini.

Ovaj pokušaj prebacivanja da mi nismo za eventualno da politiziramo historijski projekat itd apsolutno ne, mi smo ga potpuno podržali i nije neki posebno historijski, osim za građane Hrasnice. Za mene nije historijski, jest za građane Hrasnice i kao takvog da treba podržati svakako. To, dakle, uopšte nije sporno. Međutim zaduženje koje je raslo 10 000 000 za godinu dana, 11, bez nikakvog obrazloženja je u najmanju ruku sumnjivo. A zaduženje kada imamo suficit 200 000 000 je u najmanju ruku nepotrebno ili bespotrebno. Imali smo novce iz Budžeta Kantona Sarajevo da realiziramo ovaj projekat bez da smo morali se zaduživati kod EBRD-a 50 000 000, a u projektu piše da je preko 60 000 000. Ne znam gdje ćete naći tu razliku, no to je posebna tema. Hvala.

**Elvedin Okerić (Predsjedavajući)**

Replika, zastupnik Samir Avdić.

**Samir Avdić (poslanik/zastupnik)**

Evo, ja ću zaista kratko replicirati jer moram reći da projekat jeste istorijski, ne samo za naselje Hrasnica, već i za naselje Sokolović kolonija, naselje Butmir i naselje centar Ilidže. Mi ćemo, evo, danas je povučena točka dnevnog reda, ali ćemo sigurno u nekom, možda već narednoj sjednici diskutovati o Nacrtu odluke o sanitarnim zonama gdje ćemo, oni koji su čitali materijale saznali su da čak 80 % znači ovaj vode za ovaj Kanton se crpi sa Ilidže, pa znači, ukoliko ćemo Ilidžu promatrati kao opštinu koju ćemo samo crpiti, a ne u koju ćemo ulagati, jer ja ne mogu da shvatim da netko u Kantonu može reći jeste, za Hrasničane istorijski, nije za mene. Za mene istorijski, nešto što se dešava u Starom Gradu, u Centru, bilo kojoj općini, tako bih volio i kolege, volio bih kada bi svaku opštinu jednako gledali. Ali evo da dođemo da konačno završimo sa temom sumnjivosti nekih ugovora. Mi smo mogli saznati i od predstavnika banke, od koje je kredit, sa kojom je kredit dogovoren, kao i od ministra, da postoje samo određeni detalji unutar tih ugovora, što je praksa poznata u cijelom svijetu kada su takvi krediti u pitanju, i ti detalji ne mogu biti dostupni javnosti. Ja bih molio ministra financija da nam evo za neku od narednih sjednica pripremi u pisanoj formi jednu informaciju u vezi s tim. Znači da na osnovu kojih zakona, odnosno koje prakse su određeni detalji zabranjeni, odnosno nisu dostupni javnost, za razliku od detalja drugih koji jesu. Tako da tu završimo konačno sa aludiranjem, da netko tu nešto radi ispod stola, da netko tu krije neke detalje ugovora, da bi na osnovu, da bi, ne znam, radio nešto što je ustvari prema tim optužbama, naravno, krivično djelo. Znači evo da nam se to pripremi za jednu narednih sjednica i onda će vjerovatno biti i kolega zadovoljan, a i ja i javnost. Hvala.

**Elvedin Okerić (Predsjedavajući)**

Replika druga zastupnik Haris Zahiragić.

**Haris Zahiragić (poslanik/zastupnik)**

Zahvaljujem predsjedavajući. Imam replicirati na nekoliko navoda kolege Avdića. On kaže da je svugdje na svijetu normalno da su neki podaci ugovora tajni u utrošku javnih kreditnih sredstava. To u Džibutiju nije tajno. Ne postoji mjesto na svijetu u kojem novac građana i njegov utrošak može biti tajno. Da postoji neko reče, Srbija. Postoji kad Vučić uzme kofer

para pa nabavlja. A mi, hvala Bogu smo demokratija u kojoj bi, naravno, u Kantonu Sarajevu, posebno u Kantonu Sarajevo, kojem je transparentnost nešto što se stavlja u prvi plan, mi bismo morali svaku vrstu takvog ugovora transparentno obezbijediti na uvid javnost, osim ukoliko u netko nešto krije.

Kažete, postoje zakoni i praksa. Trebate reći koji zakoni, koja praksa. Ne postoji, ni zakon, niti praksa koja omogućava, to je nego eventualno neki poslovnici EBRD-a i neki njihovi interni propisi koji nas apsolutno ni na koji način ne trebaju zanimati, nego zakoni ove države koji propisuju da se ovakve vrste ugovora i nabavki transparentne i javne. Vi ste rekli da je historijski projekat, ponovno i insistirate. Ja kažem odličan projekat, potreban projekat Kantonu Sarajevo, historijski za građane, evo da budem do kraja širok, Ilidže, jel tako? Evo historijski u tom smislu, svakako da se slažem. I ne trebamo davati sad neki sad veći značaj nego što on ima? Ja bih volio na primjer da je to najmanji projekat sljedeće godine u Kantonu Sarajevo, da radimo puno veće. A u našim uslovima nemanja projekata, a to jeste možda i poprilično veliki projekat. Međutim ovo što ste rekli da na tragu zaduženja, na tragu činjenice da 80 % vodozašne, vi zovete sanitarne, ja je zovem vodozaštitna zona na području Opštine Ilidža da bi zbog toga tramvaj trebao biti dobar je ukoliko ćete glasati protiv Nacrta odluke o vodozaštinim zonama, onda je potpuno opravdan. Ja vam čestitam. Ako ste vi spremni glasati za takav nacrt, a vamo govoriti da je potrebno tramvaj staviti, a da stavljamo septičke jame i da gradimo zgrade i benzinske pumpe u toj vodozaštitnoj zoni, to je već perverzno. Tako da želim da vjerujem da ćete biti konzistentni u zaštiti vodozaštitnih zona i tako da osim tramvaja ćemo ostati insistirati da vodozaštitne zone ne ostanu, nego čak budu postroženiji kriteriji kada je u pitanju izgradnja infrastrukture ili bilo čega u prostoru vodozaštitne zone koja jeste historijska i koja je historijski važna za građane Kantona Sarajevo jer mi svi tu pijemo, pijemo vodu. Hvala.

### **Elvedin Okerić (Predsjedavajući)**

Replika zastupnik Samir Avdić. Pretpostavljam replicirate zastupniku Zahiragiću.

### **Samir Avdić (poslanik/zastupnik)**

Ovo je mogla je biti ispravka krivog navoda pošto je kolega naveo da ne postoji zemlja u kojoj je potrošnja javnog novca sakrivena itd. Ovaj i neko je spomenuo Srbija, neko je spomenuo i Amerika. Ovaj, naravno, Amerika, kao druga najzaduženija zemlja na svijetu, naravno da ima istu vrstu ugovora u kojoj neki detalji nisu dostupni javnosti. Ja sam zato i zamolio ministra da nam pripremi tu informaciju za, evo za sljedeću sjednicu i da, nakon te informacije će vjerovatno mladom kolegi biti jasnije o kakvoj se to vrsti ugovora radi i da to nije praksa koja je samo za zemlje poput Bosne i Hercegovine ili koju je on zemlju spomenuo još, nego i za razvijene zemlje razvijene zapadne zemlje. Kada sam spomenuo sanitarne zone ili vodozaštitne zone, spomenuo sam ih u kontekstu da već desetinama godina se koristi nešto što je resurs koji se nalazi na Opštini Ilidža i neka se koristi jer trebamo promatrati Kanton Sarajevo kao jedan zajednički kanton, a ne svaka opština sama za sebe. I u tom kontekstu možemo promatrati i ovaj projekat kao projekat kojim se jedan dio novca, jednim dijelom novca, jednim projektom vraća građanima Ilidže ovaj, između ostalog, i to što se upravo sa njihovog područja na taj način vodosnadbijeva cijeli Kanton Sarajevo. Da li ću glasati za ili protiv odluke koja bude koja se bude ticala tih zona, to ćemo saznati na nekoj narednih sjednica, također nije tema ove sjednice, ali drago mi je da je kolega to spomenuo i već na neki način prejudicirao na koji način će se on odnositi prema toj odluci. Imat ćemo vremena da raspravljamo o njoj i nadam se da će imati argumente i za ovaj ovaj momenat, ali i za momenat u prethodnih tridesetak, odnosno prethodni period od rata na ovamo, kada stranka kojoj on pripada nije po tom pitanju ništa uradila da zaštiti zone u kojima on spominje da

ćemo praviti septičke jame, kao da nikad nije bio na tom teritoriju, jer je taj teritorij pun u ovom trenutku septičkih jama i deponija.

**Elvedin Okerić (Predsjedavajući)**

Ispravno je krivog navoda zastupnik Haris Zahiragić.

**Haris Zahiragić (poslanik/zastupnik)**

Kolega Samir je kazao da stranka iz koje ja dolazim nije ništa uradila. Stranka ne može uraditi, kadrovi stranke su mogli ili nisu mogli raditi, a to su naravno vaš, između ostalog vaš današnji načelnik, Muzur, koji je šef kluba vijećnika SDA-a bio, i čitava struktura vlasti na Ilidži su ljudi koji su bili u ime SDA u značajnom dijelu svojih života i karijera. Tako da, molim vas, nemojte mene optuživati šta su vaši koalicioni partneri radili na Ilidži. Hvala vam.

**Elvedin Okerić (Predsjedavajući)**

Ispravka krivog navoda zastupnik Samir Avdić.

**Samir Avdić (poslanik/zastupnik)**

Načelnik opštine Ilidža sa koje ja dolazim, moj prijatelj Nermin Muzur, 87 kada je usvojena ova odluka je bio beba, a 95, odnosno nakon Daytona, od kada su trebale dvije entitetske Vlade donijeti odluku koja će zaštititi na bolji način to područje u smislu koji spominjemo, on je bio dječak od nekih sedam, osam godina i sigurno nije bio kadar SDA, koja je tada i od tada bila većinu ovih godina na vlasti.

**Elvedin Okerić (Predsjedavajući)**

Zastupnik Muamer Bandić ili replika ili. Zastupnik Muamer Bandić, replika. Izvolite, imate, riječ.

**Muamer Bandić (poslanik/zastupnik)**

Hvala. Selamim i pozdravljam sve prisutne, kao i one koji nas prati putem malih ekrana. Dakle, tačka dnevnog reda jest utvrđivanje Prijedloga odluke o prihvatanju zaduženja po Ugovoru o zajmu između Bosne i Hercegovine i Europske banke za obnovu i razvoj EBRD za projekat tramvajske pruge Ilidža-Hrasnica. A mi smo, gospodin Zahiragić je, dakle, kroz diskusiju obuhvatio jednu prethodnu tačku koja se je desila vjerojatno na nekim prethodnim skupštinama, sjednicama Skupštine Kantona Sarajevo, koja se odnosi za konstrukciju tramvajske pruge. Tako da nije bilo to možda ni evo da kažemo ni pitanje ni diskusija ministru financija koji u tom mandatu nije bio, evo da kažem, na poziciji ministra. I jedan od prigovora koji se stavlja u njegovoj diskusiji jeste to da su određeni podaci iz određenog dokumenta bili zabranjeni, odnosno nisu bili dostupni zakupnicima u Skupštini Kantona Sarajevo.

Diskusija se, dakle, odnosi na sljedeće: Prije svega mislim da ti podaci se ne odnose na zaključivanje ugovora između ministarstva, odnosno Vlade i EBRD-a. Mislim da se ti podaci odnosi na izvođača radova i ministarstva, i da ti podaci se mogu zaštititi dakle pod uslovima, ukoliko je Skupština dala ovlaštenje Ministarstvu u nacrtu tog ugovora. Dakle, postoje određene situacije kada ti podaci mogu biti zaštićeni, ali samo u izuzetnim situacijama i onda kada je Skupština, kao najviši zakonodavni organ dala te ovlasti. Ukoliko je Skupština dala te ovlasti, dakle, zaista su ti podaci mogli biti zaštićeni, ukoliko nije, onda se postavlja pitanje da li oni mogu biti, da li oni mogu biti ovaj pod tim institutom koji mi nazivamo zaštićeni i biti stvarno zaštićeni. I u ovom samom, dakle, u ovoj odluci koja je na današnjoj sjednici, dakle, postoji nacrt, nacrt ovih ugovora dole koji su nama u dati u prilogu, tako da, evo, možda ovo nije bila diskusija za ministra, ministra financija, jer on nije u tom periodu bio ministar i nemam razloga da ga branim, ali evo, čisto zbog javnosti, samo da skrenemo pažnju. Dakle,

da i određeni podaci za koje Skupština da ovlasti da budu zaštićeni, oni mogu biti zaštićeni. Zahvaljujem se.

**Elvedin Okerić (Predsjedavajući)**

Zahvaljujem se zastupniku Bandiću. Replika, zastupnik Zahiragić.

**Haris Zahiragić (poslanik/zastupnik)**

Hvala kolega Bandiću. Dakle rekonstrukcija u kontekstu prošle pruge, a u vezi ove točke jeste veza da je kreditno zaduženje, dakle i rekonstrukcija pruge, a i nova pruga je kreditno zaduženje ministarstva saobraćaja. Govorio sam o realizaciji jednog zaduženja koje se nije realiziralo i povlačenje drugog, koji, ako bude ovom se praksom i tempom radilo se, neće još dugo realizirati.

Slažem se, gospodin Dedović nije bio na poziciji i nema on veze sa tim zaduživanjem, ali ima obavezu i on, kao i raniji ministri, i nadam se da će on konačno nas obavijestiti o tome, posebno imajući u vidu činjenicu da Skupština Kantona Sarajevo nije ovlastila ministarstvo da kriju ugovor, i da ikakvu vrstu podataka napravi tajnim i nisu to neki podaci, kao što već kroz par diskusija se moglo čuti, to su svi podaci. Ne znam uopšte koliko je aneksa ugovara potpisano. I u konačnici ono što je najstrašniji, ne znam koliko je sredstava ugovoreno i koliko je utrošeno za rekonstrukciju pruge. Hvala.

**Elvedin Okerić (Predsjedavajući)**

Na zahtjev šefa kluba SDA pauza od 10 minuta.

NASTAVAK NAKON PAUZE

**Elvedin Okerić (Predsjedavajući)**

Nastavljamo sa sjednicom Skupštine Kantona Sarajevo nakon pauze koju je tražio šef Kluba SDA-a.

Naredni prijavljeni zastupnik je Faruk Kapidžić. Izvolite, imate riječ. Imamo repliku, samo malo. Replika zastupnik Davor Čičić. Izvolite, imate riječ. Kome replicirate?

**Davor Čičić (poslanik/zastupnik)**

Kolegi Zahiragiću. Zahvaljujem predsjedavajući. Pozdravljam sve prisutne. Ja bih zamolio samo i ja sam šutio kad ste vi govorili, bilo bi pošteno da čujete što imam ja reći. Znači pozdravljam sve prisutne i sve građane preko malih ekrana.

Mi ovdje raspravljamo o tačci Prijedlog odluke o prihvatanju zaduženja po Ugovoru o zajmu između Bosne i Hercegovine i Europske banke za obnovu i razvoja. Znači, da bi se znalo o čemu raspravljamo, čitava ova procedura treba se poznavati procedura zaduživanja. Znači ovo je kredit supsidijarni koji ide od države preko Federacije do Kantona i u tim pregovorima sa Europskom bankom učestvuju svi ovi nivoi vlasti. Znači učestvuju od Ministarstva financija i države, i Federacije i Kantona, tako da sav taj ugovor i način zaduživanja apsolutno transparentan i sve te institucije su upoznate u tom načinu zaduživanja. A na isti način se radi zaduživanje i za projekte u Federaciji i za projekte u državi. I nije ničim to drugačije definisano da se kanto na jedan način zadužuje, a Federacija na drugi način. Znači svi ti ugovori koji sklapa i Federacija sa EBRD-om, a kojih ima u iznosima od milijarde su na isti način znači rađeni su i pregovori, na isti način rađeno zaduživanje. Što se tiče znači sad upitao vezano za iznosima tim, može se samo evo konstatirati činjenice da isti taj sa istim tim EBRD-om je Vlada Federacije nedavno za jednu dionicu autoputa, nakon procijenjenih radova od 160 000 000 EUR-a zadužila se kod iste te finansijske institucije za 360.000.000,00 EUR zbog povećanja obima radova. Znači onda možemo i istom analogijom zaključiti, neću ulaziti

u tome, jel opravdano, nije opravdano, možda neko i to treba da obrazloži. Mi ćemo i to tražiti i pitati kako je došlo do i tog povećanja, tako da generalno sva ta zaduženja i svi ti procesi oko zaduženja sa međunarodnim kreditnim institucijama idu na isti način za sve nivoe vlasti i svi nivoi vlasti su uključeni u te pregovore, a predmet ove tačke u biti i taj znači ugovor o kreditu. Hvala.

**Elvedin Okerić (Predsjedavajući)**

Replika, zastupnik Haris Zahiragić.

**Haris Zahiragić (poslanik/zastupnik)**

Dakle, kolega Čičić je kazao kako smo mi rekli da način zaduživanja nije transparentan. O tome apsolutno nisam govorio, nego način utroška zaduženih sredstava i ugovaranje i izvršenje nisu transparentni. Tu je jedna suštinska razlika i mislim da mi prvi put razumijemo, ali evo da ponovim. Supsidijarnost po nivoima jeste, u smislu i naplate kredita u slučaju neplaćanja. Bosne i više nivo vlasti. Ne svi, nego viši nivoi vlasti, u stvari formalno morali dati suglasnost Kantonu Sarajevo, ali Kanton Sarajevo pregovara uslove i namjenu kredita zato što smo mi tražili taj kredit. Ispada ovdje da je država Bosna i Hercegovina tražila kredit za prugu Ilidža-Hrasnica, što svakako nije istina. Mi smo tražili taj kredit. A formalno, pošto Kanton Sarajevo ili kako neki vole pejorativno reći Republika Sarajevo, na moju sreću, a na nečiju, možda, žalost, nije subjekt međunarodnog prava, ne može direktno ugovarati sa EBRD-om, nego mora dobiti suglasnost države Bosne i Hercegovine. Valjda toliko znamo da se vratimo na neke temelje. I ovo što se odnosi na Vladu Federacije, Budžet Federacije apsolutno me zanima u Skupštini Kantona Sarajevo. Hvala.

**Elvedin Okerić (Predsjedavajući)**

Replika zastupnik Čičić.

**Davor Čičić (poslanik/zastupnik)**

Znači, vezano za pregovore, u čitavim tim pregovorima jeste formalno pravno Kanton krajnji dužnik i Kanton vraća, i Kanton i pregovara, ali u sve te pregovore su uključeni, kao što sam rekao, i Ministarstvo financija Bosne i Hercegovine i federalno Ministarstvo financija i sigurno ti ljudi u tim institucijama ne bi dozvolili da se nešto netransparentno u biti dogovara, niti bi, niti bi dozvolili u biti da bilo kakvi različiti uvjeti se dogovaraju između različitih nivoa vlasti. Hvala.

**Elvedin Okerić (Predsjedavajući)**

Ispravka krivog navoda.

**Haris Zahiragić (poslanik/zastupnik)**

Uz dužno poštovanje ljudima iz ministarstava financija, državnog i federalnog nivoa, imajući u vidu činjenicu da ste ta dva ministarstva dali HDZ-u, ja nemam neko posebno povjerenje u takvu vrstu njihovog prisustva tu, ali suština je sljedeća, a mi uopšte nismo osporavali ni na koji način samo sadržaj kredita, mi smo sam kredita osporavali pod a) i pod b) netransparentnost utroška kredita, a uslovi kredita su vjerojatno uobičajeni uslovi kredita koji drugi nivoi vlasti dobijaju, tu se slažem s vama kolega Čičiću.

**Elvedin Okerić (Predsjedavajući)**

Zastupniče Čičić, nemate više pravo. Miomirka Melank, replika.

Ispravka krivog navoda, zastupnik Čičić.



**Davor Čičić (poslanik/zastupnik)**

I zaista neću ulaziti, mislim ovu, ispravka netačna da smo mi dali HDZ-u. Nismo mi dali, pa vi ste bili u toj vlasti kad su oni bili isti ministri u istom, tako da ne znam šta smo dali, ako su oni bili već ministri kad ste učestvovali u toj Vladi. Ali kažem, nije ovo točka dnevnog reda ne bih na ovaj način raspravljali. Hvala.

**Elvedin Okerić (Predsjedavajući)**

Replika zastupnica Miomirka Melank, izvolite imate riječ.

**Miomirka Melank (poslanik/zastupnik)**

Zastupniku Zahiragiću repliciram da bi on mogao ponovo još jednom, koji put pošto je jedina. Prvo ću pozdraviti sve prisutne, predsjedavajuće, kolegice, medije, sve koji nas prate. Očigledno je da je svrha da se ova sjednica nekako učini što čudnijom, kako da kažem ovom jednom dijelu zastupnika u ovoj sali. Odgovaram Zahiragiću zato što je on iskoristio ovu pežorativnu sintagmu, nisam čula da je netko još koristio osim njega, a on je iskoristi svaku priliku da je pomene, Republika Sarajevo kao neku konstrukciju koja treba nekoga za nešto da optuži, potpuno besmisleno. O kvaliteti kredita Europske banke za obnovu i razvoj bespredmetno je trošiti riječi. Većinom se radi o izuzetno povoljnim uslovima jer je izgradnja prijevoza na električni pogon interes građanki i građana Bosne i Hercegovine, ali i Europske unije, pa i cijele planete, a ove kredite kritikuju neki kojima nije pružena šansa da iskoriste infrastrukturne investicije za partikularne financijske interese. EBRD krediti imaju najviši nivo kontrole implementacije utroška sredstava, nadzore opšte realizacije. Iako su prije mene već u nekoliko replika moje kolege kazali koju proceduru odobrenja je ovaj kredit prošao, a ponovo je kolega sumnjičavi naglasio da je samo površno i proceduralno ustvari umiješana u to i Vlada Federacije, da javnost ne bi ostala u nedoumici, prema Ustavu Kantona a prema zakonima, na svim drugim nivoima, u ovom kreditu odobrenje su prije Skupštine dali Vlade Federacije, i to ne samo proceduralno, oni moraju znati u šta se upuštaju kada daju suglasnost. Zatim je, kada je Vlada Federacija utvrdila nacrt, odluku o kreditnom sporazumu izglasao Predstavnički dom Parlamenta Federacije, dakle 98 zastupnika u Predstavničkom domu, a zatim i Dom naroda Parlamenta Federacije, da bi sada taj sporazum došao pred nas, i to nakon provjera svih pravnih i ekonomskih faktora koji mogu utjecati na implementaciju i kasnije vraćanje kredita. Sve su ove insinucije da je riječ o nečemu drugom u tom kreditu zaista zlonamjerne i ja ih drugačije ne vidim. Njihova je jedina uloga da uznemiruju javnost i da skreću pažnju sa stvarne dobiti koje imamo kada se konačno implementira i ovaj kredit i sve ono što je zamišljeno da se on potroši. Htjela bih naglasiti da i da se ova sredstva odnose na proširenje. Samo da kažem da dvosmjerna tramvajska pruga od Ilidže do Hrasnice, da se radi i okretalji priključku na postojeću tramvajsku prugu i skretanje u Hrasnici i da se radi o 13 km, zamalo 13 km pruge. Hvala.

**Elvedin Okerić (Predsjedavajući)**

Replika, zastupnik Haris Zahiragić.

**Haris Zahiragić (poslanik/zastupnik)**

Moja uvažena kolegica Miomirka često govori da neko ili nešto uznemirava javnost. Sada, ovaj put sam ja taj koji je optužen da uznemirava javnost. Vjerojatno biste me željeli utišati. Ovo kolegice Melank uopšte nije tema o kojoj vi pokušavate reći, ja nikoga ne uznemiravam, nego ja plediram i upozoravam građane Kantona Sarajevo da Vlada Kantona Sarajevo i skupštinska većina zadužuju njih, njihovu djecu, njihove unuke za preko 60 000 000 maraka

novih kredita. Niko ne spori procedure kojima je kredit se dobio. Ta supsidijarnost il to što ste vi sada rekli vi i kolega Čičić ste skupa rekli jednu istinu. U suštini, manje je bitan Federalni parlament, čak je Predsjedništvo Bosne i Hercegovine dalo suglasnost na ovaj kredit, da vam pomognem, koji smo mi tražili.

To što praksa u BiH da niži ni moj vlasti kada zatraže i realiziraju kredite viši nivo i daju suglasnost jer niži garantiraju tu isplatu, to je posebna tema.

Ali ovo je naš kredit, ma koliko saglasnosti na njega dobili. Mi ga tražili, evo mi ga danas dajemo saglasnost na njega i mi ga ugovaramo.

Opet, nije ni sporan sam sadržaj, ni kamatna stopa, ni procedura dobivanja kredita, sporno je što imamo 200 000 000 suficita a diže mu kredit. Ovaj je projekat se mogao realizirati iz Budžeta Kantona Sarajevo, gospođo Melank i to je u suštini poenta bila moje diskusije. Nadam se da vas ovaj put nisam uznemirio kao ni javnost. I da, umalo da zaboravim. Republika Sarajevo je sintagma koju su članovi rukovodstva vaše stranke etablirali kada su rekla da će oni napraviti Republiku Sarajevo, oazu transparentnosti i sve ono što su obećavali, a nažalost, na moju žalost, a vjerojatno na vašu još više, nisu ni pokušali uspjeti. Hvala vam.

### **Elvedin Okerić (Predsjedavajući)**

Zastupnik Faruk Kapidžić se javio za riječ. Izvolite.

### **Faruk Kapidžić (poslanik/zastupnik)**

Ne znam jeste li prekontrolisali ima li još koja replika ili da sačekam ili nema jel? Dobro. Zamolio bi ljude da u pošto je ova Skupština ovo je parlament jel gdje se parlata, a ne čita, nije čitaonica, pa bih zamolio kolegice iz Naše stranke da ubuduće malo razgovaraju, a ne čitaju napisano. Vezano za ovaj kredit razvila se tu diskusija, međutim ovo je zapravo potpuno jedno drugo pitanje. Dakle, historijski za građane Hrasnice nije ova pruga, za građane Hrasnice će biti historijski projekat kad im legalizirate kuće, a ne da im napravite prugu, zato što u razgovoru sa njima pruga njima ne znači toliko zato što su im kuće nelegalne, i to treba legalizovati. A vezano za isplativost projekta za Hrasnicu mogu da kažem da je to jedan projekat pruge koji bi se u Kantonu Sarajevo od kompletnih 30 km nove pruge zadnji uradio, to je, što se tiče isplativosti i razvoja kantona. A to je vrlo vezano i za uzimanje kredita. Kredit EBRD-a je ovdje da sa 3 godine greis perioda i 15 godina vraćanjem. Šta je u tome problem? Problem je u tome što vi krijete, krijete uporno neke ugovore, a dobili ste povjerenje građana na osnovu toga da ćete biti najtransparentnija Vlada i sad bjesomučno krijete 2 ugovora, 1 za EKSP0, a drugi za realizaciju pruge? Veliki je problem da neko glasa za ovaj kredit, ako već gotovo istu dužinu i isti odnos radova imamo ovaj u izradi i imamo ugovor, a ne znamo ništa iz toga i ne možemo se uporediti sa sadašnjem, sa cijenom za radove za Hrasnicu. Također je pitanje i vremenski rok. Ako će se ova pruga za Hrasnicu raditi 10 godina, onda se ne uzima kredit, ako će se raditi kao dinamikom kao što već radite ovu, a mi u ugovoru ne znamo koja je dinamika, onda se ne možemo odrediti prema tom kreditu. I to što su na višim nivoima vlasti ovaj potvrdili, zapravo garantovali da će vraćati taj kredit EBRD-u ako Kanton Sarajevo propadne, to ne znači da su oni upoznati sa načinom rada u Kantonu Sarajevo, a pogotovo ne znači da su upoznati sa načinom rada Trojke. Dakle, ako mislite uzimat kredit od EBRD-a, onda ste morali pokazati ugovor za tramvaj koji trenutno još uvijek radite. Po nekim procjenama, taj projekt bi trebalo da se 4 godine radi, možda će biti 5 godina da se realizira taj projekat. A mi nemamo u ugovoru, a vi recite, ako smijete, saznajte od ministra saobraćaja zašto je kopano metar zemlje više i ubacivan šljunak iz nekih kamenoloma, iz nekih privatnih vlasništva itd. A to po projektu nije trebalo i to je po projektu izmijenjeno i to po geološkom nalazu kvaliteta čvrstoće tla nije trebalo biti. E sad kad kažete koliko je građane Kantona koštalo to, koliko milijuna u okviru 40 ili 50 ili 100 000 000 koji ste potrošili za to, a krijete, onda mogu građani znati koliko ćete ih zadužiti za Hrasnicu isto tako nepotrebnih radova?

Naravno, vi nećete to prikazati, a očekujete da ja sada reagiram na ovaj kredit i da budem sav sretan što nas zadužujete. Druga stvar, ako taj projekat traje 10 godina, onda se on radi iz ličnih sredstava. Kanton, koji ima milijardu i pol projekte od 5 ili 10 godina, radi iz ličnih sredstava, a kredite uzima za projekte koji može uraditi za 2 godine i početi vraćati efektivno u smislu para. Ovdje je dat grejs period 3 godine, vjerovatno dok ova Vlada traje, poslije ko god bude šta nas briga. I tako smo došli u ove probleme. I treća stvar, ako se radi o važnosti projekta, onda malo razmislite o činjenici da je projekat ovaj crtan 70. godina kada su se razvijale fabrike tamo i on je bio rađen, on je ucrtan u plansku dokumentaciju zbog radnika, odnosno prijevoza radnika do fabrika. U međuvremenu su se izgradile kuće i tamo ima nešto stanovništva. Međutim, 4 puta kraća dionica, koja isto tako ucrtana 70. godina je bila Nedžarići- Dobrinja, a ima 5 puta više stanovnika i izgradila bi se za 4 puta brže vrijeme. E sad, ja vas pitam u uzimanju kredita i načina. Taj kredit za Nedžariće- Dobrinja bi bio isplativ zato što bi se uradio u roku od 2 godine i počeo bi se vraćati prije početka, u toku grais perioda, i to bi se vraćao dinamično zato što 5 puta više stanovnika bi koristilo to. E sad, ako se tako razmišlja o uzimanju kredita, onda se razmišlja i o građanima. A na ovaj način, ako hoćete Hrasnicu da gradite, možete je graditi narednih 10 godina i svake godine iz budžeta možete izdvojiti tih 5 000 000 i napraviti taj tramvaj. Ali ovakve stvari se rade, kredit se uzima da se za 2 godine zgrmi i stvar da se prođe do Dobrinje i da bukvalno bude isplativa investicija. Naravno, vi ne možete to znati, jel vi, ni mi ovdje u generalno, šta smo mi, skupštinski zastupnici, nismo stručnjaci, ali mi nije jasno da neki ekonomski stručnjaci ne reaguju, da, recimo, vama ne kažu ljudi, to nije u redu zaduživat Kanton za taj projekat nije u redu. Da ne govorimo sada o drugim projekcijama tog projekta, gdje, naravno, vama ta pruga treba da bi imali gdje izmjestiti remizu? Jel tako? Obzirom da ste prebacili, znači, u toku vašeg vladanja u protekle dvije godine uspjeli ste, dakle, pokušali da tramvajske šine, odnosno pruga kuda prolazi, da je spustite na ovaj nivo Kantona, da je izuzmete od Grasa, a to pripada Grasu preduzeću koje je u minusu. Zašto? Zato što tramvajska pruga kuda prolazi, to je ZK od Grasa, kad ga prebacite na Kanton, kompletna Remiza prelazi na nivo Kantona, odnosno vlasništvo Kantona. Vi kad to prebacite, oslobodit ćete tu hektare i hektare izuzetno atraktivnog zemljišta za, recimo, stambenu izgradnju i neke nove tajkune. A Gras će da propadne naravno. Da bi ga izmjestili, morali ste razviti ovu prugu do Hrasnice da bi tamo, na prostoru nekadašnjeg Famosa, na kraju pruge napravila remizu, što je isto notorna ludost, jer remiza treba biti negdje na sredini pruge, otprilike jednako udaljena od krajnjih tačaka pruge. Naravno, vas to ništa ne interesuje i ovaj zato što vi imate svojih 300 mjera i 19 principa, a ne držite se niti jedne mjere, izmišljate nove za koje pri tome jel te principe anuliraju suštinski ovo zaduživanje, ovaj način, pa i prijedlog koji ste povukli za vodozaštitnu zonu dole, pokazuje vašu principijelnost, a ovaj a pokazuje koliko slušate građane, mada smo mi dugo vremena slušali premijera vašeg, koji je govorio vrlo jednostavan posao premijera, poslušaj građane i to primijeni u Vladi. Međutim, vi ništa me primjenjujete, a građani su se po drugi put zeznuli pa glasali za vas. Mislim da zaduživanje, dalje zaduživanje građana Kantona Sarajevo na ovakvim projektima je notorna ludost, a ima projekata koji bi se trebali zadužiti zbog brzine i efikasnosti izvođenja, na to se ne zadužujete. I u tome se radi. Zato sam ja protiv zaduženja ovog ne eksplicitno protiv projekta, mada i projekat bi trebao doći poslije mnogih drugih infrastrukturnih projekata koji su preći i isplativiji. Hvala.

**Elvedin Okerić (Predsjedavajući)**

Replika. Zastupnik Muamer Bandić. Prije je bio se javio kolega Bandić na ekranu. Dobro, zastupnik Samir Avdić replika, pa onda zastupnik Bandić.

**Samir Avdić (poslanik/zastupnik)**

Hvala, izvinjavam se kolega Bandiću, nisam vidio da ste se vi prvi javili. Zahvaljujem se kolegi Kapidžiću zato što me, pomogao mi je u izboru riječi kojom bi nazvao ovo sve što on izgovorio da ne bi nešto eksplicitno, pejorativno izrekao, da bih ocijenio ovo što je on rekao, baš onda tu staroilirsku ili čija li je riječ, baš se neparlo ono sa ovom pričom o izmiještanju remize i sličnim stvarima. To su sve neke špekulacije koje se mogu čuti po kafanama ili po nekim ovaj društvenim mrežama i slično, ovaj to nije dio nikakvog projekta o kojemu danas odlučujemo. Ja sam mislio da smo, što se tiče svrsishodnosti projekta prema Hrasnici, već davno saznali da je ova Skupština i ova Vlada podržava taj projekat. Ja bih podsjetio da se ne može uvijek gledati samo ovaj kriterij ekonomske isplativosti, da vrlo često moramo promatrati i onaj socijalni aspekt, a on je vrlo izražen kada je u pitanju broj stanovnika koji živi u naseljima, ja ponavljam, radi se o naseljima Ilidža Centar, Butmir, Sokolović kolonija, Kovači i Hrasnica, a ne samo Hrasnica, kako se ovdje to pojednostavljuje. Ja vjerujem da kolega je dobro upoznat sa temom nelegalne gradnje na Ilidži, s obzirom da smo nakon njegovog mandata u ovoj Skupštini kao ministra prostornog uređenja, mi kao nova administracija na Ilidži na čelu sa načelnikom Muzurom morali poništiti blizu 180 građevinskih dozvola koje su izdate u to vrijeme. Tako da, siguran sam da dobro poznaje tu temu, ovaj, ali iako je to vrlo značajna tema kojom ćemo se baviti i koju ćemo riješiti dijelom kada budemo usvojili odluku o izvorištu pitke vode nekada, ali ne mogu da budem suglasan sa kolegom kada kaže da ljudima koji tamo žive pruga nije važna. Ja tamo živim, meni je važna, mojim komšijama je važna i svim ljudima u ovim naseljima je važna. Svim učenicima, studentima je ta odluka veoma važna. Evo za mene istorijska, za kolege ona ne mora biti istorijska. Kolega je rekao da smo mi ovdje da bi parlati, a ne čitali, a ja mislim da smo ovdje i da govorimo, ali i da čitamo. Volio bih da je kolega čitao, a da je čitao onda bi znao da je planirano da izgradnja pruge Ilidža- Butmir- Sokolović kolonija- Hrasnica traje 2 godine, a ne 10 godina. Zato mi nije jasno odakle mu to parlatanje da će se ta pruga graditi 10 godina. Vrlo je jasno, zna se tačno dinamika radova, radovi će trajati 2 godine. Eto toliko, samo je to replika.

**Elvedin Okerić (Predsjedavajući)**

Zahvaljujem se zastupniku Avdiću. Replika, zastupnik Faruk Kapidžić.

**Faruk Kapidžić (poslanik/zastupnik)**

Pa u tome jeste problem te 2 godine. Vi kažete 2 godine, onda traje 5. Možete li pokazati ugovor koji ste imali sa vremenskim rokom, prvi ugovor koji ste imali koji nećete da pokažete zato što stalno možete mijenjati stavke u tom ugovoru? Zašto ne pokažete sada, prije uzimanja kredita, ugovor i građevinsku dozvolu na projektnu dokumentaciju koja je izdata? Ta projektna dokumentacija se onda treba izvesti. Mi ne znamo ni građevinsku dozvolu, ne znamo ugovor na koju se građevinsku dozvolu naslanja, ni na koju projektnu dokumentaciju. I onda kad dobijete od nas, dobijete od te Vlade Kantona, dobijete onda projekat tramvajske pruge predugovaranjem, dobijete sa 60 cenata šljunka, projektnom dokumentacijom i detaljem i onda ga napravite u metar i 60 i onda to opravdate par miliona i onda odete u Dubai, još par miliona se provedete, onda nemojte meni pričati o projektnoj dokumentaciji. Nemojte mi pričati ni o dozvolama za Ilidžu. Obzirom da sam ja kao ministar u toj Vladi bio tako brutalno ispsovan od tadašnjeg načelnika, a tadašnji načelnik je radio čitav život sa Muzurom te iste stvari. I tih 120 dozvola koje je poništio gospodin Muzur, nije morao poništiti 120 dozvola, sve izdate dozvole, nego je svakog investitora doveo u kancelariju da se dogovara ponovno s njim. Mogao je poništiti samo....

**Elvedin Okerić (Predsjedavajući)**

Ispravka krivog navoda. Nije dozvole poništio načelnik Muzur, već nadležna inspekcija. Nadležne institucije su poništile, to je istina. Možete nastaviti dalje.

**Faruk Kapidžić (poslanik/zastupnik)**

Hvala, sad i na to odmah replika. Znam ja tu građevinsku inspekciju općinsku, vrlo mi je poznato. Ona je izdala isto nalog i da se sruši jedan objekat na Vrelu Bosne, pa ga nije srušio Memić, pa ga nije srušio Muzur, neće ga ni srušiti. Znači, vrlo mi je poznato rad građevinske inspekcije koja je pod kontrolom načelnika, i to apsolutnom kontrolom, i nemojte sada pričati da je građevinska inspekcija nešto poništila bez naloga načelnika, to je sve u dogovoru.

**Elvedin Okerić (Predsjedavajući)**

Poslovnička intervencija zastupnik Muamer Bandić.

**Muamer Bandić (poslanik/zastupnik)**

Hvala. Predsjedavajući, trebamo da se držimo tačke dnevnog reda, a tačka dnevnog reda nisu izdavanje nikakvih dozvola od strane načelnika ili Memića ili Muzura, a i vi im dajete ispravku krivog navoda na ono što nije bila tačka dnevnog reda. Pa bi vas molio da se držimo tačke dnevnog reda. Tražio sam već repliku i nisam je uspio dobiti zato što otvaramo neke druge teme koje nisu tačka dnevnog reda.

**Elvedin Okerić (Predsjedavajući)**

Možete nastaviti zastupniče.

**Faruk Kapidžić (poslanik/zastupnik)**

Dakle, samo da završim, mada sam završio, ali da kažem da onda gospodin Avdić da se drži dnevnog reda i da ne spominje načelnika i izdavanje dozvola u ovom, nego otvorite jednu sjednicu o općinskim načelnicima i dozvolama, pa ćemo da pričamo. Imam ja tu štošta reći, ali nemojte meni imputirati za 10 mjeseci rada u ministarstvu i korone, da meni imputirate neke građevinske dozvole, to nemojte meni imputirati. Hvala.

**Elvedin Okerić (Predsjedavajući)**

Replika zastupnik Zahiragić.

**Haris Zahiragić (poslanik/zastupnik)**

Replika zastupniku Avdiću. Degutantno je zaista degutantno da on gospodinu Kapidžiću, koji je 8 mjeseci bio ministar 10 prostornog uređenja, koji se borio protiv ilegalne gradnje, protiv tajkuna koji su u značajnoj mjeri bili i sada tek u posebno jesu na Ilidži imputirate takvu vrstu dozvola. To je skandalozno. Nemojte, nije to lijepo.

Uostalom, vi ste sve vrijeme bili u tom Općinskom vijeću zajedno sa tim ljudima koji su izdavali te dozvole. Gospodin Kapidžić je poznat baš po suprotnom da se borio protiv toga kroz institucije Kantona Sarajevo i dan danas se kao zastupnik protiv toga bori i to nije lijepo gospodine Avdiću. Ono što repliciram, zašto sam se javio, jeste što ste rekli da, remiza su kafanske priče i Facebook, kako ste rekli, društvene mreže. E dobro, gospodine Avdiću.

U Skupštini Kantona Sarajevo je prije godinu i pol dana, tada niste, da ste bili na Ilidži, oko tih dozvola se bavili to s Muzurom i Memićem i tako, donijela odluku kojom je pokušala izuzeti i Remizu i šine. A za ovom govornicom zvanično obrazloženje je bilo da želi umanjiti aktivu Grasa kako bi smanjili i spriječili da se to oduzme. Ja sam ovdje diskutovao, iz to 10 puta sam diskutovao i upozoravao da je izigravanje vjerovnika, da je to krivično djelo, da ne smijemo mi, ako je neka firma dužna nešto izuzeti. A pravi cilj i tada je provejavao, tada smo ga mi ovdje govorili gospodine Bandiću, premotajte, pa ćete vidjeti. Tada smo, ja lično rekao

da je naredni korak izgradnja pruge do Hrasnice, onda konačni korak pravljenje nove remize u Hrasnici, a pravljenje stambenih zgrada u Remizi. Imaju tonski i stenogramski zapisnici, vidjeti ćete u konačnici da ako nastavi ovim tempom i ako dovoljno se održi Trojka na vlasti da će to i desiti. Hvala vam.

**Elvedin Okerić (Predsjedavajući)**

Zahvaljujemo se zastupniku Zahiragiću. Samir Avdić javio se za repliku. Izvolite, imate riječ.

**Samir Avdić (poslanik/zastupnik)**

Iskoristit ću za repliku Kapidžiću, koja će biti kratka, onda usput i kolegi Zahiragiću da se ne bi dva puta javljao za repliku, iako bih imao pravo. Ja se suosjećam sa kolegom Kapidžićem, nisam bio upoznat da je on imao tih problema na relaciji sa bivšim načelnikom općine Ilidža, profesorom doktorom Senaidom Memićem. U tom smislu ja jako se suosjećam s njim zato što sam tih 8 godina, odnosno 2 mandata u Vijeću i bio prepoznatljiv po tome što sam upravo se ovaj beskompromisno borio protiv građevinske mafije predvođene bivšim načelnikom Ilidže, inače istaknutim osnivačem i članom još uvijek Stranke demokratske akcije i njihovim, na ponos ambasadorom trenutno u Maleziji. Kolega Kapidžiću vidi se da smo obojica iz Bileće, možda čovjek ima nešto protiv Bilećana, pa smo zbog toga, zbog toga.

**Elvedin Okerić (Predsjedavajući)**

Ja sam vas namjerno pustio da vidim kada ćete prestati sa, međutim izgledate nemate namjeru ni vi kolega Avdiću, evo

**Samir Avdić (poslanik/zastupnik)**

Mislim ja moram raditi, kolege idu od teme, onda i ja i idem od teme, nemojte misli da ću ja šutiti a da će oni,

**Elvedin Okerić (Predsjedavajući)**

Evo vas slušamo sat vremena, vrtite nas sve na vrtite.

**Samir Avdić (poslanik/zastupnik)**

Kad oni prestanu i ja ću prestati, eto, a kolegi Zahiragiću.

**Elvedin Okerić (Predsjedavajući)**

Ne može tako, evo, sad ću vam ja kazati da ćete prestati svi. Evo.

**Samir Avdić (poslanik/zastupnik)**

Ok.

**Elvedin Okerić (Predsjedavajući)**

Zastupnik Elvis Vreto. Izvolite, imate riječ.

**Elvis Vreto (poslanik/zastupnik)**

Hvala, predsjedavajući. Nije replika, diskusija je. Prije svega, želim se zahvalim svima koji su radili aktivno na realizaciji ovog pripremi ovog projekta, kako predstavnicima Opštine Ilidža, tako i predstavnicima Ministarstva saobraćaja, kompletnoj Vladi, kao i svim drugim institucijama koji su dali suglasnost, a trebali su dati za ovaj projekt.

Želim da kažem nekoliko stvari. Jasno je da se zbog strukture budžeta Kantona Sarajevo, da je veliki infrastrukturni projekt i kapitalni projekti nemoguće raditi bez kreditnih zaduženja. S druge strane, imamo, nažalost, ovu inflaciju, ali obzirom na njene efekte, evo to mogu

stručnjaci iz financija dati bolje pokazatelje kako ona utječe kod dizanja ovakvih kredita pod povoljnim kamatnim stopama i koliko anuliraju uopšte te kamate koje mi vraćamo, tako da ti krediti nekad ispadnu zbog, ja govorim, nažalost, zbog inflacije i povoljni. Treba istaći nekoliko stvari i meni je drago da se ovo jeste historijski projekat za građane općine Ilidža, ali i historijski projekti za građane Kantona Sarajevo. Treba promatrati stvari po pitanju kompletnog razvoja područja, treba malo ići i šire je da su i nekada davno i evo, kao što kolega Kapidžić kaže '70-tih kad je zacrtano da se krene u ovom pravcu, mislim da je poslijeratnom periodu kada se počelo razgovarati, ali govorim samo se o ovome razgovaralo od 2019. godine Vlada Šestorke je krenula sa sistemski u rješavanje ovog pitanja. Ponavljam, zajedno sa opštinom Ilidža koja je dobila novo rukovodstvo 2020. godine. Neće samo Kanton Sarajevo ulagati, odnosno zaduživati se za prugu. On jest projekat od 50 000 000 za koji se mi zadužujemo, ali Opština Ilidža ima svoje učešće. Riješila je sve imovinsko pravne odnose na trasi pruge. Znači to je ogroman, ogromna količina zemljišta koja je jel bukvalno učešće Opštine Ilidža za ovaj projekat. Ja zaista molim zastupnike, Klub Naroda i Pravde će ovo podržati. Smatramo jako opravdanim i zbog svih drugih efekata razvoja turizma, razvoja, ekonomskog razvoja tog područja, ekološkog aspekta, podržat ćemo ovo i očekujemo što brži početak radova na ovom projektu. Eto, toliko. Hvala predsjedavajući.

### **Elvedin Okerić (Predsjedavajući)**

Zastupnik Muamer Bandić. Izvolite, imate riječ.

### **Muamer Bandić (poslanik/zastupnik)**

Zahvaljujem se. Pa kolega Kapidžić je maloprije u svom izlaganju, a evo, cijenim, bio je u nekom prethodnom mandatu, bio je i u Vladi Kantona Sarajevo, iznio je neke navode koji su, možda čak ne znam, u obliku inkriminacije, a koji nisu vezani direktno za današnju tačku dnevnog reda, već su usko povezani, evo da kažem blisko su povezani sa prethodnim projektom. Okolnost, dakle, da je i u diskusijama i drugih zastupnika iznesena jedna evo da kažem činjenica kako je to percepcija nekih od zastupnika, da mi zadužujemo Kanton i da će to zaduženje vraćati građani Kantona Sarajevo, naša djeca u narednih, ne znam, u nekom vremenskom periodu. A tu činjenicu povezuje sa dakle postupkom, odnosno procedurom koja je provedena u prethodnom mandatu prilikom rekonstrukcije tramvajske pruge. Činjenica je, dakle, da je on iznio tamo neke vrlo stručne elemente u koje ja ne bi mogao da ulazim, ali ukoliko postoje neke inkriminacije, da je urađeno neko krivično djelo, mislim da postoje nadležne institucije koje bi trebale da se bave eventualnim povredama zakona. Dakle model političke orijentacije i način realizacije djelovanja projekata u ovoj skupštinskoj većini, a na temelju kojeg smo mi potpisali koalicioni dogovor jeste ustvari temeljen na principima zakonitosti, bar što se tiče Stranke za Bosnu i Hercegovinu. Samo u tim situacijama, ukoliko se temelji na tim principima, mi ćemo podržavati sve oni projekte koji su od interesa za građane. Postavlja se sada pitanje da li ovi navodi gospodina Kapidžića mogu uticati i kakav bi bio ustvari efekat utjecaja tih navoda, ukoliko mi u ovom slučaju ne bi izglasali ovu odluku u ovoj fazi, dakle, postupka. Okolnost da nam je i kolega Čičić naveo, a evo i ministar Dedović, dakle, sve ove procedure koje su prethodile donošenju jedne ovakve odluke, mislim da su one bile jako stroge. Ali je i činjenica da nitko od donosilaca takvih odluka i mišljenja nije imao ove navode koje govori gospodin Kapidžić. Ali okolnost da ti navodi ostaju samo na da kažem u fazi navoda, da nemamo ništa konkretno urađeno, ne mislim sada da na bazi tih navoda možemo da prejudiciramo da će se i ovaj sam postupak zasnivati na nekim zakonitostima. Zaista ne znam kako i kako je bilo i moguće da se određeni podaci, evo da kažem uslovno rečeno je li i kriju, osim ukoliko to nije bilo propisano, dakle, nekim ovlaštenjem Skupštine Kantona Sarajeva, a Skupština je mogla da da takvu vrstu ovlaštenja jer je zakonodavni organ. Zbog javnosti, dakle, želim da skrenem pažnju, dakle da ni jednu

radnju za koju smatramo da nije u skladu sa zakonom ili bilo koju drugu proceduru, ja nikad lično ne bi podržao, a ne bi tražio bi da i Klub Stranke za Bosnu i Hercegovinu ne podrži neku takvu odluku. Dakle, ne mislim da odluke koje se temelje na nekim nezakonitostima, bez obzira kakav efekat će proizvesti za naše građane da su dobre. Mislim da treba da svi radimo na principima zakonitosti, samo na taj način možemo držati sistem funkcionalan i efikasan. Sve drugo bi nas vodilo u anarhiju, ukoliko pustimo u procjenu nekih situacija na personalnom nivou. Ja cijenim sve ovo što je rekao gospodin Kapidžić, ali zaista bih volio da vidim da li postoji pokrenuta neka procedura u smislu podnošenja nekih krivičnih prijava ili eventualno otvaranja istrage ili eventualno podizanja optužnice po pitanju svih ovih situacija koje smo čuli, kako od njega, tako i drugih zastupnika. U tom slučaju bi mene opredijelilo takva jedna situacija, na koji način da ja ne podržim, na koji način da ne glasam, odnosno da ne podržim jednu vrstu ovakve odluke. Okolnost da takvih procedura nema pokrenutih, da se nalazimo sada u nekoj fazi, da kažemo nagađanja, možda u nekoj kasnije fazi i bude nešto od tih prijava, ne mislim da zadužujemo građane na način koji nije zakonit. Prije svega, dakle, sam kredit je jako precizno definiran i čak imamo situaciju šta se dešava ukoliko ne bude realiziran, tako da evo treba da procijenimo da li bi bila šteta i za čak one zastupnike koji dolaze iz opozicije da u tom slučaju ne usvojimo jednu vrstu ovakve odluke. Dakle, ta šteta bi se direktno odnosila i na građane Kantona Sarajeva. U tom kontekstu, evo, Klub Stranke za Bosnu i Hercegovinu će podržati ovu odluku. Okolnost, dakle, da ne postoji ni jedan dokaz ni u jednom relevantnom postupku, da je nešto pokrenuto ili eventualno doneseno, smatramo da ipak interesi građana trebaju budu na prvom mjestu, a evo da kažemo ne nagađanja u smislu nekih nezakonitih radnji ili procesa. Hvala.

#### **Elvedin Okerić (Predsjedavajući)**

Zahvaljujem se zastupniku Bandiću. Za riječ se javio zastupnik Faruk Kapidžić. Druga diskusija.

#### **Faruk Kapidžić (poslanik/zastupnik)**

Zahvaljujem, pa evo nisam pošto ste zabranili da se replicira, onda sam uzeo diskusiju pa ću vezano za tu diskusiju samo da kažem za ovo da ovo što je gospodin zastupnik iz SDP-a rekao da je naš voljeni ambasador, bivši načelnik, znači da ne vrijeđa na tom nivou obzirom da sam doživio svašta od toga ovaj načelnika. Prema tome na tom nivou nema potrebe da vrijeđate. Mogu i ja odgovoriti. Imate i vi voljenih svojih. Vezano za ovo što je gospodin Bandić govorio, moram da kažem da, to se to može biti izvlaka ipak, oni su ovaj u koaliciju vlasti i svako sebi u određenom trenutku može naći izvlaku da glasa, odnosno da se izvuče od jednog narativa koji podržava, a to je o ovome idealna prilika da nije pokrenut postupak nikakav postupak za rekonstrukciju koju smo imali još uvijek imamo obzirom na ove moje tvrdnje, naravno da neće biti postupak pokrenut i zbog toga da ne bi bio pokrenut zbog toga je ugovor sakriven i taj ugovor se sakriva samo i isključivo iz jednog razloga, a to je kriminal. Inače, niko nikad nema razloga da sakrije ugovor. Ako je to naloženo od nekog EBRD-a, onda je to njihov kriminal, ako je to od Vlade koja je potpisala, onda je to Vladin kriminal. Znači, ako nešto skrivate, radite kriminalno djelo, zato skrivate. Drugog razloga nema i nemate ga ni vi, ne možete ni reći. Prema tome, taj ugovor da je postojao i da je vezano za projektnu dokumentaciju, možda bi do sada bilo pokrenuto slučajeva. Jednostavno ne može niko na neviđeno pokrenuti. Ako se iz nekog razloga umjesto 80 cenata, koji je maksimum potrebno za nivo za leđenja zemlje da se izmijeni tlo nije potrebno na metar i 80 ili 2. Ja sam bio tamo, gledao sam to. Nema tog geološkog elaborata i stručnjaka koji će reći da je ispod tramvaja koji je 50 godina pod vibracijama nabio teren, da je nestabilan teren, nema tog stručnjaka koji će reći da zbog drenažnog nekog sloja je trebalo metar ili više šljunka, a izračunajte na onu dužinu i onu širinu koja je to količina šljunka i dobit ćete cijenu koja je sporna. E sad, ja



nemam ništa protiv da vi nastavite tako i dalje. Problem je što to radite iz kredita, da radite iz ovih para, ja bih ih vraćao i u redu, nemam problem da ja, a zašto da to vraćaju moja djeca? Uzimate kredite koje će vraćati naredne generacije na ono što vi sada radite i onda se pitamo otkud u autu silni Poršei od 200 hiljada maraka? Eto, odakle, hvala.

**Elvedin Okerić (Predsjedavajući)**

Jel replika. Replika zastupnik Muamer Bandić.

**Muamer Bandić (poslanik/zastupnik)**

Pa evo, samo ću kratko gospodinu Kapidžiću. Dakle, nemam razloga da mi sada ovaj, kako je on to naveo, da se izvlačimo iz neke situacije, nismo se mi u tu situaciju ni uvukli iskreno, dakle, ja sam rekao da je on navodio jedan projekat koji si je desio u mandatu u kojem Stranka za Bosnu i Hercegovinu nije bila u vlasti, a tu aktivnost blisko povezuje sa današnjom tačkom dnevnog reda. Ja sam također mišljenja da podaci bilo koji ne trebaju da budu sakriveni, dakle od zastupnika, ali ako postoji neka inkriminacija, ovo što je gospodin Kapidžić rekao da se ne može pokrenuti postupak, dakle nije tačno. Svaki kritični postupak se može pokrenuti, dakle na osnovu bilo koje krivične prijave i ne postoji ni jedan zaštićeni podatak od Tužilaštva. Tužilaštvu ne može biti ni jedan podatak nedostupan ukoliko postoji elementi za otvaranje istrage sasvim sam siguran, a okolnost da se radi o projektu koji je čak pokrenut sa državnog nivoa i da bi u tim situacijama čak bilo nadležno Tužilaštvo Bosne i Hercegovine, ne mislim ja da bi ti podaci njima bili nedostupni i ukoliko bi bilo elemenata za pokretanje krivičnog postupka, ja bi zaista volio da se podnese ta prijava da stavimo tačku jednom na tu cjelokupnu situaciju, da vidimo da li je zaista bilo nekih krivičnih djela. Ukoliko bi to zaista bilo ovako kao što gospodin Kapidžić govori, ja sad ne upuštam sam u tu, upuštam u taj materijalni dio koji on očito poznaje, a ja ne poznajem, i ne bih se u tim bavio, ali poznajem procedure podnošenja krivičnih prijava i realizacije istih. Ja lično, da znam da postoji neka takva procedura, ne bi glasao za ovakvu vrstu odluke, dakle, koja bi bila inkriminirajuća iz tih razloga zato što se radi u skrivenim podacima i zato što bi neko imao mogućnost, evo da kažem, kako je on to i naveo sam gospodin Kapidžić da manipulira nekim podacima nakon potpisivanja ugovora ili da manipulira iznosima sredstava ili rokovima. To su vrlo ozbiljni ovaj navodi i vrlo ozbiljni elementi krivičnog djela i naravno da nikad u takvim procesima ne bih sudjelovao. Hvala.

**Elvedin Okerić (Predsjedavajući)**

Replika zastupnika Haris Zahiragić.

**Haris Zahiragić (poslanik/zastupnik)**

Svakako kolega Bandiću da su istrage u Tužilaštvu o ovom ukupnom ne samo sakrivenosti ugovora, ne o konkretno šljunku, nego cijelom predmetu toku, izuzimala se dokumentacija čak iz Kantona Sarajevo, tako da svakako da je netko podnosio prijave. A osim prijava i Tužilaštvo je dužno po službenoj dužnosti, a prateći javnost, pa i Skupštinu, da samo reagira i vodi istrage. I nadamo se nekada, u budućnosti ili nekada u ovoj državi, konačno počinje podizati optužnice koje zaista jesu na tragu uspostavljanja vladavine prava, pa samim time na osnovu takvih optužnica donositi presude. Hvala.

**Elvedin Okerić (Predsjedavajući)**

Zastupnica Vildana Bešlija se javila za riječ.

**Vildana Bešlija (poslanik/zastupnik)**

Hvala predsjedavajući. Evo, ja ću svoju diskusiju započeti u suštini sa onim što je sigurno najbolji dokaz rada u interesu građana, a to je već ovaj pruga koju. Jel možemo samo osigurati mir u sali da bi nastavili?

**Elvedin Okerić (Predsjedavajući)**

Kolege, jel može malo.

**Vildana Bešlija (poslanik/zastupnik)**

Hvala. Znači sigurno najbolji dokaz interesa građana je upravo izgrađena pruga, ono što svi možemo vidjeti. Možda niste vidjeli ugovor i ovo nije prvi put da pričamo o tome, a vrlo kontradiktorne diskusije su bile u posljednjih ne znam koliko ovo traje sat, dva, izgubila sam pojam o vremenu, o raznim klasifikacijama i privlačenja pažnje, što nekad nije ni loše, ali zaista treba biti argumentovano.

Znači činjenica da se uzima kredit za infrastrukturne projekte nije prvi put i nije prvi put u Kantonu Sarajevo i opšte je poznata praksa koja se provodi svugdje u svijetu. Ako imate dobar projekat, pogotovo ako radite sa EBRD-om, naravno da ćete dobiti ta sredstva. Ako prođete sva tačke kontrole, kao što je bilo i u ovom slučaju znači, nema apsolutno ništa sporno. Da neko sumnja u to da to rade zastupnice opozicije i to mi je jasno, ali način na koji radite zaista i vodite ovu diskusiju krajnje je degutantna. Ovo nije prvi put, ovo nije prvi put da se vrijeđaju i žene u ovoj sali. Ja ću svaki put reagovati na to i opet ću reagovati i zamolit ću i rukovodstvo Skupštine i lično ću se potruditi i kao zastupnica i kao predsjednica Komisije za ravnopravnost spolova, da se zaista naučite kulturi dijaloga, ako treba, da posebno organiziramo edukaciju o kulturi dijaloga, nije sramota nešto ne znati, sramota je uporno to raditi ovdje. Sramota je da ljudi gledaju i slušaju ovo, sramota je da mi budemo taoci ovako loših diskusija, vrijeđanja, vrijeđanja žena i vratite snimak pa ćete vidjeti ko je koga uvrijedio. Uvrijedio je kolega Kapidžić, zastupnik Kapidžić, zaista previše je da kažem i kolega, moju kolegicu Milu Melank. Znači, u nedostatku argumenata, ovo nije prvi put da vrijeđate i to je krajnje nedopustivo. A sad da se vratim na temu, znači, što se tiče tačke dnevnog reda, ja bih, mislim da je krajnje jasno da se pruga vidi.

**Elvedin Okerić (Predsjedavajući)**

Ispravka krivog navoda zastupnik Mahir Dević.

**Mahir Dević (poslanik/zastupnik)**

Ja sam se danas na ovoj sjednici vrlo malo javljao, ali zaista sada imam potrebu nakon ovoga što je iznijela kolegica Vildana, da ispravim krivi navod. Znači ako je ona misli na ono što je kazao kolega Kapidžić, da kolegica Melank čita ono što je napisano, a ne da diskutuje, da je to uvreda, mi to tako nismo razumjeli. I imam osjećaj da pokušavate da prezentirate javnosti kao da neko se ovdje loše odnosi prema ženama, pazite. Vi znate ko je bio zastupnik u prošlom mandatu, ovdje u ovoj Skupštini, vaš šef ove koalicije Trojke je koji je imao najviše uvreda prema svim zastupnicama u ovoj Skupštini Kantona. Počevši od rahmetli Segmendine Srne, pa da ih ne nabrajam pet ovdje, preko Bibije Kerle, itd. To su bile te uvrede, ovo danas je bila samo jedna konstatacija, ja je uopće nisam razumio kao uvredu. I nemojte tok sjednice da vodite u tom pravcu, da nakon određenih diskusija u kojim je kolega iznio neki svoje, neka svoja saznanja, da to prebacujete na neki dio, da vas ovdje netko diskriminira, da vas ovdje netko ovaj omalovažava itd. To nije bilo to. Ja ne vidim šta je, koja je uvreda ako je rečeno da je neko nešto čitao s monitora, a ne diskutovao.

**Elvedin Okerić (Predsjedavajući)**

Zamolio bih kolege da se vrate na tačku dnevnog reda.

**Mahir Dević (poslanik/zastupnik)**

Nemojte, znači, evo, ja se prvi put javljam, nisam namjeravao, ako budemo, evo, otvorit ćemo onda priču, pa ćemo ostat, ako Bog da do teravije večeras.

**Elvedin Okerić (Predsjedavajući)**

Zastupnica Bešlija možete nastaviti?

**Vildana Bešlija (poslanik/zastupnik)**

Hvala vam, pa evo, iz ove replike vidimo da nije jasno i upravo zbog toga sam i dala prijedlog i zvanično ću to pokrenuti da se uradi, jer zaista nam je neophodna edukacija. Onda će nam vjerovatno biti neke stvari možda malo jasnije. Znači najbolji dokaz da se radi u interesu građana, kao što sam rekla je pruga koja je svima vidljiva, imali smo ovdje isto tako primjedbe na nivou poznavanja ili nepoznavanja materije, a onda direktnog uplitanja u materiju kao zastupnici ne znaju možda dovoljno, ali evo, ipak, dajte nam nešto da vidimo, pa ćemo mi donijeti neki sud. Mislim da je najbolji sud javnosti i najbolji je transparentni rad upravo rezultati koji se postižu i to je jedino važno i ja se iskreno nadam da će građani što prije vidjeti i rezultate upravo ove današnje odluke koje ćemo donijeti, a to je početak izgradnje pruge prema Hrasnici. Hvala vam.

**Elvedin Okerić (Predsjedavajući)**

Replika. Za repliku se javio zastupnik Haris Zahiragić.

**Haris Zahiragić (poslanik/zastupnik)**

Hvala predsjedavajući. Replika kolegici Bešliji i pitanje da li je zaista izmišljanje uvreda na račun žena, seksizam, šovinizam, izoginija koju ste pokušali inputirati kolegi Kapidžiću, evo, a u jednom širem smislu i cijelom Klubu SDA i generalno cijeloj poziciji sve što možete ponuditi? Ja znam da nije. Molim vas, nemojte po ko zna koji put.

Tamo gdje nema traga toga što ste vi spomenuli, pokušavate to imputirati, to nije korektno. Evo da ja odem korak dalje. I vi čitate uglavnom kada diskutujete, ali ne samo da žene, da budem sad gender senzitivan, ne čitaju samo žene iz Naše stranke, nego i muškarci kada diskutuju iz Naše stranke i oni također čitaju na svim nivoima, što možda govori o tome da imate dobre pripreme u centrali itd.

**Elvedin Okerić (Predsjedavajući)**

Kolega Zahiragiću, molim vas možemo li se vratiti s ove teme, neću više dati da na ovu temu diskutujemo, evo vratite se na tačku dnevnog reda.

**Haris Zahiragić (poslanik/zastupnik)**

Može, naravno. Da završim još kratko. Kaže kolegice Bešlija da se vidi sve na tragu urađenih rezultata. Vidimo da je grad raskopan i, naravno, neće se u rokovima, ni prva ni druga faza nije stigla i ukupan projekat neće biti svakako do augusta gotov. Hvala.

**Elvedin Okerić (Predsjedavajući)**

Replika zastupnik Faruk Kapidžić.

**Faruk Kapidžić (poslanik/zastupnik)**

Zahvaljujem. Samo da malo pojasnim, došlo je do nesporazuma, došlo je do nesporazuma obzirom da je ovaj, poštovana kolegica Vildana reagovala. Vidite nešto i ja, ja ovdje gledam i slušam par sjednica i tako da čitaju, nisam ja reagovao na to, ja nemam problem da se pročita za diskusiju. To ako neko im piše ili oni pišu to je njihova stvar, pa čitaju, ali ovdje je ovdje

bila replika je zatražena, ja sam čekao na svoju diskusiju, zatražena je replika i replika je pročitana. Ljudi moji, ja ne znam, ja sam čekao na diskusiju. Replika ne može biti pročitana.

**Elvedin Okerić (Predsjedavajući)**

Kolega Kapidžiću, molim vas. Zastupniče Dević, jel vi replicirate. Zastupnik Mahir Dević replika, pa onda zastupnica Vildana Bešlija.

**Mahir Dević (poslanik/zastupnik)**

Ne znam zašto ste kolegice Vildana nas uveli u ovu seriju replika, pokušavajući da napravite na neki način od sebe žrtvu, čak maloprije i vrijeđajući mene da ćete vi na neki način meni održati neku vrstu edukacije, vi ćete mene kao educirati ovdje itd itd.

A imamo, evo upravo ovu situaciju ovdje da vas gledamo kako čitate, ne samo diskusije i replike sve četiri godine. Ne znam zašto to radite, mislim da vam je to bespredmetno. Zamolit ću kolegu Vibora Handžića da se uključi u ovu situaciju.

**Elvedin Okerić (Predsjedavajući)**

Kolega Deviću.

**Mahir Dević (poslanik/zastupnik)**

Dozvolite mi da završim.

**Elvedin Okerić (Predsjedavajući)**

Neću dozvoliti više na ovu temu, nema potrebe.

**Mahir Dević (poslanik/zastupnik)**

Vi ste nju trebali upozoriti.

**Elvedin Okerić (Predsjedavajući)**

Nema potrebe, nemam potrebe oduzima nam vrijeme.

**Mahir Dević (poslanik/zastupnik)**

Trebali ste upozoriti kolegicu da me ne vrijeđa.

**Elvedin Okerić (Predsjedavajući)**

Upozoravam vas da nikome neću više dozvolite da na ovu temu replicira, ni vama ni bilo kome drugom.

**Mahir Dević (poslanik/zastupnik)**

Samo da završim.

**Elvedin Okerić (Predsjedavajući)**

Ako je ova tema, isključit ću vas. Ali evo, ako je replika vezana za dnevni, izvolite. Ako je replika vezana za dnevni red.

**Mahir Dević (poslanik/zastupnik)**

Znači ja sam replicirao na ono ovo što je kolegica meni lično kazala, čuli ste me, čuli ste i nju, vi ste tad trebali odreagovati.

**Elvedin Okerić (Predsjedavajući)**

Ne želimo više da vas slušamo, ako ćete pričati o temi.

**Mahir Dević (poslanik/zastupnik)**

Evo, ja ću samo još ovu rečenicu kazati i završavam. Ako ste ta vaša edukacija,

**Elvedin Okerić (Predsjedavajući)**

Nemojte kolega Deviću, upozorio sam vas. Nemojte.

**Mahir Dević (poslanik/zastupnik)**

sastoji u tome da ja čitam nešto što mi neko. (isključen mikrofon zastupniku)

**Elvedin Okerić (Predsjedavajući)**

Zahvaljujem se kolega Deviću. Zastupnice Vildana Bešlija, jel vaša replika vezana za temu. Izvolite.

**Vildana Bešlija (poslanik/zastupnik)**

Vezana je za temu utoliko što ovo uopće nije tema. Ovo što oni upravo govore. Ja sam, znači, reagovala po pitanju upravo toga da nikoga ne zanima šta oni lično misle o bilo kome ovdje i slažem se apsolutno s vama. I to jeste bila poenta i naravno da nisam rekla da ću ja držati edukaciju. Postoje stručni ljudi koji trebaju pomoći ovoj Skupštini da se to više ne ponavlja.

**Elvedin Okerić (Predsjedavajući)**

Zahvaljujem se. Zaključujem raspravu.

Molim zastupnike da pristupi izjašnjavaњу o Prijedlogu odluke o prihvatanju zaduženja po Ugovoru o zajmu između Bosne i Hercegovine i Europske banke za obnovu i razvoj EBRD za projekat "Tramvajska pruga Ilidža-Hrasnica".

Zaključujem glasanjem. Molim službu da objavi rezultate glasanja.

Za je glasalo 22 zastupnika, protiv 1, suzdržano 4. Konstatujem da je Skupština donijela ovu odluku.

Prelazimo na tačku. 13.

AD-13.

**PRIJEDLOG ODLUKE O IZMJENAMA I DOPUNAMA ODLUKE O OSNIVANJU JAVNE USTANOVE CENTAR ZA NAPREDNE TEHNOLOGIJE U SARAJEVU**

Prijedlog odluke ste dobili uz poziv za sjednicu. Molim predstavnika predlagača da podnesu uvodne napomene.

Ministar Zlatko Mijatović, izvolite, imate riječ.

**Zlatko Mijatović (ministar)**

Hvala predsjedavajući, pozdravljam uvažene zastupnice i zastupnike Skupštine Kantona Sarajevo, kao i cijenjene građane Kantona Sarajevo koji nas prati putem TVSA. Uzimajući u obzir sam sadržaj ove Odluke, moram istaći sljedeće dati jedno kratko uvodno izlaganje.

Naime, kada je u pitanju poduzetništvo, prije svega potrebno navesti dvije osnovne problemske kategorije, gdje se prva odnosi na analize koje ističu da je poduzetnička aktivnost u BiH generalno niska, te da je ista treba popraviti na način da se poveća procjena od odraslih osoba koje razmišljaju i rade na uspostavi vlastitih biznisa, dok se druga temelji na problemu visoke stope smrtnosti poduzetničkih organizacija, generalno, a u BiH posebno, jer se u nekoliko zadnjih decenija fokus poduzetničke aktivnosti stavlja na poduzetništvo iz nužde, a

ne na poduzetništvo iz šanse. Stoga jasno proističe potreba za poduzetničkom infrastrukturom koja će imati ulogu poticaja, poduzetničkih poduhvata i šanse koja ima više vjerojatnoću dugoročnog opstanka, čime bi se ukupna procjena smrtnosti poduzetničkih organizacija smanjio, uključujući pružanje pomoći zrelim biznisima u smislu savjetovanja kod aktivnosti projektovanja i akceleracije, njihovog daljnjeg opstanka, rasta i razvoja. U vezi ovog, posebno treba istaći potrebu za dodatnim poticajem razvoja novih poslovnih subjekata i tehnoloških inovacija putem stvaranja poduzetničke infrastrukture za stvaranje kulture poduzetništva, kojom se pruža kontinuiran sistemski podrška malim i srednjim poslovnim subjektima, kao i kojom se pruža sistemski podrška kreativnim, hrabrim, inovativnim pojedincima da ostvare svoje poslovne ideje te na taj način doprinesu ukupnom ekonomskom rastu kroz porast BDP-a, ali i ekonomskom razvoju koji uključuje i kvalitativne indikatore poput rasta životnog standarda, kvalitete života, stepena zadovoljenja obrazovnih, kulturnih, zdravstvenih i ekoloških i drugih ljudskih potreba. Uzimajući u obzir prednje navedeno te cilj dalji rast i razvoj Javne ustanove Centar za napredne tehnologije u Sarajevu, Ministarstvo privrede je ocijenilo potrebnih da se uspostavi Centar za razvoj poduzetništva u okviru Javne ustanove, koji treba da služi kao jedan od stubova javne politike i sistemskog opredjeljenja za razvoj poduzetništva na području Kantona Sarajevo. Kao prvi korak u realizaciji ovog projekta ovo Ministarstvo je ocijenilo potrebnih da se izradi elaborat o društveno-ekonomskoj opravdanost uspostavi djelovanja Centra za razvoj poduzetništva u okviru ove Javne ustanove, te je od Javne ustanove zahtijevalo izradi istog takvog elaborata. S tim u vezi Javna ustanova je Ministarstvu privrede Kantona Sarajevo dostavila takav dokument 30.6.2022 godine. Elaborat je pokazao društveno- ekonomsku opravdanost uspostave i djelovanja ovog Centra za razvoj poduzetništva, koji uključuje sljedeće servise: resursni i edukativni servisi, konzultantski servisi, servisi za korporativno poduzetništvo i istraživačko-projektni servisi. Međutim, analizom elaborata Ministarstvo privrede je ocijenilo da je za uspostavu cjelovite poduzetničke infrastrukture na području Kantona Sarajevo u servise u Centar za razvoj poduzetništva potrebno inkorporirati i servise inkubatora kao dodatne poduzetničke infrastrukture, te je stoga ovo Ministarstvo izradilo dokument dodatak elaborata. Dodatkom elaborata prepoznata je uloga koje inkubator kao suvremeni alat za razvoj poduzetništva može imati u davanje doprinosa ekonomskog rasta i razvoja na području Kantona Sarajevo, ali na području Federacije Bosne i Hercegovine i cijele Bosne i Hercegovine. Stoga je u istom elaborirano propozicija vrijednost Centra za razvoj poduzetništva sa inkorporirani inkubatorom u kojem su određene misije i ciljevi Centra za razvoj poduzetništva, te su kroz propoziciju vrijednosti predloženi resursi koje je potrebno obezbijediti, aktivnosti koje je potrebno provesti kako bili ostvareni rezultati koji će doprinijeti realizaciji naprijed navedenih postavljenih ciljeva. Ministarstvo privrede Kantona Sarajevo je, uzimajući u obzir argumentaciju navedenu u elaboratu, dodatku i elaboratu, zaključilo da je opravdano uspostaviti Centar za razvoj poduzetništva u okviru Javne ustanove, a isto iziskuje proširenje, odnosno registriranje dodatnih djelatnosti Javne ustanove, a koje su navedene u predloženoj odluci. Pored potrebe za proširenje djelatnosti radi uspostave djelovanja Centra za razvoj poduzetništva, uzimajući u obzir činjenicu da Javna ustanova treba biti učesnik u identifikaciji primjene naprednih tehnologija iz oblasti obrambene industrije, suvremenih metalnih i nemetalnih materijala, posebno kompozitnih materijala, elektronski informativnih tehnologija, suvremenih tehnologija za preradu metala, optoelektronskih sistema, visokoenergetskih materijala itd, te da je posebna uloga Javne ustanove razvijanja i održavanje potrebnog broja stručnjaka koji će znati izvršiti upravljati, koji će znati izvršiti, upravljati, poboljšati integrirane procese u životnom ciklusu inženjerskih procesa neophodnih za istraživanje, razvoj i proizvodnju od interesa za Kanton Sarajevo i Federaciju Bosne i Hercegovine proistekla je potreba da se izvrši detaljna analiza ove postavke, odnosno ove materije. Shodno analizi pomenute materije, a u cilju daljnjeg rasta i razvoja Javne ustanove,

Ministarstvo privrede je zaključilo da je za potrebe rada Javne ustanove u dijelu Javne ustanove koje se odnosi na napredne tehnologije u oblasti proizvodnje naoružanja i vojne opreme potrebno izvršiti proširenje, odnosno registriranje dodatne djelatnosti Javne ustanove temeljem odredbi Zakona o proizvodnji naoružanja i vojne opreme, a koje je djelatnosti su navedene u predloženoj odluci. Imajući u vidu unaprijed navedeno, Ministarstvo privrede Kantona Sarajevo je pripremio Prijedlog odluke o izmjenama i dopunama Odluke o osnivanju Javne ustanove, te su u istom uključena pravna rješenja koje su zastupnici i zastupnice imali priliku da se upoznaju detaljno, da ja sada ne bi ovdje, detaljisao u vezi toga. Shodno navedenom, predlažemo da Skupština Kantona Sarajevo, u skladu sa Poslovníkom Skupštini je donese Odluku o izmjenama i dopunama Odluke o osnivanju javne ustanove Centar za napredne tehnologije u Sarajevu. Hvala vam.

### **Elvedin Okerić (Predsjedavajući)**

Zahvaljujemo se ministru Mijatoviću. Zastupnik Damir Marjanović se javi za riječ. Oprostite samo prije nego što vama dam riječ da li predstavnici radnih tijela žele riječ? Ima li pitanja? Zastupnik Damir Marjanović? Izvolite.

### **Damir Marjanović (poslanik/zastupnik)**

Ja se zahvaljujem. Zahvaljujem se ministru na prezentaciji svega ovoga. Normalno, pošto se prvi puta javljam, pozdravljam sve kolegice i kolege, kao i one koji prate ovu Skupštinu Kantona Sarajevo. Pogledao sam, znači ovu Odluku o izmjeni i dopuni Odluke o osnivanju Javne ustanove itd, koliko vidim, mijenja se u članu 2, gdje se prava i dužnost osnivača sada proširuju sa Ministarstva privrede i na Vladu Kantona Sarajevo. Moram priznati da mi je malo čudno jer se sjećam ove priče, a postaviti ću pitanje, ovo je mali uvod, a u diskusiji ću reći zašto mi je čudno? Zato što kada pogledate malo Statut, kada pogledate malo uposlenike, tamo vidite neke istraživače, vidite neke voditelje istraživanja itd. Nije mi bila jasna odluka ni 2019. pa sam tada komunicirao i rečeno je da će se to korigirati, ali ne vidim da se korigiralo, zašto se kao osnivač u ovoj cijeloj priči više ne pojavljuje Ministarstvo nauke, visokog obrazovanja i mladih? Jer prvo Ministarstvo koje je bilo osnivač ove priče 2018. godine je bilo tadašnje Ministarstvo koje je sadržavalo nauku kao nauku, tako da mi uopće nije jasno na koji način sada Ministarstvo privrede na neki način osniva, rukovodi i vrši neki nadzor nad jednom ovakvom institucijom u kojoj su zaposleni primarno istraživači. Druga stvar koja mi nije jasna, postavljam pitanje, znači ministru privrede, da li je bilo razmatrano da se to uradi i sugeriram da se napravi korekcija, da ne bude da se tačno i jasno i eksplicitno navede Ministarstvo za nauku u visoko obrazovanje mlade, između ostaloga, da preuzima pravo i dužnost osnivača. Može biti Ministarstvo privrede, ne znam zašto, ali eto, može biti i to. Drugo pitanje koje ću postaviti jeste zašto ste onda u okviru Centra kao dvije osnovne jedinice napravili 2 centra? Taj mi dio nije jasan. Možda pravno, to može da ispadne, ali imate Centar za napredak tehnologije i onda imaju dvije osnovne jedinice, zove ste Centar za napredne tehnologije osnovne jedinica i osnovna jedinica Centar za razvoj poduzetništva. Molim vas da mi pojasnite kako pravno, to me neodoljivo podsjeća na Bosnu i Hercegovinu koja ima u sebi Federaciju i Republiku. Sad mi nije jasno kako centar ima 2 centra.

I treće je pitanje vezano za Centar za razvoj poduzetništva? Znam, znam i priču i uopće nisam protiv Centra za razvoj poduzetništva, da pače, znam i kolega Pobrić se na tome jako zalagao, ima punu moju potporu, jesam protiv toga da se instalira bilo gdje, posebno u jednoj ovakvoj instituciji koja više nije ni naučna, nego, čini mi se, ide ka nekoj namjenskoj tehnologiji gdje instalirate Centar za razvoj poduzetništva. E sada, da li je to, treće pitanje, da li to Centar za razvoj poduzetništva, uopće, od frizerskoga salona, IT tehnologije, lingvističkih softvera, itd ili se radi isključivo o Centru za razvoj poduzetništva za potrebe naprednih tehnologija ili

namjenske industrije? To mi je jako bitno, to su ova prva 3 pitanja koja mi želim odgovoriti. Hvala velika.

**Elvedin Okerić (Predsjedavajući)**

Zahvaljujem se zastupniku Marjanoviću.

Ostali prijavljeni zastupnici jer pitanje ili je rasprava. Zastupnik Haris Zahiragić pitanje. Izvolite.

**Haris Zahiragić (poslanik/zastupnik)**

Zahvaljujem. Koliko će Centar za razvoj poduzetništva imati novozaposlenih, tj koliko će Centar za napredne tehnologije u Sarajevu, a zahvaljujući osnivanju Centra za razvoj poduzetništva imati novozaposlenih? Koliki je to godišnji iznos sredstava koji će građani Kantona Sarajevo platiti iz Budžeta? Koliko će ukupno koštati uspostava Centra za razvoj poduzetništva u sklopu Centra za napredne tehnologije u Sarajevu? Kakve veze zaista imaju Centar za napredne tehnologije u Sarajevu, Centar za razvoj poduzetništva u bilo kojem profesionalnom, stručnom, sistemskom, organizacijskom ili bilo kojem drugom smislu? Hvala.

**Elvedin Okerić (Predsjedavajući)**

Zahvaljujemo se zastupniku Zahiragiću. Zastupnica Vedrana Vujović, jel pitanja izvolite, imate riječ.

**Vedrana Vujović (poslanik/zastupnik)**

Zahvaljujem predsjedavajući i evo, prvi put se javljam, pozdravljam sve prisutne, članove Vlade i građane Kantona Sarajeva koji prate rad današnje Skupštine. Kolega Marjanović i Zahiragić su već postavili većinu pitanja koje sam namjeravala i ja. Ali evo, ja ću probati ovu sažeti u dva. Najviše se tiče upravo izmjene, odnosno proširivanja djelokruga rada, odnosno ovog Centra za napredne tehnologije koje se tiču ove proizvodnje naoružanja i vojne opreme. Interesuje me koja je opravdanost toga? Ja razumijem da je u pitanju CNT kao takav, da neke napredne tehnologije, šta zaista to podrazumijeva s obzirom da je riječ o javnoj ustanovi i a činjenica je da oni u tom nekom smislu ne bi smjeli ostvarivati profit prema zakonu? I drugo pitanje je, s obzirom, ako se proširi djelokrug na proizvodnju naoružanja i vojne opreme, da li je Ministarstvo već uputilo zahtjev prema resornom, prema nadležnom federalnom ministarstvu i prema Vijeću ministara, odnosno Ministarstvu vanjske trgovine i ekonomskih odnosa Bosne i Hercegovine, za izdavanje dozvole za proizvodnju naoružanja i vojne opreme? To su sve stavke koje su sadržane upravo u ovom jednom obrazloženju donošenja ovih novih osnivačkih akata u suštini, a razlog svemu tome koliko sam ja ovdje upratila, a vi me ispravite ako griješim jeste Odluka Upravnog odbora Javne ustanove od marta prošle godine, pa se na osnovu toga radio elaborat. Recite mi, ima li možda neka druga ekonomska opravdanost ili možda kao tržišna za Kanton Sarajevo da se ova namjenska industrija, odnosno proizvodnja naoružanja i vojne opreme, bude dio toga i da li ćemo mi sad raditi neke, pošto imamo veliki budžet izdvojen u Ministarstvu privrede za razvoj i poticaj male privrede i da li će se sad to odnositi na razvoj poduzetništva kod mladih upravo iz ove namjenske industrije? Hvala.

**Elvedin Okerić (Predsjedavajući)**

Zastupnik. Ministre, možete li ponuditi odgovore na postavljena pitanja?

**Zlatko Mijatović (ministar)**



Predsjedavajući, uzimajući u obzir da su određena pitanja, odnosno odgovori da će mi trebati za neke odgovore detaljnije pojašnjenje od saradnika i direktora Javne ustanove, ja bih zamolio da odgovore na ova pitanja dostavim pismenim putem.

**Elvedin Okerić (Predsjedavajući)**

Koliko vam treba pauza? Pauza pola sata.

NASTAVAK NAKON PAUZE

**Elvedin Okerić (Predsjedavajući)**

Nakon pauze nastavljamo sa sjednicom Skupštine Kantona Sarajevo. Došli smo do odgovora ministra privrede Zlatka Mijatovića. Izvolite, imate riječ.

**Zlatko Mijatović (ministar)**

Hvala, predsjedavajući. Bilo je nekoliko pitanja. Zahvaljujem na pauzi, uspio sam se konsultovati sa saradnicima, sa direktorom Centra za napredne tehnologije u vezi odgovora na iste. Zastupnik Marjanović je postavio tri pitanja. Ja ću pokušati jednim odgovorom odgovoriti na sva pitanja. Zašto Centar za napredne tehnologije se sada nalazi pod upravljanjem Ministarstva privrede? Odgovor je jednostavan, prije svega iz formalnih razloga, jer je u prethodnom periodu donesena Odluka o izmjeni Odluke o osnivanju Javne ustanove Centar za napredne tehnologije, gdje je upravljanje prebačeno tako da kažem u nadležnost Ministarstva privrede. Dalje, Centar za napredne tehnologije nije obrazovna institucija po našem shvatanju, to je ustanova oformljena da bude podrška privrednom razvoju, pa je stoga prirodno da bude pri ovom Ministarstvu privrede. Drugo pitanje zastupnika Marjanovića se odnosilo na organizacijsku strukturu predložene Odluke. Napominjem da je Centar za napredne tehnologije osnovan kao Javna ustanova, s tim u vezi ima potpuno autonomiju u smislu organizacijske strukture. CNT, odnosno Centar za napredne tehnologije u tom smislu naša intencija je bila, pošto je već stvoren određeni brend pod tim nazivom, da ostane kao naziv organizacione jedinice, a da se osnuje nova organizaciona jedinica unutar same Javne ustanove koja će nositi naziv Centra za razvoj poduzetništva. Također, ovakvom odlukom i stajalištem da se na ovakav način organizuje sama javna ustanova ide i u prilog da na ovakav način smanjujemo troškove, odnosno ne osnivamo neka nova preduzeća, javne ustanove, ne trošimo bespotrebna budžetska sredstva u tom vidu jer smatramo da je ovo preduzeće, odnosno Javna ustanova osnovana sa ciljem da se bavi razvojem i podrškom određenih privrednih djelatnosti.

Dalje, pitanje zastupnika Marjanovića se odnosno na otvorenost u smislu Centra za razvoj poduzetništva. Napominjem da pored inkubatora koji je dodatkom elaborata proširen i i, Centar za razvoj poduzetništva ima još četiri servisa. Ukoliko se pitanje odnosi na način otvorenost prema svim građanima, odnosno poslovnim subjektima, da, naša namjena jeste, odnosno intencija da ovaj Centar za razvoj poduzetništva u smislu ovih četiri servisa koji su u pravobitnom elaboratu bili definisani bude otvoren za sve poslovne subjekte, dok je sam inkubator namijenjen prvenstveno za start upove koji će biti financirani, odnosno podržani putem programa poticaja male privrede. Uvaženi zastupnik Zahiragić je postavio pitanje vezano za zaposlene, broj zaposlenih. Sistematizovano je u Centru za razvoj poduzetništva ukupno 7 radnika. Ove godine planiramo zaposliti 2 radnika u tom Centru. Budžet za ovu godinu iznosi i 1.290.000.

Zastupnica Vujović postavila je određena pitanja vezano u vezi svrhe Centra za napredne tehnologije. Moram istaći ovdje da nije riječ prvenstveno o namjenskoj industriji, odnosno da se Centar bavi namjenskom industrijom, prvenstveno je riječ da pruža podršku civilnim programima, međutim proširivanje djelatnost na ovaj način pružamo mogućnost Centru za

napredne tehnologije da se bavi i ovom vrstom djelatnosti, odnosno podrške namjenskom industriji. Hvala vam.

### **Elvedin Okerić (Predsjedavajući)**

Zahvaljujemo se ministru Mijatoviću. Otvaram raspravu. Prvi za riječ se javio zastupnik Damir Marjanović.

### **Damir Marjanović (poslanik/zastupnik)**

Hvala velika, zahvaljujem ministru na izuzetno korektnim odgovorima i preciznim odgovorima. Napraviti ću malu digresiju i diskusiji vezano i za postavljena na pitanja vezano za konkretnu Odluku koju vi sada donosite i mijenjate. Napraviti ću jednu malu retrospektivu i mislim da će se neki, ustvari pojedini zastupnici ovdje sjetiti nekih diskusija koje smo imali. Centar za napredne tehnologije je bio zamišljen, čini mi se, još 2017. Ili 18. godine i 2018. godine. Tada je, čini mi se, bio premijer Zolj, dobro sjećam Skupštine na kojoj je tada Centar za napredne tehnologije, osnivač se pojavio Ministarstvo za obrazovanje, nauku i mlade i tada je prikazao kao ulaganje u naučno- istraživačko djelovanje upravo taj Centar kakav jeste. Tadašnja sistematizacija je sugerirala da to nema baš neke pretjerane veze sa naukom. I dobro se sjećam diskusije, mislim da će i kolega Dević da to potvrdi kada je kolega Dević rekao da je to zamišljeno kao budući Institut Ruđer Bošković, pa sam ja između ostalog iskoristio priliku da kažem da sam imao priliku da radim na Ruđeru Boškoviću, da to tako ne izgleda. 2019. godine, i to je tako kako jeste. 2019. godine donešena je Odluka da se Centar osnivačka prava preuzme Ministarstvo privrede i sugerirano je da će on otići u jednome drugome pravcu i da će sistematizacija i funkcioniranje Centra otići u jednome upravo ovome pravcu koje je ministar na neki način izložio. I to bi bilo OK i mislim da je ministar to sad nekako naveo u hronologiji, da je prenešeno, ali ministar vjerojatno nije bio upoznat da je Centar tada trebao da doživi neke određene izmjene u sistematizaciji. Sada kada pogledate sistematizaciju Centra, a ona je, srećom, javno dostupna, kada pogledate na Pravilniku unutrašnje organizacije, pročitat ću vam par naziva radnih mjesta: vodeći istraživač u odjeljenju za dizajn, istraživač u dijeljenju za dizajn, istraživač za konstruisanje vozila, istraživač, istraživač, istraživač, istraživač. To su sve pojmovi koji se ipak tiču ne obrazovanja, kako su ministru pripremili njegove kolege, nego se tiču znanosti. Vjerojatno ljudi malo mijenjaju i miješaju dvije stvari kada spomenete nauku, ona se ne veže isključivo samo za visoko obrazovanje i vjerojatno malo i zaborave da postoji Zakon naučno- istraživačkoj djelatnosti, da postoje naučne institucije itd itd. Moja sugestija vezano za ovu vašu, prva stvar odmah puna podrška. Dobro se sjećam odluka koje smo svi donijeli zajedno 2019. Još jednom podržavam i zahvaljujem se, znam da je kolega Pobrić, koji je sada član Skupštine Kantona, ispravite me ako griješim i demantujte me, jako insistirao na tome. Ja podržavam da se napravi Centar za potporu, kako smo ga ovdje nazvali, samo da budem malo precizniji, da ne bi pogriješio izvinjavam se. Znači, centar za razvoj poduzetništva. Skupština je zauzela stav, između ostaloga, da se ovaj Centar stvarno stavi u Centar za napredne tehnologije, ali tada, kad je donesena ta odluka, rečeno je i nagoviješteno da će Centar za napredne tehnologije ići u malo drugačijem pravcu. U ovome momentu sada, ovako kako je napravljena sistematizacija, Centar za napredne tehnologije itekako zadire u dio onoga što zove znanost i naučno- istraživački rad i "research development". Stoga mi je logično da sada i vi sada mijenjate tu Odluku, vi ako ste primijetili, Odluka je bila da vam je nositelj prava ili osnivača, da vam Ministarstvo privrede i na neki način vi sad proširujete, proširujete na Vladu, a ja vam kažem nemojte proširivati na Vladu, nego između ostaloga proširite na ministarstvo koje sada imamo, konkretno, koje se zove za nauku, visoko obrazovanje i mlade. A u ovome slučaju upravo ovaj Centar za razvoj poduzetništva može da se doda i da se poveže sa onim za mlade, a što se tiče za naučnu, ovaj prvi dio, Centar za napredne tehnologije može da se poveže sa

upravo ovim Ministarstvom za nauku. Znači, moja sugestija je vrlo konkretna, nema problema, vi mijenjate Odluku i meni je to sasvim u redu. Posebno mi je u redu pošto sam vidio malo budžet ove godine, kolega Dević će se sjetiti, ustvari mi se te 2018 više prepirali oko novca koji si izdvaja za nauku, pa su ljudi htjeli prikazati da je to izdvajanje za nauku, pa sam ja objašnjavao da nije za nauku. Evo, sad me obraduje, vidim 5 miliona maraka iz Budžeta ide za ovaj centar i nemam nikakvih problema da kažem i da vam priznam ovoj Vladi da ide 5 000 000 maraka i za nauku, ako će biti na neki način pod kontrolom Ministarstva za nauku, visoko obrazovanje i mlade. Ali ima jedna druga stvar, onda dolazite do toga da u toj sistematizaciji kada sistematizirate pozicije morate uzeti u obzir i Zakon o naučno-istraživačkoj djelatnosti, a koji vam govori koje sve poslove možete prema tom Zakonu imati u takvom jednom Centru i kako se ispunjavaju uvjeti itd. Kada hoćete da budete stručni saradnik, viši stručni saradnik, naučni saradnik, viši naučni saradnik, savjetnik itd itd. E sad, upravo da ne bi bilo pogrešno shvaćeno, podrška ideji bez ikakvih problema. Međutim, hajmo od samoga starta da je postavimo tamo gdje treba da bude. Ovo je na neki način multitasking, ovo je multikoncepti nemam nitko, to je "applied science", primijenjena znanost. Sasvim je logično, evo ako će privreda ulagati novac tu, to je meni super, ali stavite ga u okvire nauke, stavite ga okvire onoga što nauka zahtijeva da bi to bio u stvarno "research development". Pogledate li spisak suradnje koji je Centar potpisao i čestitam, vidim tamo neki desetak, 15 ugovora već u suradnji ima, većinom su to naučno-istraživačke institucije, onda je sasvim logično da u ovome Centru, između ostaloga, kao osnivač se pojavljuje Ministarstvo za nauku, obrazovanje i mlade. Znači, to je vrlo jednostavan koncept. E sad, vezano za ovo, ja ovdje ću predstaviti pravni, ostavit ću pravnicima, meni samo nelogično zvuči da imate centar sa dvije organizacione jedinice koji se opet zovu centar. Centar po centru po centru? Da li je to? Kako to riješiti pravno, to ću stvarno ostaviti tamo ili nemam nikakav problem da se i naslov centra, vi kažete da je to brend, to je brend u izgradnji. Da sam naziv Centra doživi određenu transformaciju. I ima još jednu stvar koju ću morati malo da podvučem. Kada smo pričali o Centru za napredne tehnologije prije par godina, priča je bilo potpuno drugačija o ideji centra za napredne tehnologije. To uopće ne prebacujem, prema ministru koji je onedavno tu, pa čak ni prema direktoru, i prije samoga imenovanja ovog direktora priča o Centru je bila da će to biti između ostaloga inkubator gdje će se razvijati softverske priče, znanstveno istraživanje, pa bioomedicina, pa bioinženjersstvo itd. Ovdje ipak, Centar za napredne tehnologije idu u jednome pravcu koji je kolegica spomenula, ja ću ostaviti ljudima koji se malo bolje razumiju da to procjene ili ne, ako je to uistinu namjenska industrija, o tom potom, znači ipak da li to može biti pod Kantonom ili ne, ja ću ostaviti to sa strane i na koji način to može biti, to je OK, ali kako onda u jednom centru koji će s jedne strane se baviti namjenskom industrijom vrata do pravi se Centar za razvoj poduzetništva koji bi trebao biti najotvorenija vrata. Mene su malo učili, pa čak iz moje obitelji koji imaju tog nekog vojnog "backgrounda", da su ti centar za napredne tehnologije bio poprilično zatvoreni i tajnoviti koncepti, a s druge strane kancelariju imate koja treba biti najotvorenija vrata Kantona Sarajevo. Znači taj mi je koncept, dvije sugestije: prva sugestija ako pravite centar, dobro razmislite o njegovoj namjeni. Druga sugestija je definitivno kao osnivač se mora pojaviti Ministarstvo za nauku, visoko obrazovanje i mlade. I treća sugestija, vi ste rekli da želite napraviti neku uštedu, ja sam siguran da direktno pod Ministarstvom može da se napravi Centar za razvoj i poduzetništvo, da ne mora biti stavljano u jednu ovakvu instituciju? Znači na taj način izbjegavate direktore. Možda je ona prva odluka koju je 2019 donesena s ove Skupštine da se okviru ovog Centra stavi Centar za razvoj poduzetništva bila možda pogrešna, s obzirom da se nije znalo šta će, u kojem pravcu će ići Centar za napredne tehnologije u protekle dvije godine? Kao što rekoh, da podvučem još jednom, koncept Centra za razvoj poduzetništva je dobar i treba da se realizira i puna podrška. Druga stvar, ako razvijamo Centar za napredne tehnologije kao nešto što će biti budućnost namjenske industrije, što će donositi rješenja, ali

donositi određeni benefit i profit, nemam nikakav problem, podržavam, ali nemojte da neke stvari radimo preko koljena i hajte da ih postavimo, da sistematizacije i ljudi koji tamo rade u potpunosti možemo da ih stvarno nazovemo istraživačima. Ako pogledate u opisu tog posla, dosta toga manjka u sistematizaciji da bi netko uistinu bio istraživač prema, recimo, Zakonu o naučno-istraživačkoj djelatnosti. Znači to nije obrazovanje, nego nauka kao koncept. E sad, nadam se da ćete usvojiti ove sugestije. Odluka mi je sasvim OK da se podrži uz inkorporaciju, inkorporaciju ovih izmjena. Hvala velika.

**Vibor Handžić (Dopredsjedavajući)**

Zastupnik Zahiragić je slijedeći, izvolite.

**Haris Zahiragić (poslanik/zastupnik)**

Zahvaljujem predsjedavajući. Dakle odlično je kolega, odlična diskusija kolege Marjanovića. U suštini mislim da je na jedan kvalitetan način uspio ili pokušao objasniti razliku između onoga što je taj Centar trebao da bude i ono što je sada postao, s tim da se ne slažem samo sa njim u dijelu da li Kanton ima nadležnosti da razvija tehnologiju iz namjenske industrije. Tu se ne mogu složiti, ali se slažem i te kako da ako već to radi i ja mislim da treba radi, da ne možete to biti u istom krovom, jer dva, kako kažu ono, dva centra pod jednim krovom, ko dvije škole pod jedinim krovom, da nije jednostavno, da nisu povezani ni na koji način. Generalno napredne tehnologije kao takve nisu povezane sa poduzetništvom, osim u nekom najširem mogućem smislu, gdje bi se možda kroz star up biznis mogli povezivati tehnološki napredak itd, mada, to je potpuno. Ako mi ulažemo već 5 000 000 maraka u razvoj naprednih tehnologija to nema veze s poduzetništvom. Jel tako? Trebalo smo potpuno drugačije da to shvatimo, ali da se vratim na početak. Ovo kada je ovaj Centar za napredne tehnologije u Sarajevu je osnovan i kada je osnovan bio je pod Ministarstvom obrazovanja. Onda je Šestorka došla i onda je ona to promijenila. Uključujući i kolegu Damira Marjanovića, koji je, evo, sada je svjestan da je vjerojatno tada ako je glasao, napravio grešku ili nije, to je manje bitno. To je stavljeno pod Ministarstvo privrede. A intencija tog Centra, politička intencija, ako hoćete, je bila da sa Univerzitetom u Sarajevu i s Mašinskim fakultetom prave razvoj visoko sofisticiranih, između ostalog i softvera, i svih onih tehnologija i za namjensku industriju. Što bi u perspektivi, osim povećavanja naše generalne i ukupne namjenske industrije, doprinijelo i privredi KS, jer takve vrste patenata se na svijetu prodaju puno. Pogledajte primjer Turske i npr. i njihovog "game changer", njihovog patenta, kada je u pitanju dron kojeg oni imaju i Bajraktar, on je bio game changer u par ratova na svijetu i na neki način Turska je možda, to je jedna od najvažnijih vanjskopolitičkih alata Turske je bio, ta njihova vrsta nauke i u tom smislu sigurno da mi imamo pametnih mladih ljudi koji bi uz kvalitetnu podršku države mogli tako nešto raditi, ali isključivo pod okriljem nauke, dobro ste rekli. Nema nužno obrazovanje nego nauke. Ako ćemo mi sada to poduzetništvo na način evo imamo grant, hajde prijavi se, dobit ćeš 20.000, dobit ćeš doprinose, otvori firmu koja će se baviti tim i ako ćemo to svest na takav način da obezbjeđujemo privremena radna mjesta manjoj skupini ljudi, onda ovaj Centar izgubio potpuno svoju svrhu. Dakle, centar za napredne tehnologije i drago mi je da je dovoljan i dostatan iznos sredstava u budžetu za njega predviđen, međutim, on već par godina, koliko ste rekli kolega Marjanoviću, od 2018. godine, jel, već 5 godina ili 4, eto ne znam sada točno, ispravite me ako griješim postoji, nismo ni čuli ni vidjeli ni u tragovima njegova rezultate. Možda bismo i ne bismo mi trebali čuti jel, ako bi to bilo tajno, ali onda se ne stavlja Centar za razvoj poduzetništva u takvu vrstu priče.

Potpuno jedna promašena poenta. Ja predlažem da povučete ovu Odluku, da promijenite, da pripremite izmjene odluke kojima će se Centar za napredne tehnologije vratiti u Ministarstvo nauke i dodatno naučno kapacitirati. Da li treba uposlenicima dati status istraživača ili ne treba, da li on to žele ili ne žele, da li ganjaju reference ili ne, to je manje bitno, kolega Marjanović govori s pozicije, još uvijek reći ću mladog naučnika, ja iz neke druge pozicije,

tako da mislim da je to manje bitno, ali bitno je da bude na jednom mjestu prohodnost, ne ljudi, nego znanja, koje će u perspektivi doprinijeti da tehnologija kao takva, koja za svoj osnov u smislu napretka i napredovanja ima znanje, bude tamo gdje se znanje treba generisati, a ne u Ministarstvu privrede.

S druge strane, Centar za razvoj poduzetništva možda bi mogao biti pod mladim, u tom isto Ministarstvu ili može ostati u privredi?

Zašto niste napravili novi centar? Zašto gasite nešto? Ako niste u stanju ovaj Centar za napredne tehnologije voditi na adekvatan način, onda nemojte pokušati prenamjenjivati to. Vidio sam ovaj elaborat, stalno nam pišete dobar elaborat par ekonomskih stručnjaka, međutim jeste li vi njima rekli uopće što vi želite kada su? Da li su zastupnici i ministar da li je čitao elaborat? Budžet Kantona Sarajevo i ovaj elaborat koji smo dobili, intencije osnivanja Centra za napredne tehnologiju nisu uopšte povezani međusobno.

To su tri različite vrste politike i gledanja na isti Centar. Ja ne znam ko je, ministar privrede je novi, tako da možda on nije najadekvatnija adresa, međutim i jest, on je uzeo da bude ministar privrede, pa eto, neka, ako je u stanju da preuzme Ministarstvo, onda treba da bude u stanju voditi sve njegove centre i sve nadležnost koje je to Ministarstvo preuzelo, treba da nam kažete gdje uopšte ide ovaj Centar? U kojem smjeru ga želite razvijati?

Ja mislim da bi ovaj Centar trebao ostati ispod radara, mislim da treba dati još dodatno para, ali ga prebaciti u oblast nauke. I on će u perspektivi sigurno imati potencijal i za ekonomski i za finansijski i tehnološki razvoj, a ovaj Centar za razvoj poduzetništva, kako da kažem, ovo je isto da (nerazumljivo) u jedan ozbiljan centar, zapravo jednu ozbiljnu ideju. Ovo je jedan konačan kraj jedne ozbiljne ideje u kojoj je netko od zastupnika ili ministara bio je na par seminara, radionica i čuo je da je poduzetništvo dobro i imao onu tablu s onim flomasterima. Eto, od jednog ozbiljnog centra napravio to, seminar. I nakon 4 godine mijenjamo potpuno, za sada će koezistirati dva, a u perspektivi nema šanse Centra za tehnologiju sa Centrom za poduzetništvo, u budžetu nema šansu, jer će krenuti socijalne programe da guraju kroz ovo, u perspektivi. Prvo zapošljavanje, podrška start up biznisima, onda će ovaj Centar za tehnologiju biti potpuno ugašen, tako da pozivam ministra privrede na zaista najdobnamjerniji i u želji da oba Centra postoje na području Kantona Sarajevo, ali da budu dovoljno kapacitirana i adekvatno smještena, da povuče ovu Odluku i da nam spremi dvije nove odluke, izmjene ove koje će vratiti Centar za napredne tehnologije pod nauku i novu o osnivanju novog centra, ili bilo čega drugog koji je formalni oblik, manje je bitno, za poduzetništvo, obrt i možete proširiti još tu par djelatnosti, onda ćete imati jedan adekvatan sistemski pristup objema temama. Ovako, nemamo ni jedno ni drugo. Hvala.

### **Vibor Handžić (Dopredsjedavajući)**

Replika zastupnik Marjanović.

### **Damir Marjanović (poslanik/zastupnik)**

Ja se zahvaljujem kolegi Zahiragiću. Nije replika, da je neka konfrontacija, nego samo malo pojašnjenje. Te 2018. Godine kada je predložen ovaj Centar po svojoj sistematizaciji, po onome što je bilo napisano, nikako nije mogao da bude pod Ministarstvom nauke i obrazovanja, ono, i zato je možda bilo prebačeno. Sada, ovo što je napisano, ovo definitivno po meni ide, uzevši u obzir činjenicu da sad imamo razdvojena ministarstva i Ministarstvo kojem je stvarno maltene nauka u fokusu, onda definitivno može. I zato sugeriram da u ovoj odluci definitivno umjesto Ministarstva pravde i Vlade Kantona Sarajevo slobodno stavi Ministarstvo pravde, ako treba, privrede, pardon izvinjavam se, privrede, Ministarstvo privrede i Ministarstvo za nauku i obrazovanje i mlade. Hvala velika.

### **Vibor Handžić (Dopredsjedavajući)**

Zastupnica Vujović. Diskusija.

**Vedrana Vujović (poslanik/zastupnik)**

Zahvaljujem predsjedavajući. Evo, ja moram da se nadovežem na odgovore ministra. Ja nisam problematizirala svrhu postojanja Centra za napredne tehnologije, naprotiv, podržavam, jer i takva jedna institucija treba da postoji, mislim Kantona Sarajevo, osnivač treba da djeluje i upravo treba da djeluje na razvoju tih, da kažem, tehnologija različitih oblasti. To je tad jedan period bio čisto u fokusu IT sektor, meni je drago da se proširuje, ja sam samo pitala opravdanost ekonomsku opravdanost proširivanja djelatnosti i sa aspekta ove vojne industrije. To je jedan segment. I drugo pitanje na koje nisam dobila odgovor, pitala sam da li je pribavljena suglasnost Vlade Federacije i Ministarstva vanjske trgovine i ekonomskih odnosa, jer s obzirom ako proširujemo nadležnost, odnosno djelovanje određenog centra, poput ovoga, da li je pribavljena suglasnost za proizvodnju i promet naoružanja, to je čak dio koji stoji i u obrazloženju u razlozima donošenja upravo ovakve jedne nove odluke. Ja opet moram da se nekako složim i pozdravljam diskusije i kolege Marjanovića i kolege Zahiragića, naročito u kontekstu Ministarstva privrede i Ministarstva obrazovanja i nauke. Slažem se da prema sistematizaciji, ovakvoj sadašnjoj kakvoj jeste, ovaj Centar za napredne tehnologije u Sarajevu treba da bude pri Ministarstvu nauke, visokog obrazovanja, nauke i mladih Kantona Sarajevo, prema sadašnjem, znači da kažemo slici prilici kakvu imamo. Sa druge strane, pod Ministarstvom privrede sigurno treba da bude Centar za razvoj poduzetništva. Mi smo prije nekoliko mjeseci tokom diskusija javne rasprave o Nacrtu budžeta Kantona Sarajevo, kada smo problematizirali iznos, kada smo problematizirali iznos predviđen za razvoj male privrede, nekoliko dobrih miliona tu stoji, zapravo, čini mi se da je u pitanju čak i možda 400-500 000, čini mi se, ispravite me ako griješim. Dio novca će biti sigurno usmjeren na razvoj poduzetništva mladih i isto tako razvoj obrta i start up-a. Mene samo zanima kako će, na koji način ta dva centra funkcionirati pod novim centrom, pod tim nekim novim organizacionim jedinicama i kako će u suštini eventualno doći do razdvajanja. Mislim kako ćemo mi praviti od neke nauke start upe, a istovremeno prvobitno, u svrhu razvoja nauke i tog Centra za napredne tehnologije u Sarajevu, koji i sada treba da bude kao dio tog resora koji se bavi naukom i istraživanjem, kako ćemo taj dio nekako sinkronizirati i da li će zaista imati stvarnog nekog efekta? Kolega Zahiragić je problematizirao da li će imati, da li ćemo imati neku uspješnu, uspješan Centar za napredne tehnologije u Sarajevu, kao nešto inovativno u Kantonu Sarajevo, pa čak iz oblasti ove vojne industrije, ako treba, po potrebi, ne govorim da ne treba, znači ovo naglašavam, a sa druge strane, da li ćemo, da li će stvarna sadašnja ova njegova svrha istraživanja biti funkcionalna pod Ministarstvom privrede? I još jedno, nadovezat ću se da evo u Budžetu Centra za napredne tehnologije u Sarajevu kroz domaće kreditno zaduženje izdvaja se pola milijuna maraka za potrebe nabavke hidrogena. Koliko sam shvatila iz nekih medijskih natpisa da će to se vršiti za potrebe istraživanja hidrogena jer je Centar za napredne tehnologije nedavno je postao dio te jedne svjetske da kažem organizacije, jer kako već mreže? Pa me zanima evo samo iz ovog aspekta, znači, kada je u pitanju istraživanje, ispitivanje hidrogena, ne mislim da nema potrebe da ovaj Centar bude pod Ministarstvom privrede, već upravo da bude pod Ministarstvom obrazovanja i nauke. Hvala.

**Vibor Handžić (Dopredsjedavajući)**

Zahvaljujem zastupnice Vujović, zastupnik Dević je sljedeći, izvolite.

**Mahir Dević (poslanik/zastupnik)**

Hvala, dopredsjedavajući. Na ovu temu ja ne bih trebao ništa diskutovati posebno, najbolje bi bilo da sam onaj stenogram iz 2019. godine bio u prilici da ga pripremim za današnju sjednicu

i da vam dam da pogledate ono što smo tada govorili, šta će se desiti. I danas dolazimo u tu situaciju. Dobro se sjećam, evo, kolega Marjanović je spomenuo, ja i on smo tu različito gledali na ove stvari. Ja sam već tada inzistirao da taj Centar za napredne tehnologije mora biti u Ministarstvu za visoko obrazovanje, a onda ste vi kao Šestorka došli zajedno sa ministrom Bašićem, jedna od prvih stvari koju ste uradili da ste taj Centar iz Ministarstva za visoko obrazovanje prebacili u Ministarstvo privrede i to je podržavao tada i kolega Marjanović. Naravno, ja sam tada kazao ukoliko to uradite, vi ćete uništiti ovaj Centar, on nikada neće zaživjeti, neće postići svoje pune efekte. Naravno da sam ja njega u komentarima spominjao u smislu Ruđera Boškovića, jel u tom smislu, ne da kažem u kvantitativnom smislu da će to toliko biti, ali da je ideja bila jednostavno takva. Nije vam se to moglo dogovoriti. Kao i sve drugo što vam je na neki način ne moguće dogovoriti. I evo, 5 godina sada nakon toga, mi imamo još jednu kreativniju ideju, pazite.

Znači, vi ste danas došli do ideje da u Centar za napredne tehnologije inkorporirate Centar za razvoj poduzetništva. Pretpostavljam da ćete nekad na polovini mandata doći sa prijedlogom da i Tržnica pijace treba ući u sastav ove institucije. Da će to biti neka sveobuhvatna analiza koja će se napraviti unutar Ministarstva privrede i da će ona polučiti novo zapošljavanje određenih budžetskih korisnika, stranačkih kadrova, tzv. stranačko uhljebljavanje, to se tako zove jel i da neće postići nikakav rezultat. Ovo je zaista od danas ovo što ste predložili kao odluku, nešto što u potpunosti uništava ideju o osnivanju Centra za napredne tehnologije koji je bio potreba Kantonu Sarajevo, jer je Kanton Sarajevo univerzitetski grad, tu je najviše struke, najviše pameti i odatle jeste trebalo da se to sve interferira i na namjensku industriju. Očigledno ste vi potpuno okrenuli taj točak i sva ta pamet će otići otprilike iz tog poduzetništva vamo u krajnju liniju, još do Tržnice pijace i na takav način ćete vi to za jedno tri mandata završiti ovdje u Skupštini KS. Najdobronamjerniji prijedlog da jednu ozbiljnu ideju koja je bila usvojena od strane Vlade koju je predvodio gospodin Adem Zolj ste potpuno izopačili, pokvarili, nikakve efekte to nije dalo, a s ovim ćete ovu u čitavu instituciju, pretvoriti, u stvari Centar za razvoj poduzetništva. Vi ćete potpuno ugasiti ovu ideju. I ne znam kako vam je to moglo pasti na pamet da pravite dvije škole pod jednim krovom, pazite. Centar u centru?

Najdobronamjerniji savjet, razumijem, ministar je što, kažu, tek došao, nije učestvovao u svim ovim procesima, u najmanju ruku bilo bi ozbiljno od njega da jedna ovakva odluka od strane premijera i njega bude povučena na dalju doradu, uz konzultacije da se vidi šta se sve dešavalo? Nikakav hajr mi nećemo od ovoga imati ministre ako mi danas usvojimo ovu odluku, a onda vi u implementaciji ćete imati situaciju da će se ovo u praksi pretvoriti u Centar za razvoj poduzetništva. U to će se to pretvoriti. Evo, danas vam to kažem, pa ću vam, ako Bog da budemo živi i zdravi, taj stenogram izvaditi na kraju mandata, kao što sam i prošli put rekao da ćete uništiti takvu ideju. Drago mi je da je evo i kolega Marjanović danas jel na neki način priznao javno da je bila greška taj Centar izmjestiti iz Ministarstva za visoko obrazovanje. Tad je zagovarao da treba ići u privredu. Ja sam rekao ako ode u privredu pokvarit će, on su ovo sa dodatno pokvarili. Naravno da to treba vratiti u visoko obrazovanje, pogotovo što smo sad ova dva obrazovanja razdvojili ili ćete vi doći ponovo sa idejom za dva mjeseca ili pet da kažete 'ajmo mi ova obrazovanja ipak spojiti. Možda će to sljedeći potez vaš, ovaj biti. Nas kao Kluba SDA je prijedlog sljedeći?

Nisam čuo, kolega Bandiću. Imate pravo replike, možete kazati ono što imate. Naš prijedlog ispred Kluba SDA je sljedeći prema ministru, premijeru, Vladi, Skupštini, da ovaj materijal nije nužno, da se mora danas usvojiti, nije nužno, nismo vezani terminima da se to mora uraditi, da se ovaj materijal povuče sa sjednice Skupštine. Čudi me da nije već povučen kad se već povuklo pet, šest tačaka, da se ovo dobro izanalizira, da se ovo dobro pripremi i na nekoj od narednih sjednica, da se s prijedlogom da se jedan ovakav projekat Centra za napredne tehnologije obavezno vrati u visoko obrazovanje jer mu je tamo mjesto. Isključivo

u visokom obrazovanju. A vi onda uzmete pola ovog dokumenta kojeg ste nam predložili i ostavite u Ministarstvu privrede i nazovite ga Centar za razvoj poduzetništva. Mislim da je to dobra ideja i za ministarstvo i za sve nas. Naš savjet vam je da to tako uradite i na neku od narednih sjednica, da mi to, ako Bog da, usvojimo i podržimo i da vratimo to na pravi put. Ukoliko to ne uradite, besmisleno je da mi dajemo podršku nečemu što će na kraju otići do Tržnice i pijace. Ovo je put do Tržnice pijace. Eto to je naš prijedlog, ja se nadam da ćete iznaći snage da razumite šta vam govorim. Hvala.

**Vibor Handžić (Dopredsjedavajući)**

Zastupnik Marjanović, replika jel? Izvolite?

**Damir Marjanović (poslanik/zastupnik)**

Nemojte kolega Deviću da vam bude drago, nismo se tad slagali, ne slažemo se mi ni sad, drugačije je to koncept. Pričali ste o uhljebljavanju? Ja sam tad 2018 kad sam pročitao taj dokument, vrlo jasno rekao da tako predviđen institut, centar, kako god se zvao, nema nikakve veze sa tadašnjim ministarstvom obrazovanja, nauke i mladih i tadašnji. I meni je tad mirisalo na uhljebljavanje stranačko, tako da nemojte u tom pravcu, tad su neki drugi očigledno htjeli uhljebljavati. Međutim u ovome procesu znači kako je bilo zamišljeno, kako je prezentirano na Šestorci tada, Centar je, treba otići u jednome drugome pravcu. Sadašnji, ova sistematizacija itekako mirše na novom Ministarstvo koje smo mi napravili, vi se niste slagali i koje stvarno treba, to je Ministarstvo za nauku, visoko obrazovanje i mlade. Ma niste se slagali, vi ste predlagali da se nešto uradi, pa onda ste glasali protiv toga, ali nema veze. U svakom slučaju, drago mi je da se vi slažete, da sad jedno takvo ministarstvo definitivno treba, i to fino je čuti od vas da ste i vi tu promijenili mišljenje. Ja ne mislim, mislim da je Centar za napredne tehnologije mogao je bolje, ali mislim da je postigao neke zanimljive rezultate. Baš sam pratio jer me je jako interesovalo i ono što sada vidim jeste da jedan segment tog Centra definitivno naginje je kao onome što se zove "research and development" i nije ništa neuobičajeno da na osnovu novih činjenica ja sada predložim da ne bude ekskluzivno samo privreda, nego da se i Ministarstvo za nauku i visoko obrazovanje uključi u cijelu priču. To će samo pomoći Centru da bude još jači i još bolje. Kod mene, moram priznati, nije problem da se napravi neki miks, s tim što kažem još jednom, malo mi je neobično ako se bude stvarno išlo u nekoj namjensku industriju, onda, kao što reko, dvije kancelarije, jedna pod ključem i 5. nivou zaštićenosti, a druga treba biti najotvorenija. Taj mi je dio nelogičan, ali kao što rekoh, ako Centar za napredne tehnologije nastavi ići u ovome pravcu koji podržavam, nastavi realizaciju ugovora koji je tamo potpisao, većinom sa univerzitetima, znanstveno istraživačkim institucijama, onda definitivno da bi olakšali tom Centru dajte mu da ipak, dio je ingerencije, ide i pod konkretno Ministarstvo za nauku, visoko obrazovanje i mlade. Hvala.

**Vibor Handžić (Dopredsjedavajući)**

Odgovor na repliku zastupnik Dević.

**Mahir Dević (poslanik/zastupnik)**

Hvala, dopredsjedavajući, sad mi je još žalivije što nisam ponio onaj stenogram kolega Marjanoviću, zaista, vjerujte mi, ali potrudit ću se da ga nađem na neki od narednih sjednica, ukoliko ministar prihvati i da povuče ovu tačku dnevnog reda.

To što se je nešto kod vas promijenilo usput da tadašnji Centar za napredne tehnologije nije mogao biti u Ministarstvu visokog obrazovanja, a današnji treba biti, naravno, vi ćete sebi dati te odgovore. Moja teza je bila ovakva, da sam kazao da ukoliko to uradimo, ne ostavimo ga u Ministarstvu za visoko obrazovanje, nauku i mlade, tada je, znači, čitavo ministarstvo jedno bilo, nije bilo razdvojeno, moja teza je bila da ukoliko to taj Centar za napredne



tehnologije prebacimo iz Ministarstva za visoko obrazovanje u Ministarstvo privrede da ćemo ga uništiti. Mi smo njega bukvalno uništili, 5 godina je prošlo o rezultatima tog rada Centra bi mogli govoriti ovdje. Oni su vrlo slabi u odnosu na ono što je bila ideja koja je nastala bila u suradnji sa Federalnom Vladom i sa federalnom vlašću i premijerom i potrebom da se razvija, pa i namjenska industrija. Ništa se od toga tu nije razvilo, a sada se ide korak dalje da se u to dodaje ovaj razlog poduzetništvo i obrt i ja sam predložio na kraju još da dođete do Tržnice pijaca i da to predstavite kao historijsku reformu koja se desila u Kantonu Sarajevo, da uzmete ti 5 000 000 i da ih tamo potrošite, nemojte te ugovore, ovaj nije važno, ne moramo ni znati šta je u tim ugovorima itd, itd. Naći ću ovu diskusiju, vjerujte mi, za neku od narednih sjednica, ali evo najdobronamjerniji prijedlog ako želite da poslušate opoziciju.

A čini mi se da je ovo opozicija ovdje saglasna na neki način da povučete ovaj materijal, da se on doradi. Centar za razvoj poduzetništva OK u Ministarstvu privrede, Centar za napredne tehnologije vratiti nazad u visoko obrazovanje i da imamo dvije potpuno različite stvari, a ne da imamo dvije škole pod jednim krovom gdje nećemo ništa uraditi? Znači vi ste svjesni da od tog neće biti ništa i nemojte da usvajamo neke odluke o osnivanju centara izmjenama tih odluka koje u praksi neće polučiti ništa, osim što će se negdje, ne znam potrošiti, distribuirati 5 000 000 konvertibilnih maraka na neki javne pozive, a nećemo postići ono što bi trebali biti ciljevi. Hvala.

#### **Vibor Handžić (Dopredsjedavajući)**

Izvolite zastupniče Marjanović.

#### **Damir Marjanović (poslanik/zastupnik)**

Kolega Dević vi ćete naći transkript, a ja ću vam naći originalnu sistematizaciju, pa ćemo to vrlo rado da usporedimo. I samo jedna stvar da ne bi bilo nikakve nedoumice. Tada kada smo vodili diskusiju, centar nije postojao, osim ako je možda imao v.d. Direktora. On jeste tada kada vodili tu diskusiju, bio je uspostavljen, bio je, mislim da nije ništa konkretno ni jedan projekat nije realiziran. Znači u ovome momentu on jeste realizirao neke projekte, možda je otišao u nekome drugome pravcu i sada sa ovoga stanovišta i s ove tačke u potpunosti stojim na tome da će mnogo Centru olakšati ako se bude, između ostaloga, kao osnivač pojavilo ovo Ministarstvo. Tada, na osnovu te sistematizacije i onoga što je kolega Zolj, ustvari tadašnji premijer Zolj pojašnjavao, ni pod razno nije moglo da ode pod takvo ministarstvo koje je postojalo. Tako da je da čekam da razmijenimo vi i ja te dokumente, vi transkript, a ja sistematizaciju. Hvala.

#### **Vibor Handžić (Dopredsjedavajući)**

Da zaokružimo, izvolite zastupniče Deviću.

#### **Mahir Dević (poslanik/zastupnik)**

Nisam ja od tada na toj sjednici govorio uopće o sistematizaciji radnih mjesta unutar tog Centra, možda ste vi, ne znam, ali naći ćemo i to u transkriptu ako ste, naravno da je Centar postojao, naravno da je tu odluku donijela bila Skupština Kantona Sarajevo i glasali su bili svi. Čak i ovi iz Naše stranke su tu tada glasali za jedan takav dokument jer ga vjerovatno nisu bio dobro pročitali. Kraj je bio to mandata, ja mislim predzadnja ili zadnja sjednica je ovako bila. A onda kada ste to pročitali, onda ste skontali da to treba izmjestiti iz visokog obrazovanja u privredu i među prvim odlukama koje ste promijenili je bilo to. I ja sam tada govorio da je to put u propast ove ideje i danas se pokazuje da se to ustvari ovaj desilo. Znači, sve je postojalo, točno i da je postojao v.d. direktor, uposlenika nije bilo, znači, jer je to bio kratak vremenski period, ali se izgubilo evo ga 5 godina i na kraju tog puta upravo onako kako sam upozorio da će se desi, mi smo došli do Centra za razvoj poduzetništva koji je,

naravno, potreban Ministarstvu privrede, ali ono što je bila tadašnja zamisao i ideja i federalnog premijera i kantonalnog premijera i ministra financija tadašnjeg, to je u potpunosti upropašteno i uništeno. A to je bila jedna od prvih tačaka čini mi se, ma evo provjerit ćemo i te datume, čini mi se par mjeseci nakon što ste vi došli, odmah ste to promijenili tu odluku. E sad ste došli u situaciju nakon 4 godine da vraćamo to ponovno u visoko obrazovanje. Naravno, tražimo drugu argumentaciju, ali činjenica takva, u jednom momentu ste bili protiv toga, danas ste za to. Ali evo, naći ćemo sve te dokumente pa ćemo uporediti. Hvala, evo, da zaokružimo ovaj ciklus.

**Vibor Handžić (Dopredsjedavajući)**

Zastupnik Pobrić je sljedeći, izvolite.

**Rusmir Pobrić (poslanik/zastupnik)**

Hvala dopredsjedavajući, vrlo ću kratko. Malo me čudi, dijelovi diskusije me čude od strane kolega iz opozicije. Podsjetit ću samo da je dio zaključka sa Tematske sjednice o mladima ili taj zaključak broj 14. Inicirao osnivanje ovog Centra. I prije svega da pozdravim da je konačno jedna Vlada krenula da implementira zaključke Skupštine, a vrijednost ovog zaključka je da je jednoglasno usvojen. A zaključak je glasio: „Osnivanje Centra za razvoj preduzetništva pri Centru za napredne tehnologije“. I glasali su svi, i kolege iz SDA i DF i kolega Marjanović. I ovo je implementacija tog zaključka. Ograđivanje od vlastitog zaključka, ne znam zbog čega, valjda bi ovo trebalo biti dobra praksa, oko nečeg se zajedno usuglasila tad čitava Skupština i da se jedan plemenit projekt implementira. Toliko hvala.

**Vibor Handžić (Dopredsjedavajući)**

Zastupnik Marjanović replika.

**Damir Marjanović (poslanik/zastupnik)**

Zahvaljujem kolegi Pobriću, razgovarali smo u pauzi i ja sam više puta spomenuo uopće nije upitno da bude Centar za razvoj poduzetništva takav kakav jeste. Dobro se sjećam te Tematske sjednice, mnoge stvari nisu, nažalost, ni iz Tematske sjednice za razvoj obrazovanja, ni za položaj mladih, nisu još uvijek realizirane. Ali, evo, drago mi je da se ova realizira, ali ću podsjetiti kolegu Pobrića 2019, čini mi se da je to tada doneseno i 2019. godine Centar za napredne tehnologije nije imao niti blizu ovakve projekte koje sada ima i koje prezentira. I u tom periodu kada sam razgovarao sa kolegama iz stranke koje dolazi kolega Pobrić, Centar za tehnologije je trebao ići u jednom sasvim drugome pravcu.

Zamoliti ću ga da se raspita malo kod svojih kolega iz stranke i zna se u kojem se pravcu trebalo ići. E sada, onda je bilo sasvim logično, ako će Centar ići u tom pravcu, da podržim ideju koja je došla iz NIP-a, da Centar za razvoj poduzetništva bude u tom jednom Centru napredne tehnologije. Nažalost, ovaj pravac sada koji je zauzet, ne kažem, nažalost, malo je drugačiji i dozvolite mi da promijenim, ne da promijeni mišljenje, nego da preispitam samo poziciju. Znači, uopće, što nije upitno da u sklopu Tematske sjednice je donesen za zaključak treba Centar za razvoj poduzetništva. Uopšte nije upitno da mi takav centar trebamo, jako ga trebamo. Puna podrška toj cijeloj priči. Uopće nije upitno da je to u sklopu bio zaključak da bude u Centru za napredne tehnologije, kao što nije upitno da lista projekata i aktivnosti tadašnjeg Centra za napredne tehnologije se značajno razlikovala od onoga što danas imamo. Znači nemojte uopšte upitnik nad glavnom da imate, zašto ne bi to modificirali u tom pravcu otišli, da ovaj Centar kakav jeste ipak možda pronade i mjesto negdje u sklopu nekoga drugoga koncepta. Možda direktno pod ministarstvom, ali ja ću opet staviti fokus na svoju diskusiju. Ja sam to postavio kao upitnik. Ako me ubijedite da je to sasvim normalno, da ova dva centra idu u jednu instituciju, nemam problem. Ja samo stavljam fokus na dio

diskusije koji je meni mnogo bitniji, da sada kao osnivač, pošto sada širite, to je tačka, pogledajte Odluku, vi u odluci kažete više nije samo Ministarstvo privrede, nego i Vlada, ja samo izvlačim da podjednako bitno za funkcioniranje ovakvog Centra, kakav sada imate u Statutu napisan, nije samo Ministarstvo privrede, nego je i Ministarstvo za nauku, visoko obrazovanje i mlade. Pa možda ćete se i vi složiti sa tim pošto spominje u Ministarstvu za mlade pa upravo recimo taj Centar za razvoj poduzetništva mi nekako logično da se veže za Ministarstvo za mlade. Znači, ne derogiram svoju odluku. I dalje bi je ponovio shodno činjenicama i podacima koje smo imali 2019, kao što sada stojim iza svoje odluke da bi trebalo razmisliti da li ova dva centra mogu da idu zajedno i između ostalog, ako već idu zajedno, zašto da ne proširimo ipak nadležnosti dva ministarstva nad njim. Hvala velika.

**Vibor Handžić (Dopredsjedavajući)**

Zastupniče Pobrić je li odgovor, jel odgovor na repliku ili je druga diskusija? Šta? Prijavljeni ste pa zbog toga?

Pa odgovor na repliku.

**Rusmir Pobrić (poslanik/zastupnik)**

Hvala dopredsjedavajući. Ja znam za dobru namjeru tada gospodina Damira Marjanovića, kolege i da to nije upitno. Međutim, malo para uši, ova konstatacija, u šta se je to Centar sada pretvorio? Centar za napredne tehnologije, mislim. Dakle, prošle godine, čini mi se u septembru, bila je javna prezentacija svih projekata koje Centar radi. Dakle, nije riječ ni o kakvoj tajnoj organizaciji, nego ustanovi Kantona Sarajevo. I da, ima i civilne programe i puno toga. I govoriti kao da je riječ, ne znamo, o tajnoj organizaciji vojnog karaktera koji sad treba pridodati Centar za razvoj poduzetništva zaista ne stoji. A druga stvar i projekti ovog, kako bi rekao namjenskog karaktera rade se i to se može i na stranci vidjeti Centra za napredne tehnologije i u saradnji sa EUFOR-om i u saradnji sa NATO snagama itd. Dakle, jedan proces podrške privredi, pa i namjenskoj industriji u tome je do proizvodnje samog prototipa proizvoda i jeste istraživačkog karaktera, dijelom i naučnog, ali svakako dijelom i privrednog razvoja, najviše u tom kontekstu. Tako da nimalo neprirodno ne vidim da je Centar za razvoj preduzetništva upravo inkorporiran u Centar za napredne tehnologije, a da ponovim u skladu sa Zaključkom Skupštine Kantona Sarajevo, koji je jednoglasno usvojen.

**Vibor Handžić (Dopredsjedavajući)**

Izvolite, zastupniče Marjanović, odgovor.

**Damir Marjanović (poslanik/zastupnik)**

Ljudi, meni se sviđa u što se ovaj Centar pretvorio zato što u zadnje dvije godine od jednoga potencijala postao je konkretan, ja vidim prve konkretne rezultate i meni je to sasvim OK. Ako je to procjena, ako je u skladu sa Strategijom razvoja Kantona Sarajeva, ako je to procjena sa razvojem ovoga društva, meni je to sasvim u redu, nemojte upitnik nad glavom da imamo. Znači vi ste problematizirali meni zašto sam podržao odluku između ostalog 2019 vezano za Centar za razvoj, za podršku u privredi. Znači, to je, zato sam vam pojasnio da vam vratim još jednom, vi ste sad u svojoj izjavi kolega Pobriću, mislim, mi smo pričali na tu temu i kao mislim da se vi i ja 99,9 posto slažemo, ali ste vi između ostalog, jasno spomenuli da imate i suradnju sa naučnim institucijama centra. Znači da se i Centar treba baviti, između ostalog, naukom. I bavi se naukom. I zato to ide u korist onoga u prilog onoga što sam ja rekao, ljudi to je toliko jednostavno, imate Odluku član 2 i rekli ste, širite, mijenjate taj član i u tom članu je nekad pisalo Ministarstvo privrede. Sad piše Ministarstvo privrede i Vlade Kantona Sarajevo, samo napišite Ministarstvo privrede zarez, Ministarstvo nauke, visokog obrazovanja i mladih i Kantona Sarajevo. Ako je procjena predlagača da može tu ova dva

centra staviti pod isti krov, ja ću prihvatiti, to je rizik predlagača. Meni je mnogo bitniji ovaj koncept da ljudi, ako se netko bavi naukom, između ostaloga, mora da poštuje određene uzuse i određena pravila koja naučno- istraživačka djelatnost pokriva, a u političkome smislu to ko je odgovoran za taj dio zove se Ministarstvo za nauku, visoko obrazovanje i mlade. Hvala velika.

**Vibor Handžić (Dopredsjedavajući)**

Zastupnik Dević replika isto, izvolite.

**Mahir Dević (poslanik/zastupnik)**

Kratko ću kolegi Pobriću ovaj odgovoriti jer smatram da je jedan zastupnik koji je ono pokušava da govori argumentovano i da kažem da iznosi neke činjenice. Znači, mi smo, kad je Klub SDA u pitanju ovdje, bili potpuno suprotnog mišljenja u odnosu na tadašnju Šestorku, čiji dio je bio i kolega Marjanović. Evo sad se, jasno, iz diskusije kolege Marjanovića vidi da ste vi to zajedno radili, da ste i te zaključke eventualno zajedno usvajali, davali imena, hoće li se to zvati pri ovom Centru ili neće, itd, itd. Znači, radi javnosti, mi smo imali dijametralno suprotan stav, mi smo tada govorili i tvrdili da to sve treba da ostane u Ministarstvu za visoko obrazovanje. Ono što se mijenja sa današnjom Odlukom naš stav je sljedeći da mi smatramo da Centar za razvoj poduzetništva ne treba biti unutar ove institucije. Pa evo po cijenu, bez obzira da li je neto negdje nešto eventualno i glasao, provjerit ćete zaključke tamo, provjerit ću te zaključke tamo, kad kažete SDA je podržala ovaj, to treba izanalizirati, što kažu, provjerit ćemo, naravno, sve te podatke, ovaj, provjerit ćemo te sve podatke da vidimo, ali su naši politički stavovi bili kristalno jasni, da to treba biti u Ministarstvu visokog obrazovanja, da ne treba ići uopće u privredu, a danas je stav da poduzetništvo ne treba biti unutar Centra za napredne tehnologije. Evo, to je to. A ostalo ćemo, naravno, isprovjeravati. Ja ću doći do ovih materijala, svih, da vidim Tematsku sjednicu za mlade, koliko se sjećam, spremao kolega Marjanović zajedno s vama, pisao.

**Vibor Handžić (Dopredsjedavajući)**

Ispravka krivog naroda, zastupnik Marjanović. Evo i vi kolega Deviću u sudijskom vremenu krivi navod.

**Damir Marjanović (poslanik/zastupnik)**

Duboko poštujem memoriju gospodina Devića, ali nisam. Znači, što se tiče Tematske sjednice za mlade, moj upliv je bio relativno mali i mislim da su to kolege iz NIP-a. Mislim da je ministar tu odigrao veliku ulogu, a znam da je imao veliku pomoć kolege Pobrića, ja sam sudjelovao u tom cijelom, kao i svaki zastupnik kao što je sudjelovao, pa vjerojatno kao savjetnik, ja mislim zato što prepoznajem dobar rad i znam kako kolega Pobrić dobro radi. Ja sam se više fokusirao na Tematsku sjednicu za obrazovanje, a to su bilo dvije sjednice. Ne zamjerite kolega samo da vam pomogne sa prisjećanjem.

**Vibor Handžić (Dopredsjedavajući)**

Nastavite kolega Deviću.

**Mahir Dević (poslanik/zastupnik)**

Zahvaljujem kolega Marjanoviću. Naravno, to je vaš stav, ja ga poštujem, ja sam čuo maloprije da ste vi ovdje nama prepričali vašu podršku sa davanjem tačnog imena i prezimena nazivu tog Centra i da ste to dogovarali zajedno sa Šestorkom i da ste kolegi Pobriću koji tada nije bio zastupnik kazali raspitajte se malo kod ovih koji su bili prije vas šta su sa mnom dogovarali. Ako to nije bio dovoljan argument koji ja iznosim pred javnošću, da ste vi u tom

učestvovali, a da se vi formalno sada ograđujete kao da niste, naravno da ste vi više inzistirali na tematskoj sjednici obrazovanja, ali ste sami sada priznali da ste u tom učestvovali. Pa to ste rekli prije 5 minuta, tako da mene memorija jako dobro služi. Ja sam samo prepričao ono što ste vi kazali prije 5 minuta i kazao sam da ste promijenili te stavove. I to je dobro bože moj, promijene se stavovi, napravi se greška, evo možda smo i mi eventualno za nešto glasali, pa napravili grešku, ali su naši stavovi ovdje bili kristalno jasni. Znači, dva čovjeka koja su najviše na toj sjednici raspravljala o ovom Centru smo bili ja i vi i sukobljavali su oko toga, ja govorio da to treba biti u visokom obrazovanju, a vi da treba ići u Ministarstvo privrede. Viši je od ministra Bašića. Dobro, zvalo se ministarstvo za odgoj, za obrazovanje i to ste izdijelili, dali nekih imena petnaest. To je to dopredsjedavajući.

**Vibor Handžić (Dopredsjedavajući)**

Samo da pitam. Dobro zastupnik Dević je replicirao zastupniku Pobriću, dakle, može se replicirati dalje u tom kontekstu. Pitam kolegu Zahiragića je li ovo druga diskusija ili replika na kolegu Pobrića?

Dobro. Zastupniče Marjanoviću, vi se isto možete javiti za drugu diskusiju? Jel kolega Devčić je replicirao skroz drugom zastupniku nije vama, zato i govorim. Pa evo, javite se vi za drugu diskusiju izvolite zastupniče, Zahiragić.

Ajde, ispravka zastupnik Marjanović.

**Damir Marjanović (poslanik/zastupnik)**

Ispravka netočnog navoda kolega Dević miješa 2 sjednice i 2 diskusije. Prva diskusija je bila oko usvajanja budžeta kada je krajem 2018. početkom 2019. tad smo najviše vi i ja diskutovali oko Centra za napredne tehnologije. A što se tiče Tematske sjednice za mlade, tu nismo diskutovali oko toga. I jedna ispravka netočnog navoda, vi stalno govorite ministarstvo za visoko obrazovanja kad smo diskutovali na tu temu, tada Ministarstvo za nauku, visoko obrazovanje i mlade nije postojalo, nego ste se vi jako borili da ne postoji ni poslije. Znači, to je sad cijela, mijenja poprilično cijeli koncept svega ovoga o čemu smo diskovali. Znači, nemojte se ljuti, nije ovo nikakvo prepucavanje, nego koristim. Naučio sam se i ja malo mudrosti, pa koristim ovo ispravku netočnog navoda, da vam repliciram na ovo što ste rekli. Hvala.

**Vibor Handžić (Dopredsjedavajući)**

Iako nije bila ispravka krivog navoda, ali evo, dat ću i vama tu šansu. I nemojte više molim vas, a vi se zastupniče Zahiragić samo opet prijavite.

**Mahir Dević (poslanik/zastupnik)**

Dobacuje već treći put kolega Bandić, upozorite ga molim vas. Hvala lijepo. Ja ovdje bih sada bi trebao kolega Marjanoviću ispraviti cijelu vašu ispravku krivog navoda. Znači, mi smo diskutovali na ovu temu koju sam ja kazao, da li da ostane u Ministarstvu obrazovanja, ne na budžetu, već na odluci koju ste mijenjali, ne na budžetu, nego ste vi mijenjali Odluku o osnivanju Centra i tada ste ga prebacivali iz Ministarstva obrazovanja u Ministarstvo privrede? Tako da vaša cijela diskusija to kako ste poredali je u stvari netačan navod. Tako da ispravljam cijelu tu diskusiju. Ne samo jednu stvar.

**Vibor Handžić (Dopredsjedavajući)**

Dakle, oba ova ispravke krivog navoda su bilo ustvari replike i ovaj eto pustio sam po jedan put. Izvolite zastupniče Zahiragić, druga diskusija.

**Haris Zahiragić (poslanik/zastupnik)**

Ko napusti raspravu, pa makar bio u pravu, gospodar će mu sagraditi kuću u dženetu. Znaš Mahire to? Nemojte sada, male su to, sitnice su, ko je šta rekao, otišli ste od suštine. Mislim razumjeli smo. Je, ja ne raspravljam, želim da još jedanput ovaj posavjetujem ovog. Mislim mogu ti pomoći sad da repliciram kolegi Marjanoviću da i tada Ministarstvo visokog obrazovanja, bilo u sklopu Ministarstva obrazovanja itd, ali otići ćemo duboku u diskusiju. Koliko će Centar za razvoj poduzetništva obemisliti ovaj Centar za razvoj napredne tehnologije u Sarajevu, najbolje govori koliko smo mi ovdje, u diskusiji se više dotakli samog poduzetništva nego razvoja tehnologija, kada evo i gospodin Pobrić i par ljudi, kao razlog donošenja ove odluke navodite sjednicu za mlade. (nerazumljivo)

Nije Centar za napredne tehnologije ovdje usvojen da bi mogli mladi imati start up biznis. To je puno i puno i puno ozbiljnija priča trebala biti u samoj svojoj ideji, a ovo govorim iz pozicije čovjeka koji je bio na mjestu gdje su donosile ovakve vrste ideja, koje su kasnije trebale biti realizovane kroz Skupštinu Kantona Sarajevo. A onda, daleko od toga da mislim da ima veze iko kolega Pobrić sa tim, niti novi ministar. Neka crna ruka u Kantonu Sarajevo, u to sam, uvjeren se upetljala, i potpuno obesmisli ovaj Centar za razvoj naprednih tehnologija i spriječila ga, evo četvrtu, petu godinu, da vrši svoju funkciju koju je tada trebao vršiti. To jeste razvoj naprednih tehnologija, između ostalog, ne znam zašto nekome smeta, specifično namjenskoj industriji. I on je tada trebao biti pod Ministarstvom obrazovanja pod UNSA, zajedno sa Mašinskim fakultetom, oni su bili profesori koji su eminentni stručnjaci za oblast namjenske industrije. Mi smo to sveli i sada tek svodimo s ovim izmjenama na NGO. I OK, svedite ga na NGO, svedite ga u Zavod za zapošljavanje, svedite ga na bankomat, ali ste jednu dobru ideju pokvarili. Ako ste zaista dobronamjerni, povući ćete ove izmjene, ispraviti, napraviti bolje izmjene, a novom odlukom osnovati Centar za poduzetništvo koji svakako treba ovom društvu i to je ne na nivou da će on riješiti nezaposlenost, da će popraviti poduzetništvo, pogotovo ako budete mentorisali, ako budemo mentorisali mi ovdje iz Skupštine. Sve eksperti za poduzetništvo, možeš si misliti. I treba, ali neće ni to biti epohalno ni historijsko. Poduzetništvo se treba popraviti mjerama, konkretnim izmjenama zakona, propisa, a ne pravljenjem centara i pričam o tom. Eto hvala.

### **Vibor Handžić (Dopredsjedavajući)**

Zastupnik Dević druga diskusija, izvolite.

### **Mahir Dević (poslanik/zastupnik)**

Ja ću kratko radi javnosti, naravno, samo još jednom da poredam ovu hronologiju dešavanja oko ovog Centra za napredne tehnologije. Znači, saziv Skupštine Kantona Sarajevo, koji je bio 2014. do 2018. godine na nekoj od posljednjih sjednica je donio Odluku o osnivanju Centra za napredne tehnologije. Čini mi se jednoglasno da su to uradili. Po toj odluci, Centar za napredne tehnologije se nalazio u Ministarstvu za visoko obrazovanje, kako god da se je tada zvalo, znači nalazio se u sklopu visokog obrazovanja. Nakon toga kraj 2018. i početak 2019. godine formira se tzv. Vlada Šestorke, imenuju premijera, imenuju Vladu, prave je skupštinsku većinu ovdje u ovoj sali i na, ne znam, sada točno, ne mogu kazati na tačno kojoj sjednici, ali par sjednica Skupštine Kantona Sarajevo nije prošlo, ministar tadašnji Haris Bašić izlazi sa prijedlogom da se ova institucija Centar za napredne tehnologije, izmjesti iz Ministarstva za visoko obrazovanje u Ministarstvo privrede. Tada mi kao Klub diskutujemo i govorimo da to ne treba raditi, da će to taj Centar potpuno obesmiseliti, da taj Centar neće zaživjeti u onom kapacitetu u kakvom je trebao da zaživi i da neće dati puni efekte onoga čega je trebao da ga da. Nismo bili poslušani, bili smo preglasani ovdje u ovoj skupštinskoj sali. I nakon 5 godina mogli bi izanalizirati šta je taj Centar uradio u Ministarstvu privrede. Danas se nalazimo pred donošenjem nove odluke, a ta nova odluka uključuje da se u sklopu Centra za napredne tehnologije organizira i Centar za razvoj poduzetništva. I mi kažemo da

treba Centar za razvoj poduzetništva, ali ne unutar ove institucije. A ova institucija ne unutar Ministarstva privrede. Mislim da su naši stavovi politički kristalno jasni ovdje. I upozoravam Skupštinu, pozivamo, molimo, nudimo prijedlog vrlo konstruktivno, pokušavamo da objasnimo kolegama i da kažemo: razumljivo je da nova Vlada, nova vlast koja je ušla prije nekoliko sedmica, nije u materiji, znači moj ministar Ilijašnin, ministar privrede, i nije u materiji oko ovoga. Njega je ova odluka dočekala spremnog, neko je napravio prije nego što on imenovan za ministra. Predlažem mu.

**Vibor Handžić (Dopredsjedavajući)**

Ispravka krivog navoda zastupnik Vreto.

**Elvis Vreto (poslanik/zastupnik)**

Hvala dopredsjedavajući. Zaista je ovo nekorektno. Prvo, ako govorimo o poduzetništvu, ako govorimo o Ministarstvu privrede, pa šta je veza jedina normalna stvar da iz poduzetništva ili centar vezan za privredu.

Jedina normalna stvar, to mu je funkcija. Ispravka krivog navoda je pozivanje na gospodina Zlatka Mijatovića, na ministra, kako on, evo, ne poznaje ovo. Ovo su osnovne stvari koje svako poznaje.

**Vibor Handžić (Dopredsjedavajući)**

Imate još desetak sekundi zastupniče Dević.

**Mahir Dević (poslanik/zastupnik)**

Da se odjavim da se Vreti prijavim za 2 replike i 2 kriva navoda. Znači, moja intencija je bila ako mogu završit nekoliko rečenica dopredsjedavajući, jel mogu?

Mogu? Hvala lijepo. Znači, intencija nije bila da obesmislim rad ministra. Čuli ste svi što sam kazao, naš politički stav sam kazao gdje šta ne treba biti, jedino da vam to dostavim u pismenoj formi, gospodine Vreto, ako me niste dobro razumjeli. Znači pozivam i kažem razumijem da čovjek nije učestvovao u pripremi jedne ovakve odluke. Nije, što kažu vatra jel da se to mora danas uraditi. Naš je prijedlog, povucite ovaj dokument, pripremite ga adekvatno za neku od narednih sjednica i da ga i mi i podržimo. Znači, ovdje u ovom dokumentu postoje dvije dobre ideje za koje smo mi, ali implementacija tih ideja nije dobra. Gospodine Vreto jel me razumijete? Da vam još jednom ponovim. Znači implementacija tih ideja po nama nije dobra, a dvije ideje su dobre. I mi vas pozivamo da ih zajedno implementiramo na način koji sam vam maloprije opisao. Evo, još jednom ću ga ponoviti. Centar za razvoj poduzetništva u Ministarstvu privrede pri nekoj instituciji ili unutar te institucije. I centar za napredne tehnologije u visoko obrazovanje. Evo, hvala vam, dopredsjedavajući što ste mi dozvolili da nekoliko rečenica.

**Vibor Handžić (Dopredsjedavajući)**

Ništa, zastupniče Dević. Zaključujem raspravu.

Molim zastupnike da pristupe izjašnjanju o Prijedlog odluke o izmjenama i dopunama Odluke o osnivanju Javne ustanove Centar za napredne tehnologije u Sarajevu.

Mogu rezultati. Za je glasalo 18 zastupnika, protiv 2, 7 suzdržanih. Konstatujem da je Skupština donijela ovu odluku.

Pojedinačno izjašnjanje na zahtjev predsjednika Kluba SDA-a.

**Aida Zeković (Sekretar Skupštine)**

Dobar dan, molim da se izjasnite.

Avdić Samir za  
Bandić Muamer za  
Bešlija Vildana za  
Čampara Aljoša odsutan  
Čengić Irfan za  
Čičić Davor za  
Dević Maher suzdržan  
Gaković Elza za  
Gavrankapetanović- Smailbegović Fatima za  
Handžić Vibor za  
Hašimbegović Marijela suzdržana  
Hodžić Admela, opravdano odsutna,  
Izetbegović Sebija odsutna  
Kalem Adi suzdržan  
Kapidžić Faruk protiv  
Kapo Belma za  
Klarić Sanela opravdano odsutna  
Kristić Danijela za  
Marjanović Damir suzdržan  
Mehmedagić Mersiha za  
Melank Miomirka za  
Memić Arijana za  
Okerić Elvedin za  
Pekić Jelena za  
Pilav Ilijaz odsutan  
Pobrić Rusmir za  
Selmanović Faruk suzdržan  
Šaljić Jasmin za  
Viteškić Smiljana suzdržana  
Vreto Elvis za  
Vujović Vedrana suzdržana  
Zahiragić Haris protiv  
Zuhrić Albin odsutan.

**Vibor Handžić (Dopredsjedavajući)**

Nakon pojedinačnog izjašnjavanja konstatujem da je bilo 18 glasova za, 2 protiv i 7 suzdržanih i da je Skupština donijela ovu odluku.

Time bi iscrpili današnji dnevni red. Zaključujem sjednicu i hvala vam na suradnji.